

॥ প্রথম জিজ্ঞাসা সংকলন ॥

কার্তিক ১৩৬৪ বঙ্গাব্দ

নবেম্বর ১৯৫৭ খ্রিস্টাব্দ

প্রকাশক

শ্রীশকুমার কুণ্ড

জিজ্ঞাসা

১৩৩এ রাসবিহারী অ্যাভিনিউ। কলিকাতা-২৯

শাখাকেন্দ্র ॥ ৩৩ কলেজ রো। কলিকাতা-৯

প্রচ্ছদপট-শিল্পী

অর্ধেন্দুপ্রসাদ বন্দ্যোপাধ্যায়

প্রচ্ছদসজ্জা ও চিত্রালংকরণ

তাপস দত্ত ক্রিয়েটিভ গ্রুপ

ব্লক-নির্মাণ

স্ট্যাণ্ডার্ড ফটো এনগ্রেভিং কোং প্রাঃ লিঃ

মুদ্রাকর

শ্রীবিভূতিভূষণ সেন

উদয়ন প্রেস

৬নং কলেজ রো। কলিকাতা-৯

গ্রন্থবন্ধনাগার

মির্জাপুর বাইপাস ওয়ার্কস

॥ তিন টাকা পঞ্চাশ নয়া পয়সা ॥

## সূচী

আদিকাণ্ড	১
অষোধ্যাকাণ্ড	২৫
অরণ্যাকাণ্ড	৫৯
কিষ্কিন্ধ্যাকাণ্ড	৭৮
সুন্দরাকাণ্ড	৮৭
বাল্মীকীকাণ্ড	১০১
উত্তরাকাণ্ড	১৫১





রামং লক্ষণপূর্বজং রঘুবরং সীতাপতিং সুন্দরম্ ।  
কাকুৎস্থং করুণাময়ং গুণনিধিং বিপ্রপ্রিয়ং ধার্মিকম্ ॥  
রাজেন্দ্রং সত্যসন্ধং দশরথতনয়ং শ্রামলং শাস্ত্রমূর্তিম্ ।  
বন্দে লোকাভিরামং রঘুকুলতিলকং রাঘবং রাবণারিম্ ॥  
রামায় রামচন্দ্রায় রামভদ্রায় বেথসে ।  
রঘুনাথায় নাথায় সীতায়ঃ পতয়ে নমঃ ॥







## আদিকাণ্ড

॥ নারায়ণের চারি অংশে প্রকাশ ॥

গোলোক বৈকুণ্ঠপুরী সবার উপর ।  
 লক্ষ্মীসহ আছেন তথায় গদাধর ॥  
 মনে মনে প্রভুর হইল অভিলাষ ।  
 এক অংশ চারি অংশে হইতে প্রকাশ ॥  
 শ্রীরাম ভরত আর শত্রুঘ্ন লক্ষ্মণ ।  
 এক অংশে চারি অংশ হৈলা নারায়ণ ॥  
 লক্ষ্মীমূর্তি সীতাদেবী বসেছেন বামে ।  
 স্বর্ণছত্র ধরেছেন লক্ষ্মণ শ্রীরামে ॥  
 চামর ঢুলান তাঁরে ভরত শত্রুঘ্ন ।  
 জোড়হাতে স্তব করে পবননন্দন ॥  
 এইরূপে বৈকুণ্ঠে আছেন গদাধর ।  
 হেনকালে আইলা নারদ মুনিবর ॥  
 রূপ দেখি বিহ্বল নারদ চান ধীরে ।  
 বসন তিতিল তাঁর নয়নের নীরে ॥  
 হেন রূপ কেন ধরিলেন নারায়ণ ।  
 ইহা জিজ্ঞাসিব গিয়া যথা পঞ্চানন ॥  
 এতেক ভাবিয়া যাঞ করে মুনিবরে ।  
 বিধাতারে লয়ে যান কৈলাসশিখরে ॥

নিরখিয়া ছুইজনে ছুই মহেশ্বর ।  
 জিজ্ঞাসা করেন ব্রহ্মা তাঁহার গোচর ॥  
 দেখিতাম পূর্বেতে কেবল নারায়ণ ।  
 চারি অংশ দেখি এবে কিসের কারণ ॥  
 ব্রহ্মাবাক্য শুনিয়া কহেন কৃষ্ণিবাস ।  
 সেই রূপ ইহকালে হইবে প্রকাশ ॥  
 রাবণ রাক্ষস হবে পৃথিবীমণ্ডলে ।  
 তাহারে বধিতে জন্ম লবেন ভূতলে ॥  
 দশরথ-ঘরে জন্মিবেন চারিজন ।  
 শ্রীরাম ভারত আর শত্রুঘ্ন লক্ষ্মণ ॥  
 মনুষ্য গোহত্যা আদি যত পাপ করে ।  
 একবার বাম নামে সর্ব পাপে তরে ॥  
 চ্যবন মুনির পুত্র নাম রত্নাকর ।  
 দম্ভ্যবৃত্তি করে সেই বনের ভিতর ॥  
 তারে গিয়া রাম-নাম দেহ একবার ।  
 তবে সে নিতান্ত মুক্ত হইবে সংসার ॥  
 রচিবে সে মহাকাব্য গীত রামায়ণ ।  
 যা শুনি উদ্ধাব পাবে যত পাপী জন ॥  
 বিধাতা নারদ দৌহে যান বনপথে ।  
 রত্নাকর মুদগর তোলে ব্রহ্মারে বধিতে ॥  
 ব্রহ্মার মায়াতে তাব মুদগর না চলে ।  
 মায়ায় মুদগর বদ্ধ তার করতলে ॥  
 না পারে মারিতে দম্ভ্য ভাবে মনে মন ।  
 ব্রহ্মা জিজ্ঞাসেন বাপু তুমি কোন্ জন ॥  
 রত্নাকর বলে তুমি না চিন আমারে ।  
 লইব তোমার বস্ত্র মারিয়া তোমারে ॥  
 ব্রহ্মা বলিলেন পাপ কর কার লাগি ।  
 তোমার এ পাতকের কেহ আছে ভাগী ॥  
 রত্নাকর বলে যত লয়ে যাই ধন ।  
 মাতা পিতা পত্নী আমি খাই চারি জন ॥  
 যাহা কিছু বেচি কিনি খাই চারি জনে ।  
 আমার পাপের ভাগী সকলে এক্ষণে ॥

শুনিয়া হাসিয়া ব্রজা কহিলেন তবে ।  
 তোমার পাপের ভাগী তারা কেন হবে ॥  
 জিজ্ঞাসা করিয়া তুমি আইস নিশ্চয় ।  
 তোমার পাপের ভাগী তারা যদি হয় ॥  
 নিতান্ত আমারে বধ কর তবে তুমি ।  
 এই বৃক্ষতলেতে বসিয়া থাকি আমি ॥  
 অতঃপর যায় দশ্যু ফিরে ফিরে চায় ।  
 ভাবে বুঝি ভাঁড়াইয়া সন্ন্যাসী পলায় ॥  
 প্রথম পিতার কাছে করে নিবেদন ।  
 আদিকাণ্ড গান কুন্তিবাস বিচক্ষণ ॥

—  
 ॥ রামনামে রত্নাকরের পাপক্ষয় ॥

মানুষ মারিয়া আনি যত ধন আমি ।  
 আমার পাপের ভাগী বট কিনা তুমি ॥  
 পুত্রের বচন শুনি চাবন কুপিল ।  
 হেন কথা তোমা পুত্র কে কহিল বলে ॥  
 মানুষ মারিতে তোমা বলে কোন্ জন ।  
 তোমার পাপের ভাগী হব কি কারণ ॥  
 শুনিয়া বাপের বাক্য মাথা হেঁট করে ।  
 কাঁদিতে কাঁদিতে কহে মায়ের গোচরে ॥  
 সত্য করি আমারে গো কহিবে জননী ।  
 আমার পাপের ভাগী নহ কি আপনি ॥  
 জননী কহিল ক্রুদ্ধা হইয়া অপার ।  
 এক দিবসের ধার কে শোধে আমার ॥  
 দশ মাস গর্ভে ধরি পুষেছি তোমারে ।  
 তব কৃত পাপ পুত্র না লাগে আমারে ॥  
 শুনিয়া মায়ের বাক্য হেঁট কৈল মাথা ।  
 পত্নীর নিকটে গিয়া কহে সব কথা ॥  
 শুনিয়া স্বামীর বাক্য কহিছে রমণী ।  
 নিবেদন করি প্রভু শুন গুণমণি ।

আর যত পাপ পুণ্য ভাগ লাগে মোরে —  
 পোষণার্থ পাপ-ভাগ না লাগে আমারে ॥  
 শুনিয়া ভাষার কথা রত্নাকর ডরে ।  
 কেমনে তরিব আমি এ পাপ-সাগরে ॥  
 ইহা ভাবি উভয়ের সন্নিধানে গিয়া ।  
 কহিল ব্রহ্মার পায় দণ্ডবৎ হৈয়া ॥  
 একে একে জিজ্ঞাসিষু আমি সবাকারে ।  
 মম পাপ-ভাগী কেহ নাহি সংসাবে ॥  
 আপনি করিয়া কৃপা দিলা দিব্যজ্ঞান ।  
 এসকল পাপে কিসে পাব পরিত্রাণ ॥  
 কহিলেন পিতামহ মুনির কুমারে ।  
 তুমি স্নান করিয়া আইস সরোবরে ॥  
 কমণ্ডলু-জল ছিল দিলেন মাথায় ।  
 মহামন্ত্র মুনি তারে কহিবারে যায় ॥  
 নিকটে আসিয়া ব্রহ্মা কহে তার কানে ।  
 একবার রাম-নাম বলো রে বদনে ॥  
 পাপে জড় জিহ্বা রাম না পারে বলিতে ।  
 শুনিয়া ব্রহ্মার বড় চিন্তা হৈল চিতে ॥  
 বলিলেন মরা বলি জপো অবিশ্রাম ।  
 তবে মুখে তখনি সরিবে রামনাম ॥  
 মরা মরা বলিতে আইল রামনাম ।  
 পাইল সকল পাপে দম্প্য পরিত্রাণ ॥

—

॥ ব্রহ্মার রত্নাকরের বাণীকি নামকরণ ও  
 রামায়ণ রচনার বর দান ॥

রামনাম জপে এক স্থানে একাসনে ।  
 সর্বাঙ্গ খাইল বল্লীকের কীটগণে ॥  
 খাইল সকল মাংস অস্থিমাত্র থাকে ।  
 বল্লীকের মধ্যে মুনি রামনাম ডাকে ॥  
 হেনমতে কাটি গেল অনেক বৎসর ।  
 পুনঃ আইলেন ব্রহ্মা যথা মুনিবর ॥

রামনাম শুনি মাত্র গিঙের ভিতর ।  
 জানিল ইহার মধ্যে আছে মুনিবর ॥  
 সৃষ্টিকর্তা করিলেন তাঁহারে আহ্বান ।  
 পাইয়া চৈতন্য মুনি উঠিয়া দাঁড়ান ॥  
 ব্রহ্মারে কহিল মুনি করিয়া প্রণাম ।  
 মোরে মুক্ত কৈলে তুমি দিয়া রামনাম ॥  
 ব্রহ্মা বলে তব নাম রত্নাকর ছিল ।  
 আজি হতে তব নাম বাল্মীকি হইল ॥  
 বাল্মীকেতে ছিলা যেই সেই এ বিধান ।  
 সাতকাণ্ড রচো গিয়া রামের পূবাণ ॥  
 সরস্বতী রহিবেন তোমার জিহ্বাতে ।  
 হইবে কবিতাবাণি তোমার মুখেতে ॥  
 শ্লোকছন্দে তুমি যাতা বচিবে পূবাণ ।  
 জন্মিয়া সেসব কর্ম করিবেন রাম ॥  
 এত বলি ব্রহ্মা গেলা আপন ভবন ।  
 আদিকাণ্ড গান কুন্তিবাস বিচক্ষণ ॥

॥ নাবদেব বাল্মীকিকে বামায়ণেব  
 আভাস প্রদান ॥

একদিন সে বাল্মীকি সর্বোবরকূলে ।  
 রামনাম জপেন বসিয়া বৃক্ষমূলে ॥  
 ক্রোধে ক্রোধী বসিয়া আছিল বৃক্ষডালে ।  
 এক ব্যাধ আসি পক্ষী বিক্লিলেক নলে ॥  
 রামে স্মরি বলে মুনি কানে দিয়া হাত ।  
 জীবহত্যা কৈলি পাপী আমার সাক্ষাৎ ॥  
 বিনা অপরাধে হিংসা কর পক্ষীজাতি ।  
 বুঝিলাম তোমার নরকে হবে স্থিতি ॥  
 এতেক বলিয়া মুনি শাপ দিল তাকে ।  
 সেই শোকে এক শ্লোক নিঃসবিল মুখে ॥  
 চারি পদ ছন্দ মুনি লিখিলেন পাতে ।  
 আপনি লিখিয়া মুনি না পারে বুঝিতে ॥

ব্রহ্মা পাঠাইয়া দিলা তথা নারদেরে ।  
 বান্দীকিরে উপদেশ করিবার তরে ॥  
 সেই শ্লোক শুনাইল মুনি নারদেরে ।  
 নারদ করিয়া অর্থ বুঝাইল তারে ॥  
 এই শ্লোকছন্দে তুমি করো রামায়ণ ।  
 উপদেশ কহি জানি তুমি সে ভাজন ॥  
 সূর্যবংশে দশরথ হবে নরপতি ।  
 রাবণ বধিতে জন্মিবেন লক্ষ্মীপতি ॥  
 শ্রীরাম ভারত আর শত্রুঘ্ন লক্ষণ ।  
 তিন গর্ভে জন্মিবেন এই চারি জন ॥  
 সীতাদেবী জন্মিবেন জনকের ঘরে ।  
 ধনুর্ভঙ্গ পণে তাঁর বিবাহ তৎপরে ॥  
 পিতার আজ্ঞায় রাম যাইবেন বন ।  
 সঙ্গেতে যাবেন তাঁব জ্ঞানকী লক্ষ্মণ ॥  
 সীতারে হরিয়া লবে লঙ্কার রাবণ ।  
 সুগ্রীব-সহিত রাম করিবে মিলন ॥  
 বালিকে মারিয়া তারে দিবে রাজ্যভার ।  
 সুগ্রীব করিয়া দিবে সীতার উদ্ধার ॥  
 দশমুণ্ড বিশহাত মারিয়া রাবণ ।  
 অযোধ্যায় রাজ্য হইবেন নারায়ণ ॥  
 পঞ্চমাস গর্ভবতী সীতারে গোপনে ।  
 বজ্রিবেন রাম তাঁরে তব তপোবনে ॥  
 লব কুশ নামে হবে সীতার নন্দন ।  
 উভয়ে শিখাবে তুমি বেদ রামায়ণ ॥  
 এইরূপে বহু বর্ষ পালিবেন ক্ষিতি ।  
 পুত্রে রাজ্য দিয়া স্বর্গে করিবেন গতি ॥  
 জন্ম হতে কহিলাম স্বর্গ-আরোহণ ।  
 জন্মিয়া করিবে ইহা শ্রদ্ধা নারায়ণ ॥  
 এত বলি নারদ গেলেন স্বর্গবাস ।  
 আদিকাণ্ড রচিল পণ্ডিত কৃত্তিবাস ॥

॥ মহারাজ দশরথ ॥

দশরথ মহারাজ জন্ম সূর্যবংশে ।  
 সর্বগুণেশ্বর রাজা সকলে প্রশংসে ॥  
 রাজচক্রবর্তী দশরথ লোকে জানে ।  
 রাক্ষস গন্ধর্ব কাঁপে তাঁর নাম শুনে ॥  
 পুত্রহীন মহারাজ মনে দুঃখদাহ ।  
 করিলেন সাত শত পঞ্চাশ দিবাহ ॥  
 সাত শত পঞ্চাশের মুখ্যা তিন গণি ।  
 কৌশল্যা সুমিত্রা আর কৈকেয়ী সতিনী ॥  
 সতত ভাসেন রাজা সুখেব সাগরে ।  
 দৈবে অনাবৃষ্টি হল অযোধ্যা-নগরে ॥  
 সকল অযোধ্যা রাজ্যে হইল আপদ ।  
 হেনকালে আইলেন তথায় নারদ ॥  
 নারদ বলেন নৃপ করি নিবেদন ।  
 আইলাম তোমারে করিতে বিজ্ঞাপন ॥  
 ইন্দ্রের বৃষ্টিতে বাঁচে সকল সংসার ।  
 তব রাজ্যে অনাবৃষ্টি দুঃখ সবাকার ॥  
 রাজা কহে ইন্দ্ররাজ বড়ই চতুর ।  
 মুখে এক কহে সে অস্তুরে করে দূর ॥  
 স্বর্গেতে যাইয়া তবে দেবের সমাজে ।  
 কোথা ইন্দ্র বলিয়া ডাকেন দেবরাজে ॥  
 দেবেরা বলেন রাজা ক্রোধ কি কারণ ।  
 তব সঙ্গে বাসব না করিবেন রণ ॥  
 ভূপতি বলেন মম রাজ্যে নাই বৃষ্টি ।  
 অনাবৃষ্টি হেতু মোর নষ্ট হল সৃষ্টি ॥  
 স্রবৃষ্টি করিয়া সৃষ্টি রাখুন সম্প্রতি ।  
 নতুবা জিনিয়া লব এ অমরাবতী ॥  
 এতেক শুনিয়া যান যত দেবগণ ।  
 ইন্দ্রকে কহেন তাঁরা সব বিবরণ ॥  
 অমুজ্জা করিল ইন্দ্র চারি জলধরে ।  
 সাত দিন বৃষ্টি করে অযোধ্যা-নগরে ॥



নদ নদী সরোবর পূর্ণ হৈল জল ।  
 অনাবৃষ্টি ঘুটিল বৃক্ষেতে হৈল ফল ॥  
 রাজ্য করে দশরথ যেন পুরন্দর ।  
 রাজার বয়স হয় অনেক বৎসর ॥  
 সাত শত পঞ্চাশ যে নৃপতি-রমণী ।  
 কারো পুত্র নাহি রাজা বড় অভিমানী ॥  
 ভার্গব রাজার কন্যা ছিল একজন ।  
 তার গর্ভে এক কন্তা জন্মিল তখন ॥  
 লোমপাদ রাজা দশরথের যে সখা ।  
 অঙ্গদেশে বসতি ধনের নাহি লেখা ॥  
 জন্মিয়াছে স্নাতা দশরথের গুনিয়া ।  
 লোমপাদ আনে তাঁরে লোক পাঠাইয়া ॥  
 সত্য ছিল পূর্বেতে করিতে নারে আন ।  
 মহা পুণ্যবান রাজা ধর্ম-অধিষ্ঠান ॥  
 কন্যা চলে লোমপাদ ভূপতির ঘরে ।  
 দশরথ রাজত্ব করেন নিজ পুরে ॥  
 দৈবের নির্বন্ধ আছে না হয় থগুন ।  
 মৃগয়া করিতে রাজা করেন গমন ॥  
 ভ্রমিয়া বেড়ান রাজা নিবিড় কানন ।  
 অন্ধকের তপোবনে গেলেন তখন ॥  
 শ্রমযুক্ত হইয়া বসেন বৃক্ষতলে ।  
 দিব্য সরোবর দেখিলেন সেই স্থলে ॥  
 অন্ধকমুনির পুত্র সিদ্ধু নাম ধরে ।  
 কলসীতে ভরে জল সেই সরোবরে ॥



কলসীর মুখ করে বুকবুক ধ্বনি ।  
 রাজা ভাবে জলপান করিছে হরিণী ॥  
 যুগজ্ঞানে বাণ হানে রাজা দশরথ ।  
 বাণাঘাতে মুনি পড়ে প্রাণ ওষ্ঠাগত ॥  
 যুগের উদ্দেশে রাজা যান তাড়াতাড়ি ।  
 যুগ নহে মুনিপুত্র যায় গড়াগড়ি ॥  
 শিরে হাত দিয়া রাজা করে অনুতাপ ।  
 ব্যাকুল দেখিয়া মুনি নাহি দিল শাপ ॥  
 মুনি বলে দশরথ ভয় কি কারণ ।  
 তোমারে শাপিয়া আমি পাব কত ধন ॥  
 অন্ধ পিতামাতা মম শ্রীফলের বনে ।  
 আজি তাঁরা মরিবেন আমার বিহনে ॥  
 এত বড় ছুঃখ মম রহিল যে মনে ।  
 মৃত্যুকালে দেখা নাহি হল দৌহা-সনে ॥  
 মৃত মুনি তুলি রাজা লইল কাঁধেতে ।  
 অন্ধকের বনে গেল কাঁদিতে কাঁদিতে ॥  
 পুত্র না আইসে মুনি বসিলেন ধ্যানে ।  
 সকল বৃত্তান্ত মুনি ক্ষণেকেতে জানে ॥  
 চক্ষু ভাসে নীরে করে করাঘাত শিরে ।  
 বলে রাজা মারিয়াছে পুত্রে এক তীরে ॥  
 মুনি বলে আইস দশরথ নরপতে ।  
 মৃত পুত্র আনিলে আমাকে দেখাইতে ॥  
 আর কিবা দশরথ শাপিব তোমাকে ।  
 এইমত তব প্রাণ যাবে পুত্রশোকে ॥  
 মুনি শাপ দিল যদি রাজার উপর ।  
 দশরথ কহিছেন প্রফুল্ল-অন্তর ॥  
 শুভমস্ত মুনিবাক্য না হইবে আন ।  
 দেখিয়া পুত্রের মুখ যায় যাবে প্রাণ ॥  
 অন্ধ বলে দশরথ বঞ্চিত সন্তানে ।  
 পুত্রশোকে শাপ দিহু বর বলি মানেন ॥  
 এই সত্য দশরথ করিবে পালন ।  
 ঋণ্যশৃঙ্গে আনি করে যজ্ঞ আরম্ভন ॥

এতেক বলিয়া মুনি নারায়ণে ডাকে ।  
 নারায়ণ-মন্ত্ৰ জপি মরে পুত্রশোকে ॥  
 পতিব্রতা নাহি জীয়ে পতির মরণে ।  
 অশ্বকী ছাড়িল প্রাণ অন্ধকের সনে ॥

—  
 ॥ সম্বর-অশুর বধ ॥

রাজ্য করে দশরথ যেন পুরন্দর ।  
 হইল অশুর স্বর্গে নামোতে সম্বর ॥  
 তাব ভায়ে স্বর্গে দেব রহিতে না পারে ।  
 মহেন্দ্র বলেন ব্রহ্মা বাঁচি কি প্রকারে ॥  
 ব্রহ্মা বলিলেন আনো রাজা দশরথে ।  
 অশুব সম্বর মরিবেক তাঁর হাতে ॥  
 আপনি আইল ইন্দ্র অযোধ্যা-নগর ।  
 পাণ্ডু-অর্ঘ্যে দশরথ পূজে পুরন্দর ॥  
 ইন্দ্র বলে দশরথ তুমি মোর মিত ।  
 ঠেকেছি সংকটে রক্ষা করো এই হিত ॥  
 আমার সহায় হয়ে যদি কর রণ ।  
 তোমার প্রসাদে তবে বাঁচে দেবগণ ॥  
 শুনিয়া ইন্দ্রের কথা দশরথ হাসে ।  
 সম্বরে মারিব আমি তুমি যাও বাসে ॥  
 সম্ববে জিনিতে রাজা করিল গমন ।  
 দশরথে দেখিয়া কাঁপিল ত্রিভুবন ॥  
 সম্বরের সেনাগণ সমরে প্রথর ।  
 ভূপতির সেনা বিধি করিল জর্জর ॥  
 ছুইজন বাণবৃষ্টি করে কাঁকে কাঁকে ।  
 উভয়ের বাণেতে অমরাবতী ঢাকে ॥  
 শব্দভেদী দশরথ শব্দ শুনি হানে ।  
 দেখিতে না পায় দৈত্য থাকে কোন্‌খানে ॥  
 নর হয়ে মারিলেন অশুর সম্বর ।  
 দেব-সহ স্মৃথে রাজ্য পালে পুরন্দর ॥

॥ কৈকেয়ীকে বব দান ॥

পাত্রমিত্রগণে রাজ্য দিলেন মেলানি ।  
 অন্তঃপুরে দশরথ চলিল অমনি ॥  
 সবার অধিক ভালোবাসে বৈকৈয়ীকে ।  
 সেই হেতু আগে গেল কৈকেয়ীর ঘরে ॥  
 অস্ত্রসজ্জাবনী-বিদ্যা জানেন কৈকেয়ী ।  
 দেখিল রাজ্যের তনু অস্ত্রক্ষতময়ী ॥  
 মন্ত্র পড়ি জল দিল ভূপতিব গায় ।  
 জ্বালা ব্যথা গেল দূরে শবীর জুড়ায় ॥  
 সুস্থ হয়ে দশরথ বলেন তখন ।  
 বব মাগি লও তুমি মনেব মতন ॥  
 এত যদি বলিলেন রাজ্য দশরথ ।  
 কৈকেয়ী কুঞ্জীক কহে বাক্য এইমত ॥  
 মহাবাজ আমাবে চাহেন দিতে বব ।  
 কি বব মাগিয়া লব তাঁহার গোচর ॥  
 কুঞ্জী বল এক্ষণে নাতিক প্রয়োজন ।  
 যখন হইবে ইচ্ছা বলিব তখন ॥  
 কৈকেয়ী কুঞ্জীর বাক্য না কবিল আন ।  
 হাসিয়া কহিল বানী বাজা-বিদ্যমান ॥  
 মহাবাজ আজি ববে নাহি প্রয়োজন ।  
 যখন যদ্যিবে কার্য মাগিব তখন ॥  
 রাজ্য কবে দশরথ হরষিতমন ।  
 কবেন পুত্রের তুলা প্রজার পালন ॥  
 যখন যা হবে তাহা দৈবে সব কবে ।  
 হইল রাজ্যের ব্রণ নথিব ভিতবে ॥  
 ব্রণের ব্যথায় বাজা হইল কাতর ।  
 পাত্র মিত্র আনি বাজা বলিল সত্ত্বর ॥  
 এ ব্যথায় বুঝি মম নিকট মরণ ।  
 সূর্যবংশে রাজ্য হয় নাহি হেন জন ॥  
 কৈকেয়ী রাজ্যের কাছে দিবাশি থাকে ।  
 রাজ্য যত দুঃখ পান কৈকেয়ী তা দেখে ॥

রাজার শুশ্রূষা রানী করে রাত্রিদিনে ।  
 কহিল কৈকেয়ী রানী রাজা বিদ্রুমানে ॥  
 স্বামী বিনা স্ত্রীলোকের অণু নাহি গতি ।  
 ত্রণে মুখ দিব যদি পাও অব্যাহতি ॥  
 পাকিয়া আছিল সেই নখের বরণ ।  
 মুখের অমৃত পেয়ে গলিল তখন ॥  
 সুস্থ হইলেন রাজা ব্যথা গেল দূরে ।  
 রক্ত পূজ ফেলি দেহ বলে কৈকেয়ীরে ॥  
 কর্পূর তাম্বুল প্রিয়ে করহ ভক্ষণ ।  
 বর লহ যাহা চাহ দিব এইক্ষণ ॥  
 কৈকেয়ী বলেন শুনি রাজার বচন ।  
 যখন মাগিব বর পাইব তখন ॥  
 দুই বারে দুই বর থাক্ তব ঠাই ।  
 পশ্চাতে মাগিব বর এখন না চাই ॥

॥ দশরথের যজ্ঞ ও ভগবানের চারি  
 অংশে জন্মগ্রহণ ॥

একদিন সভা করি অমাত্য-সমিতিতে ।  
 অতি খেদ করি রাজা লাগিল কহিতে ॥  
 ইহকালে না হইল আমার সন্ততি ।  
 পরকালে কিরূপে পাইব অব্যাহতি ॥  
 বর দিয়াছেন স্ত্রীঅশ্বক মহামুনি ।  
 যজ্ঞ করো তুমি ঋষ্যশৃঙ্গ মুনি আনি ॥  
 ঋষ্যশৃঙ্গ মুনিবর কোন্ দেশে বৈসে ।  
 কার্যসিদ্ধি হয় যদি সেই মুনি আইসে ॥  
 সুমন্ত বলেন রাজা করো অবধান ।  
 অঙ্গদেশে ঋষ্যশৃঙ্গ হন অধিষ্ঠান ॥  
 আনিয়া সে মুনিবরে করি আরাধন ।  
 রাজা দশরথ করে যজ্ঞ আরম্ভন ॥  
 আমন্ত্রণ নিমন্ত্রণ করে দেশে দেশে ।  
 সাদর আহ্বান পেয়ে যত মুনি আসে ॥

যজ্ঞ করিছেন রাজা সরযুর তীরে ।  
 মুনিগণ গেলেন রাজার যজ্ঞঘরে ॥  
 দশরথ যজ্ঞ করে একটি বৎসর ।  
 যজ্ঞস্থলে আসি দেখা দিলেন শ্রীধর ॥  
 এইরূপে আসি দেখা দিলে নারায়ণ ।  
 কেবল দেখিল ঋষ্যশৃঙ্গ তপোধন ॥  
 মুনি বলে দশরথ তুমি পুণ্যবান ।  
 তব ধরে জন্মিতে আইল ভগবান ॥  
 ঋষ্যশৃঙ্গ মুনি দিল যজ্ঞেতে আছতি ।  
 যজ্ঞ হতে উঠে চক্ৰ বিফুর আকৃতি ॥  
 মুনি চক্ৰ হাতে দিল রাজা বন্দে মাথে ।  
 অন্তঃপুরে গেল রাজা সুপবিত্র পথে ॥  
 অগ্রভাগ দিল রাজা কোশল্যা রানীরে ।  
 শেষ ভাগখানি দিল কৈকেয়ী দেবীরে ॥  
 চক্ৰ দিয়া যজ্ঞশালে গেল দশরথে ।  
 হেনকালে স্মিত্রা সে লাগিল কাঁদিতে ।  
 সুনীয়া কোশল্যা রানী হয়ে দয়াবতী ।  
 বলিতে লাগিল রানী স্মিত্রার প্রতি ॥  
 মনে মানিয়াছি যেন তিনটি ভগিনী ।  
 আপন ভাগের তোমা দিব অধ'খানি ॥  
 ইহাতে তোমার যদি জন্ময়ে নন্দন ।  
 আমার পুত্রের সঙ্গে রহিবে সে জন ॥  
 তাহা দেখে বসিয়া কৈকেয়ী ক্রুরমতি ।  
 কপটে ডাকিয়া কহে স্মিত্রার প্রতি ॥  
 তোমারে চক্ৰর অধ' অংশ দিব আমি ।  
 স্মিত্রা ভগিনী এই সত্য করো তুমি ॥  
 আমার চক্ৰর অংশে হবে যে নন্দন ।  
 আমার পুত্রের সঙ্গে কোরো সেইজন ॥  
 স্মিত্রা বলেন দিদি করিলাম পণ ।  
 তোমার পুত্রের দান আমার নন্দন ॥  
 এত বলি শেষভাগ দিলেন তাহারে ।  
 তিন জন খাইলেন চক্ৰ একেবারে ॥

এক অংশে নারায়ণ চারি অংশ হৈয়া ।  
 তিন গর্ভে জন্মিলেন শুভক্ষণ পাইয়া ॥  
 যেই দিন ভূমিষ্ঠ হবেন নারায়ণ ।  
 আকাশ জুড়িয়া বসিলেন দেবগণ ॥  
 প্রথমে প্রথমা স্ত্রীর গর্ভের বেদন ।  
 অন্তঃপুরে প্রবেশ করিল নারীগণ ॥  
 মধুচৈত্রমাস স্ত্রী শ্রীরামনবমী ।  
 শুভক্ষণে ভূমিষ্ঠ হলেন জগৎস্বামী ॥  
 কৈকেয়ীর হৈল তবে গর্ভের বেদন ।  
 শুভক্ষণে জন্মিলেন প্রভু নারায়ণ ॥  
 কৌশল্যা রানীর পুত্র যেক্রপ লাভ্য ।  
 সেই নাক সেই মুখ কিছু নহে ভিন্ন ॥  
 স্মিত্রার হইলেক গর্ভের বেদন ।  
 যমজ উভয় পুত্র প্রসবে তখন ॥  
 চলিলেন দশরথ পরম কৌতুক ।  
 তিন ঘবে দেখিলেন চারি পুত্রমুখ ॥  
 এতদিনে দশরথ-মনেতে উল্লাস ।  
 রামজন্ম রচিল পণ্ডিত কৃতিবাস ॥  
 নররূপে জন্মিলেন প্রভু নারায়ণ ।  
 বানররূপেতে জন্ম নিল দেবগণ ॥

—

॥ দশবথেব চারি পুত্রব অন্নপ্রাশন  
 নামকরণ ও অস্ত্রবিদ্যা-শিক্ষা ॥

ছয় মাস বয়স্ক হইলে চারিজন ।  
 করাইল সবাকার ওদনপ্রাশন ॥  
 আসিয়া বশিষ্ঠ মুনি মহানন্দ মনে ।  
 চারি পুত্রমুখে অন্ন দিল শুভক্ষণে ॥  
 যেই মন্ত্র বাল্মীকি জপেন অবিরাম ।  
 কৌশল্যাপুত্রের নাম রাখিল শ্রীরাম ॥  
 পৃথিবীর ভর সহিবেন অবিরত ।  
 তেঁই হেতু তাঁর নাম হইল ভারত ॥

স্তুমিত্রার হইয়াছে যমজনন্দন ।  
 শত্রুস্ব কনিষ্ঠ তার জ্যেষ্ঠ শ্রীলক্ষ্মণ ॥  
 আশীর্বাদ করি ঘরে গেল মুনিগণ ।  
 আদিকাণ্ডে শ্রীরামের নাম-সংকলন ॥  
 পঞ্চবর্ষ গত হলে হাতে দিল খড়ি ।  
 পড়িতে পাঠান রাজা বশিষ্ঠের বাড়ি ॥  
 কোনো শাস্ত্র নাতি হয় তাঁর অগোচর ।  
 চৌদ্দ দিনে চতুষষ্টি বিদ্যাতে তৎপর ॥  
 বিদ্যা পড়ি করিলেন গুরুকে প্রণাম ।  
 অস্ত্রবিদ্যা সেইক্ষণে শিখিলেন রাম ॥  
 ধনু হাতে করি বাম যারে এডে বাণ ।  
 ত্রিভুবনে তার আর নাই পরিত্রাণ ॥  
 দশবথ বাজার বিপক্ষ যত ছিল ।  
 রামের বিক্রম দেখি সবে পলাইল ॥

॥ সীতার জন্ম । জনক রাজাব  
 হরধনুর্ভঙ্গ-পণ ॥

সাত বৎসরের রাম অযোধ্যা-নগরে ।  
 লক্ষ্মী হোথা জন্মিলেন জনকের ঘরে ॥  
 চাষের ভূমিতে কন্যা পায় মহাশ্বষি ।  
 মিথিলা হইল আলো পরমা রূপসী ॥  
 অদ্বুত সীতার রূপ গুণ মনে মানি ।  
 এ সামান্য নহে কন্যা কমলা আপনি ॥  
 হরের ধনুক ছিল জনকের ঘর ।  
 করিলেন প্রতিজ্ঞা জনক ঋষিবর ॥  
 এ ধনুক গুণ দিতে যে জন পারিবে ।  
 সেই জন জানকীরে বিবাহ করিবে ॥



॥ সকল রাজা ও রাবণের ধনু তুলিতে  
অপারক হইয়া পলায়ন ॥

ধনুকের কথা যেই গেল দেশে দেশে ।  
জানকী-বিবাহ হেতু রাজা সব আসে ॥  
আসিয়া সকল রাজা অহংকার করে ।  
সবারে পাঠায়ে দেন ধনুকের ঘরে ॥  
প্রাণপণে তারা ধনু টানাটানি করে ।  
তুলিবার সাধ্য কিবা নাড়িতে না পারে ॥  
ধনুক তুলিতে নাহি পারে কোনো জন ।  
লঙ্কায় থাকিয়া শুনে লঙ্কার রাবণ ॥  
আইল রাবণ রাজা মিথিলা-ভুবন ।  
জনক শুনিল রাবণের আগমন ॥  
দশানন বলে রাজা তব কণ্ঠা সীতা ।  
আমাবে করহ দান আমি যে গ্রহীতা ॥  
জনক বলেন করো প্রতিজ্ঞা পূরণ ।  
দেখুক সকল লোকে ধনুক-ভঙ্গন ।  
আঁটিয়া কাপড় বীর বাঁধিল কাঁকালে ।  
কুড়ি হস্তে ধরিল সে ধনু মহাবলে ॥  
আঁকড়ি ধরিয়া যদি ধনুখান টানে ।  
তুলিতে না পারে চায় চারি দিক পানে ॥  
পলাইয়া চলে তবে লঙ্কা-অধিকারী ।  
সকল বালক তারে দেয় টিটকারি ॥  
লঙ্কায় শঙ্কায় গেল লঙ্কার রাবণ ।  
আকাশে থাকিয়া দেখে যত দেবগণ ॥

—

॥ রাক্ষসেরা মূনিদের যজ্ঞ বাধা দেওয়ার  
তাহা নিবারণের উপায় ॥

মহারাজ দশরথ চারি পুত্রে লয়ে ।  
সাম্রাজ্য করেন ভোগ হরষিত হয়ে ॥

হেথা মিথিলায় যজ্ঞ করে মুনিগণ ।  
 যজ্ঞ পূর্ণ নাহি হয় রাক্ষস-কারণ ॥  
 যজ্ঞহীন হইল যে মিথিলা-ভুবন ।  
 করেন জনক যুক্তি লয়ে মুনিগণ ॥  
 তার মধ্যে বলিলেন বিশ্বামিত্র মুনি ।  
 অযোধ্যায় গিয়া রামচন্দ্রে আমি আনি ॥  
 বিশ্বামিত্র সকলেরে করিয়া আশ্বাস ।  
 চলিলেন যথা রাম অযোধ্যা-নিবাস ॥  
 উপস্থিত হইলেন অযোধ্যার দ্বারে ।  
 দ্বারী গিয়া জানাইল তখনি রাজারে ॥  
 আসি বন্দিলেন রাজা মুনির চরণ ।  
 শিষ্টাচার-পূর্বক করেন অভ্যর্থন ॥  
 বিশ্বামিত্র বলেন শুন রাজা দশরথ ।  
 শ্রীরামেবে দেহ যদি হয় অভিমত ॥  
 মুনিগণ যজ্ঞ করে করিয়া প্রয়াস ।  
 রাক্ষস আসিয়া সদা করে যজ্ঞ নাশ ॥  
 এই ভার মহারাজ দিলাম তোমাৰে ।  
 শ্রীরাম-লক্ষ্মণে দেহ যজ্ঞ রাখিবারে ॥  
 রাজা বলিলেন মুনি করি নিবেদন ।  
 ধনুর্বাণ নাহি জানে কি করিবে রণ ॥  
 অত্যল্প বয়স মম পুত্র চারিগুটি ।  
 শিরে চুল নাহি ঘুচে আছে পঞ্চঝুঁটি ॥  
 অন্য সৈন্য যত চাহ লহ তপোধন ।  
 তাহারা করিবে নিশাচর নিবারণ ॥  
 শুনিয়া কহেন বিশ্বামিত্র তপোধন ।  
 কটকে খাইবে এত কোথা পাব ধন ॥  
 একা রাম গেলে হয় কার্যের সাধন ।  
 সহস্র কটকে মম নাহি প্রয়োজন ॥  
 শ্রীরাম-লক্ষ্মণে লয়ে আমি দেশে যাই ।  
 স্থির হও মহারাজ কোনো চিন্তা নাই ॥  
 রাজারে কহিয়া এই প্রবোধবচন ।  
 মুনি বলিলেন চলো শ্রীরাম-লক্ষ্মণ ॥

শ্রীরাম-লক্ষ্মণে লয়ে বিশ্বামিত্র যান ।  
 মহারাজ নেত্রনীরে ধরণী ভাসান ॥-  
 রাজাকে প্রবোধ দেন যত পাত্ৰগণ ।  
 কে করে অগ্রথা যাহা বিধির লিখন ॥  
 বিশ্বামিত্র বলেন শুনহ রঘুবীর ।  
 স্নান করো গিয়া জলে সরযু নদীর ॥  
 এই পুণ্যতীর্থে রাম স্নান করো তুমি ।  
 তোমারে স্নান দীক্ষা করাইব আমি ॥  
 করিলেন রামচন্দ্র সে মন্ত্র গ্রহণ ।  
 রামেরে কহিতে তাহা শিখিল লক্ষ্মণ ॥

—

॥ রাম কর্তৃক তাড়কা রাক্ষসী বধ ॥

গুরুর চরণে রাম করিলেন নতি ।  
 রামে লয়ে বিশ্বামিত্র করিলেন গতি ॥  
 তাড়কার বনে আসি দিল দরশন ।  
 মুনিবর বলিলেন ছ পথে গমন ॥  
 এই পথে যাই ঘর তৃতীয় প্রহরে ।  
 এই পথে তিন দিনে যাই মম ঘরে ॥  
 তিন প্রহরের পথে কিন্তু ভয় করি ।  
 তাড়কা রাক্ষসী আছে মহাভয়ংকরী ॥  
 তাড়িয়া ধরিয়া খায় যত জীবগণ ।  
 কোন্ পথে যাই বলো শ্রীরাম-লক্ষ্মণ ॥  
 করিলেন রাম গুরু-বাক্যের উত্তর ।  
 তিন দিন ফেরে কেন যাব মুনিবর ॥  
 যদি সে রাক্ষসী পথে আইসে খাইতে ।  
 বিচারে নাহিক দোষ তাহারে মারিতে ॥  
 এইমত রঘুনাথ প্রতিজ্ঞা করিতে ।  
 চলিলেন মুনি সে তাড়কা দেখাইতে ॥  
 উভয় ভ্রাতার মধ্যে থাকি মুনিবর ।  
 দূর হতে দেখালেন তাড়কার ঘর ॥

প্রথমে দিলেন রাম ধনুকে টংকার ।  
 স্বর্গমর্ত-পাতালেতে লাগে চমৎকার ॥  
 শুয়েছিল রাক্ষসী সে স্রুবর্ণের খাটে ।  
 ধনুকে টংকার শুনি চমকিয়া উঠে ॥  
 উঠিয়া চলিল সেই রাম-বিজ্ঞমান ।  
 ডাকিয়া বলিল আজি লব তোর প্রাণ  
 নিকটে আসিয়া সে বিকটাকার ধরে ।  
 শালগাছ উপাড়িয়া আনে হংকারে ॥  
 তাহা দেখি রঘুনাথ এড়িলেন বাণ ।  
 বাণাঘাতে করিলেন গাছ খান্ খান্ ॥  
 তথাপি তাড়িয়া যায় রামে গিলিবারে  
 বজ্রবাণ রঘুবীর তাড়কায় মারে ॥  
 তাড়কার বৃকেতে বাজিল বজ্রবাণ ।  
 বিপরীত ডাক ছাড়ি ছাড়িল সে প্রাণ ॥  
 পাঠাইয়া তাড়কারে যমের সদন ।  
 করিলেন রাম মুনি-চরণ-বন্দন ॥

॥ মুনিগণের যজ্ঞশেষ । রামের  
 মিথিলায় গমন ॥

নানারূপ কথাবার্তা কহিতে কহিতে ।  
 তিন জনে চলিলেন গঙ্গার কূলেতে ॥  
 হইলেন গঙ্গা পার শ্রীরাম-লক্ষ্মণ ।  
 পার হয়ে যান রাম মুনির তপোবন ।  
 মুনিগণ আইলেন করিতে কল্যাণ ।  
 আশিস করেন সবে হাতে দূর্বাধান ॥  
 সে দিন বৃষ্টিয়া স্নুখে শ্রীরাম-লক্ষ্মণ ।  
 প্রাতঃকালে মুনিরে করেন নিবেদন ॥  
 শ্রীরাম বলেন প্রভু করি নিবেদন ।  
 অবিলম্বে করো যজ্ঞ-ক্রিয়া আরম্ভন ॥  
 শুনিয়া রামের কথা তপস্বী সকলে ।  
 খোলা কুশ লইয়া গেলেন যজ্ঞস্থলে ॥

বেদপাঠ করিতে লাগিলেন সকলে ।  
 মন্ত্ৰের প্রভাবে অগ্নি আগলি সে অগ্নি ॥  
 যজ্ঞের যতেক ধূম উড়য়ে আকাশে ।  
 দেখিয়া রাক্ষসগণ মনে মনে হাসে ॥  
 সাজিয়া আইল তারা যজ্ঞের ভিতর ।  
 ভয়ংকর কলেবর যত নিশাচর ॥  
 দেখিলেন রঘুবীর নিশাচরগণ ।  
 ব্যাপিয়াছে বশুমতী না যায় গণন ॥  
 শ্রীরাম-লক্ষ্মণ কবে ধরি ধনুর্বাণ ।  
 আকর্ণ পুরিয়া বাণ করেন সঙ্কান ॥  
 শ্রীরামেবে আশীর্বাদ করে মুনিগণ ।  
 সবে বলে জয়ী হোক শ্রীরাম-লক্ষ্মণ ॥  
 ব্রাহ্মণেব আশিসে না হয় হেন নাই ।  
 মার্মার কবিয়া যুঝেন দুই ভাই ॥  
 মারিলেন শ্রীবাম গান্ধর্ব নামে শর ।  
 রামময় দেখিল সকল নিশাচর ॥  
 আপনা-আপনি সব কাটাকাটি করে ।  
 পড়িল রাক্ষস যত রণের ভিতরে ॥  
 হেথা যজ্ঞ মুনিবা করিল সমাপন ।  
 আশিস করেন রামে দিয়া দূর্বাধান ॥  
 যজ্ঞ-অবশেষে যেই ফলমূল ছিল ।  
 খাইতে সেসব ফল দুই ভায়ে দিল ॥  
 সে রাত্রি বঞ্চে বাম মুনির আশ্রমে ।  
 প্রভাতে একত্র হন মুনিগণ ক্রমে ॥  
 বিশ্বামিত্র বলেন শুনহ রঘুবর ।  
 মিথিলাতে হইবে সীতার স্বয়ম্বর ॥  
 করেছে প্রতিজ্ঞা এই জাম্ববতীর পিতা ।  
 হরধনু ভাঙিবে যে তাকে দিবে সীতা ॥  
 কত শত ভূপতি আইসে আর যায় ।  
 দেখিয়া হরের ধনু তরাসে প্লাজায় ॥  
 দেখিলাম যে ভোমারে বীর বলবান ।  
 মনে বুঝি ধনুক কবিবে দুইখান ॥





শ্রীরাম বলেন আজ্ঞা করো যে এখন ।  
 তাহা করি তুমি আজ্ঞা লভেব কোন জন ॥  
 বিশ্বামিত্র বলেন শুনহ রঘুবর ।  
 অগ্রেতে গমন করি জনকের ঘর ॥  
 বিশ্বামিত্র লয়ে যান জনকের ঘরে ।  
 অনুব্রজে রামেরে লইল সমাদরে ॥  
 উল্লাসিত কহেন জনক নৃপবর ।  
 আইল সীতার বর এত দিন পর ॥  
 করিলেন শ্রীরাম রাজাকে সস্তাষণ ।  
 জনক দিলেন দৌহাকারে আলিঙ্গন ॥  
 মহানন্দে রাম লয়ে জনক রাজন ।  
 ধনুকের ঘরে তবে করেন গমন ॥

—

॥ হরধনু ভঙ্গ । রাম-লক্ষ্মণ-ভবত-শত্রুঘ্নেব  
 বিবাহ । পরশুরামেব দর্পচূর্ণ ॥  
 ধনুকের ঘরে রাম গেলেন যখন ।  
 ধনুক তোলহ রাম বলে সর্বজন ॥  
 ধনুক তুলিয়া রাম বলেন লক্ষ্মণে ।  
 ভাঙিব শিবের ধনু ভয় হয় মনে ॥  
 ধনুকে অর্পিয়া গুণ বলেন মুনিরে ।  
 তাহা করি যাহা আজ্ঞা কবিবে আমারে ॥  
 মুনি বলিলেন রাম দেখাও কৌতুক ।  
 মনোরথ পূর্ণ করো ভাঙিয়া ধনুক ॥  
 আজ্ঞা পেয়ে শ্রীরাম দিলেন গুণে টান ।  
 মড়্ মড়্ শব্দে ধনু হল দুইখান ॥  
 হইলেন জনক ভূপতি হরষিত ।  
 বাহু বাজে মিথিলানগরে অগণিত ॥  
 জনক বলেন এতু করি নিবেদন ।  
 সীতার বিবাহ জন্ত করো শুভক্ষণ ॥  
 মুনি বলিলেন রাম এই আমি চাই ।  
 বিবাহ করিয়া ঘরে যাও দুই ভাই ॥



রাম বলিলেন প্রভু করি নিবেদন ।  
 সব ভাই হেথা নাই করিব কেমন ॥  
 ইহাতে বাধক আরো আছে মুনিবর ।  
 বিবাহ করিতে নারি পিতৃ-অগোচর ॥  
 মুনি বলিলেন শুন জনক রাজন ।  
 আনিবারে রাজাকে পাঠাও একজন ॥  
 রাজা বলিলেন শুনি মুনির বচন ।  
 তোমা ভিন্ন কে যাইবে অযোধ্যা-ভবন ॥  
 এ কথা শুনিয়া মুনি ভাবিলেন মনে ।  
 ঘটক হইয়া যাই অযোধ্যা-ভবনে ॥  
 এতেক ভাবিয়া মুনি করিল গমন ।  
 রাজা দশরথ-আগে দিল দরশন ॥  
 বিশ্বামিত্র বলেন শুনহ যশোধন ।  
 পুত্রের বিক্রম-কথা করহ শ্রবণ ॥  
 তাড়কাকে মারিলেন কৌশল্যানন্দন ।  
 জনক করিয়াছিল ধনুর্ভঙ্গ-পণ ॥  
 শংকরের ধনুক করিয়া ছুইখান ।  
 লক্ষ্মীরূপা কন্যা রাম পাইলেন দান ॥  
 চারি কন্যা দিবেন জনক চারি ভায়ে ।  
 চলে মহারাজ শীঘ্র ছুই পুত্র লয়ে ॥  
 এ কথা শুনিয়া রাজা আনন্দে বিহ্বলে ।  
 প্রগতি করেন মুনি-চরণকমলে ॥  
 ত্বর করি সবারে করিল নিমন্ত্রণ ।  
 অযোধ্যার লোক সব করিল সাজন ॥  
 অগ্রে রথে চড়িলেন যতেক ব্রাহ্মণ ।  
 চড়িলেন রথে রাজা সহ পুত্রগণ ॥  
 সিদ্ধাশ্রম দশরথ পশ্চাৎ করিয়া ।  
 মিথিলার সন্নিকটে উপনীত গিয়া ॥  
 রথ হতে নামিলেন অযোধ্যার পতি ।  
 করিলেন জনক আদরে বহু স্তুতি ॥  
 জনক বলেন রাজা যদি কর দয়া ।  
 তব চারি পুত্রে দেই চারিটি তনয়া ॥

দশরথ বলিলেন শুন হে জনক ।  
 সম্বন্ধ হইল স্থির তবে কি বাধক ॥  
 বশিষ্ঠ কহেন দশরথে সম্বোধিয়া ।  
 চারি তনয়ের করে অধিবাস-ক্রিয়া ॥  
 চারিজনের অধিবাস করিল রাজন ।  
 বসন পরায়ে দিল নানা আভরণ ॥  
 নান্দীমুখ করিলেন যেমন বিধান ।  
 নান্দীমুখ উপলক্ষে করিলেন দান ॥  
 চারি ভগিনীতে বেশ করে বিলক্ষণ ।  
 তখন মণ্ডপে গিয়া দিল দরশন ॥  
 কণ্ঠাদান করে রাজা বিবিধ প্রকারে ।  
 বহু দাসদাসী রাজা দিল কণ্ঠাববে ॥  
 সাজায় বাসর-ঘর যত সখীগণ ।  
 রাম সীতা তাহাতে বঞ্চে ন ছুইজন ॥  
 উর্মিলা-সহিত তথা রহেন লক্ষ্মণ ।  
 মাণ্ডবীৰ সহিত ভরত বিচক্ষণ ॥  
 শ্রুতকীর্তি-সহিত আছেন শত্রুঘ্ন ।  
 এইরূপে বাসর বঞ্চিল চারিজন ॥  
 প্রভাত হইল রাত্রি উদিত তপন ।  
 সভা করি বসিলেন যত বন্ধুগণ ॥  
 বাজিল আনন্দবাণ জনক-ভবনে ।  
 বিদায় মাগেন গিয়া বশিষ্ঠ ব্রাহ্মণে ॥  
 রাম-সীতা চতুর্দোলে করি আরোহণ ।  
 দীন দ্বিজ ছুঃখীরে করেন বিতরণ ॥  
 দিব্যবস্ত্র পরিধান মাথায় টোপব ।  
 দূর্বাদলশ্যাম রাম হাতে ধনুঃশর ॥  
 পরে তিন ভ্রাতা চাপিলেন চতুর্দোলে ।  
 পরম আনন্দে রাজা অযোধ্যায় চলে ॥  
 হেনকালে জামদগ্ন্য হাতেতে কুঠার ।  
 রহ রহ বলিয়া ডাকিছে বার বার ॥  
 মহাভয়ানক বেশ দেখিয়া যুনির ।  
 দশরথ ভূপতির কল্পিত শরীর ॥

মুনি বলে রাম তবে বলি হে তোমারে ।  
 ধনুক ভাঙিলা তুমি জনকের ঘরে ॥  
 জীর্ণ ধনু ভাঙিয়া যে দেখাইলে গুণ ।  
 আমার ধনুকে রাম দেহ দেখি গুণ ॥  
 ধনুক দেখিয়া অতি প্রসন্ন অন্তরে ।  
 হাসিয়া ধরেন রাম ধনু বাম করে ॥  
 শ্রীরাম বলেন শুন ওহে বীরবর ।  
 ধনু যদি দিলে তবে দেহ এক শর ॥  
 সুবুদ্ধি পরশুরামে কুবুদ্ধি লাগিল ।  
 তখন রামের হাতে শর যোগাইল ॥  
 এক শর মারিলেন না করিয়া ক্রোধ ।  
 পরশুরামের করে স্বর্গপথ রোধ ॥  
 শ্রীরামেরে স্তুতি করে শ্রীপরশুরাম ।  
 তপস্যা করিতে মুনি যান নিত্যধাম ॥  
 তথা হতে চলিলেন পরম হরিষে ।  
 উত্তরিল গিয়া সবে আপনার দেশে ॥  
 অযোধ্যার যে শোভা তা বর্ণিতে না পারি ।  
 আনন্দসাগরে মগ্ন বাল-বৃদ্ধ-নাবী ॥  
 দেবগণ বরিষন করে পুষ্পরাশি ।  
 জয় দিয়া নাচে সবে আনন্দে উল্লাসি ॥  
 শুভক্ষণে রানীবা দেখিল বধুমুখ ।  
 নিরখিয়া চন্দ্রমুখ জুড়াইল বুক ॥  
 নানাবিধ যৌতুক দিলেন সর্বজন ।  
 মণিময় আভরণ বসন-ভূষণ ॥  
 চারি পুত্রে আশীর্বাদ করে রানীগণ ।  
 চিরজীবী হও পাও বহু পুত্র ধন ॥  
 চারি পুত্র লয়ে রাজা সুখী বহুতর ।  
 সুখে রাজ্য করে যেন স্বর্গে পুরন্দর ॥  
 কৃষ্ণিবাস রচে গীত অমৃতসমান ।  
 এতদূরে আদি কাণ্ড হল সমাধান ॥



## অযোধ্যাকাণ্ড

॥ শ্রীবামেব রাজা হইবার প্রস্তাব ও অধিবাস ॥

বুদ্ধ রাজা দশরথ শিরে শুভ্র কেশ ।  
আসন বসন শুভ্র শুভ্র সর্ব বেশ ॥  
রাজত্ব করেন রাজা বসি সিংহাসনে ।  
আইল সকল রাজা রাজসম্মাষণে ॥  
হস্তী ঘোড়া নানা রত্ন নানা আভরণ ।  
বিবাহে যৌতুক রামে দেন রাজগণ ॥  
নমস্কার করি বলে জোড় কবি হাত ।  
মহারাজ দশরথ তুমি লোকনাথ ॥  
এক নিবেদন করি গুন নৃপবর ।  
শ্রীরামের রাজা করে সর্বগুণাকর ॥  
রামতুল্য বীর আর নাহি ত্রিভুবনে ।  
রাম রাজা হইলে আনন্দ সর্বজনে ॥  
ভূপতি বলেন গুন পাত্রমিত্রগণ ।  
রামে রাজা করিব করহ আয়োজন ॥  
নানা পুষ্প বিকাশ বসন্ত চৈত্রমাস ।  
কালি রাম রাজা হবে আজি অধিবাস ॥  
শ্রীরামের অধিবাসে যত দ্রব্য চাই ।  
সেসকল আনি দেহ বশিষ্ঠের ঠাঁই ॥

স্মমন্ত সারথি তুমি চলহ সত্বর ।  
 রথে করি আনো রামে আমার গোচর ॥  
 আজ্ঞা পেয়ে স্মমন্ত চলিল শীঘ্রগতি ৷  
 শ্রীরামেরে আনিল যেখানে মহাপতি ॥  
 কতদূরে রথ হতে নামিলেন রাম ।  
 পিতার চরণে পড়ি করিল প্রণাম ॥  
 আশীর্বাদ করিলেন রাজা শ্রীরামেরে ।  
 সিংহাসনে বসালেন হরিষ-অন্তরে ॥  
 পিতাপুত্রে বসিলেন সিংহাসনোপরে ।  
 পাত্রমিত্র সকলে বেষ্টিত নৃপবরে ॥  
 আইল যতেক লোক রাজ-বিগ্ধমানে ।  
 রামচন্দ্র রাজা হবে শুনি ভাগ্য মানে ॥  
 রাজা কহে করিলাম লোকের পালন ।  
 তোমা-হেন পুত্র পাঠি যজ্ঞের কারণ ॥  
 বৃদ্ধ হইলাম আমি মরিব কখন ।  
 তোমারে করিব রাজা পালো সর্বজন ॥  
 আজি হতে তোমারে দিলাম রাজ্যভার ।  
 স্বপক্ষ পালন করো বিপক্ষ সংহার ॥  
 এতেক বলিয়া রামে দিলেন বিদায় ।  
 অন্তঃপুরে রামচন্দ্র গেলেন দ্বরায় ॥  
 রামেরে দেখিয়া রানী সহাস্ত্রবদন ।  
 মায়ের চরণ রাম করেন বন্দন ॥  
 মায়ের সম্মুখে দাঁড়াইয়া রঘুনাথ ।  
 কহেন সকল কথা করি জোড়হাত ॥  
 আমারে দিলেন পিতা সর্ব রাজ্যখণ্ড ।  
 আজি অধিবাস কালি পাব ছত্রদণ্ড ॥  
 আমা রাজা করিতে সবার অভিলাষ ।  
 শুভ বার্তা কহিতে আইলু তব পাশ ॥  
 এতেক শুনিয়া রানী হরষিতমন ।  
 রামের কল্যাণ করিলেন অগগন ॥  
 এতেক শ্রীরামচন্দ্র কহিলেন কথা ।  
 হেনকালে শ্রীলক্ষ্মণ আইলেন তথা ॥



লক্ষ্মণেরে দেখিয়া হাসেন রঘুনাথ ।  
 কৌশল্যারে বন্দেন লক্ষ্মণ জোড়হাত ॥  
 লক্ষ্মণেরে প্রেমভরে দিয়া রাম কোল ।  
 বলেন সহাস্ত্র বদনেতে মিষ্ট বোল ॥  
 মম ভক্ত ভাই তুমি পরম সুধীর ।  
 তুমি আমি ভিন্ন নহি একই শরীর ॥  
 আমার হিতৈষী তুমি যদি পাই বাজ্য ।  
 উভয়েতে মিলিয়া করিব রাজকার্য ॥  
 এতেক বলিয়া রাম হইল বিদায় ।  
 আশীর্বাদ করিল সকল রানী তায় ॥  
 গেলেন পিতার কাছে শ্রীরামলক্ষ্মণ ।  
 রাজা বলে রাম এল হল শুভক্ষণ ॥  
 অধিবাস করিতে আইল ঋষি-মুনি ।  
 রামজয় বলিয়া করিছে বেদধ্বনি ॥  
 নানা রত্নে শোভিত বসনে পরিহিত ।  
 অযোধ্যার যত লোক সবে আনন্দিত ॥  
 আইল দেশের লোক অযোধ্যা-নগরে ।  
 কেহ নাচে কেহ গায় হরিশ-অন্তরে ॥  
 অধিবাস দেখিতে আইল দেবগণ ।  
 অনুরীক্ষে রহে সবে চাপিয়া বাহন ॥  
 বশিষ্ঠ বলেন রাম শাস্ত্রের বিহিত ।  
 তব অধিবাস আমি করি যে উচিত ॥  
 অধিবাস রামের হইল সমাপন ।  
 আনন্দে দেখিয়া স্বর্গে গেল দেবগণ ॥  
 রাম-সীতা উপবাসী রহে দুইজন ।  
 চন্দনে চর্চিত অঙ্গ সকৌতুক মন ॥  
 বলেন বশিষ্ঠ মুনি রাজার সদনে ।  
 অধিবাস রামের হইল শুভক্ষণে ॥

শুনিয়া হাসেন রাজা আনন্দিত মনে ।  
 নানারত্নদানে রাজা তুষিল ব্রাহ্মণে ॥  
 বেলার হইল শেষ নক্ষত্র গগনে ।  
 অধিবাস দেখি ঘরে গেল সর্বজনে ॥

—

॥ ভরতকে বাজা করিয়া রামকে বনে পাঠাইতে  
 কুঁজীর কৈকেয়ীকে মন্ত্রণা দান ॥

দৈবের নির্বন্ধ কভু না যায় খণ্ডন ।  
 কে জানে পড়িবে আসি প্রমাদ কখন ॥  
 কৈকেয়ীর চেড়ি ভরতের ধাত্রীমাতা ।  
 রামের দুঃখের হেতু সৃজিল বিধাতা ॥  
 দশরথ পেয়েছিল বিবাহে সে চেড়ি ।  
 রাম বাজা হন দেখি কবে ধড়ফড়ি ॥  
 আকৃতি-প্রকৃতিতে কুৎসিতা দেখি তারে ।  
 সর্বনাশ করে কুঁজী থাকে যার ঘরে ॥  
 কৈকেয়ী আপন ঘবে ছিলেন শয়নে ।  
 জ্ববা কবি কুঁজী গিয়া কহিল সেখানে ॥  
 নিবু দ্বি কৈকেয়ী শুয়ে আছ কোন্ লাঞ্জে ।  
 তোমা-হেন পুত্র-সনে কেহ নাহি মজে ॥  
 মানেতে মবিবে তুমি শোকের সাগরে ।  
 ভবতে এড়িয়া রাজা রামে রাজা করে ॥  
 ভরতেরে রাজা করো রাখো নিজ পণ ।  
 রাজাবে কহিয়া রামে পাঠাও কানন ॥  
 রাম রাজা হলে তব কিসে অধিকার ।  
 ভরত হইলে রাজা সকলি তোমার ॥  
 কৈকেয়ী বলেন রাম ধার্মিক তনয় ।  
 কোন্ দোষে করিব রামের অপচয় ॥  
 আমার গৌরব রাম রাখে অতিশয় ।  
 করিতে রামের মন্দ উপযুক্ত নয় ॥



গুণের সাগর রাম বিচারে পণ্ডিত ।  
 পিতৃরাজ্য জ্যেষ্ঠপুত্র পাইতে উচিত ॥  
 ভরতেরে রাজ্য রাম দিবেন আপনি ।  
 রাখিবেন আমার গোবব বড় বানী ॥  
 রাম বাজা হবেন তরিশ সর্বজন ।  
 হবিষে বিষাদ কুঁজী কর কি কাবণ ॥  
 কুপিল মম্বরা চেড়ী ছুই ওষ্ঠ কাঁপে ।  
 কৈকেয়ীরে গালি পাড়ে অতুল প্রতাপে ॥  
 কৈকেয়ী তোমাব দুঃখ আমাব অন্তবে ।  
 বলি হিত বিপরীত বুঝাও আমারে ॥  
 সপত্নী-তনয় রাজা তুমি আনন্দিতা ।  
 কৌশল্যা তোমার চেয়ে বুদ্ধিতে পণ্ডিতা ॥  
 নিজ পুত্রে রাজ্য করে স্বামীর সোহাগে ।  
 থাকিবে দাসীর হায় কৌশল্যার আগে ॥  
 ভরত থাকিল গিয়া মাতামহ-ঘরে ।  
 রাজ্যার কি দোষ দিব না দেখি তাহারে ॥  
 সতীনের আনন্দেতে আনন্দ সন্তিনী ।  
 হেন অপক্লপ কভু না দেখি না শুনি ॥



শ্রীরাম লক্ষ্মণ দুই একই শরীর ।  
 উভয়ে করিবে রাজ্য ভরত বাহির ॥  
 তবে তো ভরত তোর হইল বঞ্চিত ।  
 হিত কথা বলিলাম বুঝিলে অহিত ॥  
 ভরত না পেয়ে রাজ্য না আসিবে দেশে ।  
 না দেখিবে তব মুখ থাকিবে প্রবাসে ॥  
 মন্ত্রণা করিয়া রামে পাঠাও কানন ।  
 ভরতেরে রাজ্য দেহ যদি লয় মন ॥  
 শুনিয়া কুঞ্জীর কথা কৈকেয়ীর আশ ।  
 কুঞ্জীর বচনে তাঁর বুদ্ধি হল নাশ ॥  
 কৈকেয়ী বলেন কুঞ্জী তুমি হিতৈষিনী ।  
 রাম মম মন্দকারী কিছুই না জানি ॥  
 ভরত পাইবে রাজ্য না দেখি উপায় ।  
 যুক্তি বলো ভরত কিরূপে রাজ্য পায় ॥  
 কি প্রকারে রামের হইবে বনবাস ।  
 ভরতেরে রাজ্য দিয়া পুরাইব আশ ॥  
 কুঞ্জী বলে যুক্তি চাহ যুক্তি দিতে পারি ।  
 হেন যুক্তি দিব যে ভরতে রাজ্য করি ॥  
 পূর্ব কথা সকল আমার আছে মনে ।  
 সেসকল কথা কহি শুন সাবধানে ॥  
 তোমাব সেবায় রাজ্য পাইল নিস্তার ।  
 বর দিতে চাহিল তোমায় দুইবার ॥  
 তখন বলিলে তুমি রাজ্যার গোচর ।  
 কুঞ্জী যবে বর চাহে তবে দিয়ো বর ॥  
 আজি রাম রাজ্য হবে বেলা-অবশেষে ।  
 আসিবেন রাজ্য আগে তোমার সন্তাষে ॥  
 পট্টবস্ত্র ছাড়ি পরো মলিন বসন ।  
 খসাইয়া ফেলো যত গায়ের ভূষণ ॥  
 ভূমিতে পড়িয়া থাকো ত্যজিয়া আহার ।  
 রাজ্য জিজ্ঞাসিবে তব দেখিয়া আকার ॥  
 জিজ্ঞাসা করিবে রাজ্য কোপের কারণ ।  
 না দিয়ো উত্তর তুমি করিয়ো রোদন ॥

বিবিধ প্রকারে তোমায় করিবে সাস্থনা ।  
 যাচিবে তোমায় বস্ত্র-অলঙ্কার নানা ॥  
 তবে পূর্ব নির্বন্ধ কহিবে তার স্থান ।  
 আগে সত্য করাষ্টয়া পিছে মাগো দান ॥  
 পূর্ব কথা রাজার অবশ্য হবে মনে ।  
 দুই বর মাগিয়ো রাজার বিত্তমানে ॥  
 এক ববে করাইবে রাজা ভরতেরে ।  
 আর ববে পাঠাইবে অরণ্যে রামেবে ॥  
 চতুর্দশ বর্ষ যদি রাম থাকে বনে ।  
 পৃথিবী পুরাবে তুমি ভরতের ধনে ॥  
 ফিরিল কৈকেয়ী রানী কুঁজীর বচনে ।  
 অধর্ম অযশ কিছু নাহি করে মনে ॥  
 কুঁজীবে কৈকেয়ী কহে অতি হৃষ্টমনে ।  
 তব তুল্য গুণবতী না দেখি ভুবনে ॥  
 রত্নহাব লও পরো কুঁজের উপর ।  
 ভরত হইলে রাজা দিব তো বিস্তর ॥  
 যদি বাজা রামেরে পাঠায় আজি বন ।  
 তবে সে করিব স্নান কবিব ভোজন ॥  
 প্রতিজ্ঞা করিহু আমি তব বিত্তমানে ।  
 কাননে পাঠাই রামে দেখ এইক্ষণে ॥

—

ভরতকে বাজ্যদান ও রামকে বনবাস দেওয়াব  
 জন্ত দশবথুর নিকটে কৈকেয়ীর প্রার্থনা ।  
 বামের বনে গমনোত্তোগ ॥

শুনিয়া কুঁজীর কথা কৈকেয়ী সেকালে ।  
 আভরণ ফেলাইয়া লুটে ভূমিতলে ॥  
 হেথা দশরথ রাজা হরষিত মনে ।  
 চলিলেন কোতুকে কৈকেয়ী-সম্ভাষণে ॥  
 ভাবিলেন সম্ভাষিয়া আসিয়া সত্বর ।  
 শ্রীরামে করিব আমি ছত্রদণ্ডধর ॥

যে ঘরে কৈকেয়ীদেবী লোটে ভূমি-পরে ।  
 বিধির নির্বন্ধ রাজা গেল সেই ঘরে ॥  
 পূর্বজ্ঞানে গেল রাজা না জানে প্রমাদ ।  
 গড়াগড়ি যায় রানী করিছে বিষাদ ॥  
 ধীরে ধীরে জিজ্ঞাসেন কম্পিত অন্তরে ।  
 বনে মুগ কাঁপে যেন বাঘিনীর ডরে ॥  
 সকল পৃথিবীমধ্যে মম অধিকার ।  
 ধন জন যত আছে সকলি তোমার ॥  
 কোন্ কার্যে কৈকেয়ী করহ অভিমান ।  
 আজ্ঞা কবো তাহাই তোমারে করি দান ॥  
 এত যদি কৈকেয়ী বাজার পায় আশ ।  
 পূর্বকথা তাঁর আগে করিল প্রকাশ ॥  
 বোগ পীড়া নহে মোর পাই অপমান ।  
 আগে সত্য করো তবে পিছে মাগি দান ॥  
 কৈকেয়ী প্রমাদ পাড়ে রাজা নাহি জানে ।  
 সত্য কবে দশরথ প্রিয়ার বচনে ॥  
 কৈকেয়ী বলেন সত্য করিলে আপনি ।  
 অষ্টলোকপাল সাক্ষী শুন সত্যবাণী ॥  
 নক্ষত্র ভাস্কর চন্দ্র যোগ তিথি বার ।  
 রাত্রি দিবা সাক্ষী হও সকল সংসার ॥  
 স্মরণ করহ রাজা যে আমাব ধার ।  
 পূর্বে ছিল তাহা শোধি সত্যে হও পার ॥  
 দুইবাবে দুই বর আছে তব ঠাই ।  
 সেই দুই বর রাজা এইক্ষণে চাই ॥  
 এক বরে ভরতেরে দেহ সিংহাসন ।  
 আর বরে শ্রীরামেরে পাঠাও কানন ॥  
 চতুর্দশ বৎসর থাকুক রাম বনে ।  
 ততকাল ভরত বসুক সিংহাসনে ॥  
 ছরস্তু বচনে রাজা হইল কম্পিত ।  
 অচেতন হইলেন নাহিক সঙ্গিত ॥  
 কৈকেয়ী-বচনে যেন শেল বুকে ফুটে ।  
 চেতন পাইয়া রাজা ধীরে ধীরে উঠে ॥

মুখে ধূলী উঠে রাজা কাঁপিছে অস্থিরে ।  
 হতজ্ঞান দশরথ বলে ধীরে ধীরে ॥  
 পাণ্ডীয়সী আমারে বধিতে তব আশা ।  
 স্ত্রী-পুরুষ যত লোক কহিবে কুভাষা ॥  
 রাম বিনা আমার নাহিক অণু গতি ।  
 আমারে বধিতে তোরে কে দিল দুর্মতি ॥  
 রাজ্য ছাড়ি যখন শ্রীরাম যাবে বন ।  
 সেই দিনে সেই ক্ষণে আমার মরণ ॥  
 স্বামী বধ করিয়া পুত্রেরে দিবি রাজ্য ।  
 চণ্ডালহৃদয় তুই করিলি কি কার্য ॥  
 এই কথা ভরত যতপি আসি শুনে ।  
 আপনি মরিবে কি মারিবে সেইক্ষণে ॥  
 মাতৃবধ ভয়ে যদি না লয় পরান ।  
 করিবে তথাপি তোর বহু অপমান ॥  
 বিষদন্তে দংশিলি রে কালভুজঙ্গিনী ।  
 তোরে ঘরে আনিয়া মজিলাম আপনি ॥  
 কৈকেয়ী বলেন সত্য আপনি করিলা ।  
 সত্য করি বর দিতে কাতর হইলা ॥  
 সত্য লজ্জেষ যে তাহার হয় সর্বনাশ ।  
 যে সত্য পালন করে স্বর্গে তার বাস ॥  
 দিবে সত্য করিলে আমারে তুই বর ।  
 এখন কাতর কেন হও নৃপবর ॥  
 ভূমে যান গড়াগড়ি রাজা অভিমানে ।  
 এতেক প্রমাদ কথা কেহ নাহি জানে ॥  
 অধিবাস হইয়াছে জানে সর্বজন ।  
 সবে বলে বশিষ্ঠ হইল শুভক্ষণ ॥  
 কালি শ্রীরামের হইয়াছে অধিবাস ।  
 আজি কেন বিলম্ব না জানি সে আভাস ॥  
 পাত্র মিত্র বলে শুন স্মমন্ত্র সারথি ।  
 তোমা বিনা অন্তঃপুরে কারো নাহি গতি ॥  
 কাঁট যাহ স্মমন্ত্র সারথি অন্তঃপুরে ।  
 সকল দেশের রাজা আসিয়াছে দ্বারে ॥

রাম-অভিষেকে আসিয়াছে দেবগণ ।  
 এতক্ষণ বিলম্ব রাজার কি কারণ ॥  
 স্নমন্ত্ৰ সারথি গেল সকলের বোলে ।  
 দেখে রাজা অজ্ঞান লুটায় ভূমিতলে ॥  
 স্নমন্ত্ৰ বলিছে কেন লুটাও রাজন ।  
 রামে রাজ্য করিতে হইল শুভক্ষণ ॥  
 রাজা বলিলেন পাত্র না জান কারণ ।  
 মম বধ করিতে কৈকেয়ীর যতন ॥  
 বুকে শেল মারিয়াছে বলিয়া কুবাণী ।  
 তার সত্যে বন্দী আমি হয়েছি আপনি ॥  
 শীঘ্র রামে আনো গিয়া আমার বচনে ।  
 তুমি আমি রাম যুক্তি করি তিন জনে ॥  
 শুনিয়া চলিল রথ লইয়া সারথি ।  
 উপস্থিত হইল যেখানে রঘুপতি ॥  
 বাহিরে থুইয়া রথ গেল অন্তঃপুরে ।  
 জোড়হাতে কহে গিয়া রামের গোচরে ॥  
 কৈকেয়ীব সঙ্গে রাজা যুক্তি করে ঘরে ।  
 আমারে পাঠাইলেন লইতে তোমারে ॥  
 শ্রীরাম বলেন পিতৃ-আজ্ঞা শিরে ধরি ।  
 বিলম্ব না করি আর চলো যাত্রা করি ॥  
 শ্রীরাম-লক্ষ্মণ দৌঁহে চলিলেন রথে ।  
 দেখিতে সকল লোক ধায় চারিভিতে ॥  
 এক প্রকোষ্ঠের বহিঃ রহেন লক্ষ্মণ ।  
 ভিতর-নিবাসে রাম করেন গমন ॥  
 দশরথ রাজা ভূমে লোটো অভিমানে ।  
 কৈকেয়ী রাজার কাছে আছে সেইখানে ॥  
 শ্রীরাম বলেন মাতা কহ তো কারণ ।  
 কেন পিতা বিষাদিত ভূমিতে শয়ন ॥  
 কোন্ দোষ করিলাম পিতার চরণে ।  
 উত্তর না দেন পিতা কিসের কারণে ॥  
 কি আজ্ঞা পিতার আমি করিব পালন ।  
 সেই কথা মাতা মোরে কহ বিবরণ ॥

আছুক পিতার কার্য তোমার বচনে ।  
 রাজ্য ছাড়ি প্রাণ ছাড়ি কি ছার জীবনে ॥  
 শ্রীরাম সরল সে কৈকেয়ী পাপ-হিয়া ।  
 কহিতে লাগিল কথা নিষ্ঠুর হইয়া ॥  
 দৈত্যযুদ্ধে মহারাজ ঘায়েতে জর্জর ।  
 তাতে সেবিলাম দিতে চাহিলেন বর ॥  
 বিশ্বেশ্বর হইল পুনঃ করি সেবা পূজা ।  
 তাহে অশ্রু বর দিতে চাহিলেন রাজা ॥  
 এক বরে ভরতে করিব দণ্ডধর ।  
 আর বরে রাম তুমি হও বনচর ॥  
 দুইবারে দুই বর আছে মম ধার ।  
 মম ধার শুধি তাঁরে সত্যো করো পার ॥  
 শিরে জটা ধরি তুমি পরিবে বাকল ।  
 বনে চৌদ্দ বৎসর খাইবা ফুল-ফল ॥  
 শুনিয়া কহেন রাম সহাস্র বদনে ।  
 তোমার আজ্ঞায় মাতা এই যাই বনে ॥  
 তব প্রীতি হবে রবে পিতার বচন ।  
 চতুর্দশ বৎসর থাকিব গিয়া বন ॥  
 ভরতেরে ত্বরিতে আনাও মাতা দেশ ।  
 ভরত হইলে রাজা আনন্দ অশেষ ॥  
 কোনো দোষ নাহি মাতা তাহার শরীরে ।  
 ধন-জন রাজ্যভোগ দেহ ভরতেরে ॥  
 কৈকেয়ী বলেন রাম আগে যাও বন ।  
 ভরত আসিবে তবে এই নিকেতন ॥  
 আমার কথাতে কোপ না করিয়ো মনে ।  
 শিরে জটা ধরি তুমি আজি যাও বনে ॥  
 হেঁটমাথা করিয়া শুনেন মহারাজ ।  
 কি কহিব কৈকেয়ীর নাহি ভয় লাজ ॥  
 কৈকেয়ীর প্রতি রাম করেন আশ্বাস ।  
 বিলম্ব নাহিক আজি যাব বনবাস ॥  
 ভূমে লুটাইয়া রাজা আছেন বিষাদে ।  
 শুনেন দৌহার বাক্য স্বপ্ন-হেন বোধে ॥

রামচন্দ্র পিতার চরণদ্বয় বন্দে ।  
 দশরথ ক্রন্দন করেন নিরানন্দে ॥  
 পিতারে প্রণমি রাম চলেন ত্বরিত ।  
 'হা রাম' বলিয়া রাজা হলেন মূর্ছিত ॥  
 মুখে নাহি শব্দ তাঁর নাহিক চেতন ।  
 হইলেন বাহির যে শ্রীরাম-লক্ষণ ॥  
 রামের এ-সব কথা কেহ নাহি শুনে ।  
 প্রাণের দোসর মাত্র লক্ষণ সে জানে ॥  
 করেন কৌশল্যা দেবী দেবতা-পূজন ।  
 ধূপ-ধুনা ঘৃতদীপ জ্বালিলা তখন ॥  
 হেনকালে শ্রীরাম মায়ে পদ বন্দে ।  
 আশীর্বাদ করে রানী পরম আনন্দে ॥  
 তোমারে দিলেন রাজা নিজ রাজ্য দান  
 সুপ্রসন্না রাজলক্ষ্মী করুন কল্যাণ ॥  
 শ্রীরাম বলেন মাতা হর্ষ হও কিসে ।  
 হাতেতে আইল নিধি গেল দৈব দোষে ॥  
 তোমারে কহিতে কথা আমি ভীত হই ।  
 প্রমাদ পাড়িল মাতা বিমাতা কৈকেয়ী ॥  
 বিমাতার বচনে যাইতে হইল বম ।  
 ভরতের রাজ্য দিতে বিমাতার মন ॥  
 শুনিয়া পড়িল রানী মূর্ছিত হইয়া ।  
 ডাকেন ত্বরিত রাম মা মা মা বলিয়া ॥  
 কৌশল্যারে ধরি তোলে শ্রীরাম-লক্ষণ ।  
 বহুক্ষণে কৌশল্যার হইল চেতন ॥  
 চেতন পাইয়া রানী বলে ধীরে ধীরে ।  
 সকল বৃত্তান্ত সত্য বলহ আমারে ॥  
 শ্রীরাম বলেন মাতা দৈবের ঘটন ।  
 বিমাতার দোষ নাই বিধির লিখন ॥  
 পিতৃসেবা বিমাতা করিল বারেবার ।  
 দুই বর দিতে ছিল পিতার স্বীকার ॥  
 আজি আমি রাজা হৈব সকলের আগে ।  
 শুনিয়া বিমাতা সেই দুই বর মাগে ॥

এক বরে ভরতে করিতে দণ্ডধর ।  
 আর বরে আমি যাই বনের ভিতর ॥  
 এত যদি कहিলেন শ্রীরাম মায়েরে ।  
 ফুটিল দারুণ শেল কৌশল্যা-অস্তরে ॥  
 কাটিলে কদলী যেন লুটায় ভূতলে ।  
 হা পুত্র বলিয়া রানী রাম প্রতি বলে ॥  
 গুণের সাগর পুত্র যার যায় বন ।  
 সে নারী কেমনে আর রাখিবে জীবন ॥  
 রাজার প্রথম জায়া আমি মহারানী ।  
 চণ্ডালী হইল মোর কৈকেয়ী সতিনী ॥  
 ঘটাইল প্রমাদ কৈকেয়ী পাপীয়সী ।  
 রাজারে कहিয়া রামে করে বনবাসী ॥  
 যত যত সূর্যবংশে রাজা জন্মেছিল ।  
 বলো দেখি শ্রীর বাক্যে কে হেন করিল ॥  
 শ্রীর বাক্যে তিনি পুত্রে পাঠান কাননে ।  
 এমন পিতার কথা না শুনিয়ে কানে ॥  
 লক্ষ্মণ বলেন সত্য তব কথা পূজি ॥  
 শ্রীবশ পিতার বাক্যে কেন রাজ্য ত্যজি ॥  
 জ্যেষ্ঠপুত্র রাজ্য পায় ইহা সবে ঘোষে ।  
 হেন পুত্র বনে রাজা পাঠান কি দোষে ॥  
 যাবৎ এ-সব কথা না হয় প্রচার ।  
 তাবৎ শ্রীরামচন্দ্র লহো রাজ্যভার ॥  
 যদি রঘুনাথ আমি তব আজ্ঞা পাই ।  
 ভরতে খণ্ডিয়া রাজ্য তোমারে দেওয়াই ॥  
 কৌশল্যা বলেন রাম কি বলে লক্ষ্মণ ।  
 বিমাতার বাক্যে তুমি কেন যাবে বন ॥  
 শ্রীরাম বলেন মাতা শুন এক কথা ।  
 পিতা অতিশয় মাগু তোমার দেবতা ॥  
 সত্য না লজ্জেন পিতা সত্যেতে তৎপর ।  
 মম দৃঃখে পিতা কত হবেন কাতর ॥  
 পিতৃ-সত্য আমি যদি না করি পালন ।  
 বৃথা রাজ্যভোগ মম বৃথাই জীবন ॥



বর্জিবেন বিমাতারে পিতা লয় মনে ।  
 করিয়ে তাঁহার সেবা তুমি রাত্রিদিনে ॥  
 কৌশল্যা বলেন রাম সত্যে যাও বন ।  
 তুমি বনে গেলে আমি ত্যজিব জীবন ॥  
 পিতৃসত্য পালিবে সে মায়ের মরণে ।  
 কোন্ পাপ বড় রাম ভাৰো দেখি মনে ॥  
 আশ্ফালন লক্ষণ করেন সাতিশয় ।  
 শ্রীরাম বলেন তব বুদ্ধি ভাল নয় ॥  
 বিমাতার দোষ নাহি দোষী নহে কুঁজী ।  
 সকল দেখিবে ভাই বিধাতার বাজি ॥  
 অকারণে ভরতেরে কেন কর রোষ ।  
 বিধির নির্বন্ধ ইহা তাহার কি দোষ ॥  
 মায়েরে কহেন রাম প্রবোধবচন ।  
 আজ্ঞা করো মাতা আজি যাই আমি বন ॥  
 বিদায় হইয়া রাম মায়ের চরণে ।  
 গেলেন লক্ষণ সহ সীতা-সন্তাষণে ॥  
 শ্রীরাম বলেন সীতা নিজ কর্মদোষে ।  
 বিমাতার বাক্যে আমি যাই বনবাসে ॥  
 তাঁহার বচনে আমি যাই বনবাস ।  
 ভরতেরে রাজ্য দিতে বিমাতার আশ ॥  
 চতুর্দশ বর্ষ আমি থাকি গিয়া বনে ।  
 তাবৎ মায়ের সেবা করো রাত্রি-দিনে ॥  
 জানকী বলেন সুখে হইয়া নিরাশ ।  
 স্বামী-বিনা আমার কিসের গৃহবাস ॥  
 তুমি সে পরম গুরু তুমি সে দেবতা ।  
 তুমি যাও যথা প্রভু আমি যাই তথা ॥  
 শ্রীরাম বলেন শুন জনক-দুহিতা ।  
 বিষম দণ্ডক বন না যাইয়ো সেথা ॥  
 সিংহ ব্যাঘ্র আছে তথা রাক্ষসী রাক্ষস ।  
 বালিকা হইয়া কেন কর এ সাহস ॥  
 শ্রীরামের বচনে সীতার ওষ্ঠ কাঁপে ।  
 কহেন রামের প্রতি মনের সন্তাপে ॥

তব সহ থাকি যদি পাই ভরুমূল ।  
 অমৃত স্বর্গগৃহ নহে তার সমতুল ॥  
 তব হুঃখে ছুঃখ মম সুখে সুখভার ।  
 আহারে আহার আর বিহারে বিহার ॥  
 তুমি ছাড়ি গেলে আমি তাজিব জীবন ।  
 স্ত্রীবধ হইলে নহে পাপ বিমোচন ॥  
 শ্রীরাম বলেন বুঝিলাম তব মন ।  
 তোমার পরীক্ষা করিলাম এতক্ষণ ॥  
 বনে বাস হেতু হইয়াছে তব মন ।  
 খসাইয়া ফেল তবে গায়ের ভূষণ ॥  
 এতক শুনিয়া সীতা হরিষ অন্তবে ।  
 খুলিলেন অলংকার ছিল যা শরীরে ॥  
 সম্মুখে দেখেন যত ব্রাহ্মণ সজ্জন ।  
 তা-সবারে দেন তিনি নিজ আভরণ ॥  
 শ্রীরাম বলেন শুন অনুজ লক্ষ্মণ ।  
 দেশেতে থাকিয়া করো সবাব পালন ॥  
 পিতা-মাতা কাতর হবেন মম শোকে ।  
 কতক হবেন শাস্ত তব মুখ দেখে ॥  
 যেই তুমি সেই আমি শুনহ লক্ষ্মণ ।  
 একেরে দেখিলে হয় শোক পাসরন ॥  
 লক্ষ্মণ বলেন আমি হই অগ্রসর ।  
 আমি সঙ্গে থাকিব হইয়া অনুচর ॥  
 শ্রীরাম বলেন ভাই যদি যাবে বন ।  
 বাছিয়া ধনুক বাণ লহো রে লক্ষ্মণ ॥  
 বিষম রাক্ষস সব আছে সেই বনে ।  
 ধনুর্বাণ লহ যেন জয়ী হই রণে ॥  
 পাইয়া রামের আজ্ঞা লক্ষ্মণ সত্বর ।  
 ভাল ভাল বাণ সব বাঙ্কিল বিস্তর ॥  
 শ্রীরাম বলেন বলি লক্ষ্মণ তোমারে ।  
 তজ্জাস করহ ধন কি আছে ভাণ্ডারে ॥  
 ধনে আর আমার নাহিক প্রয়োজন ।  
 ব্রাহ্মণ সজ্জনে দেহ যত আছে ধন ॥

যতেক দরিদ্র আছে ভিক্ষা মাগি খায় ।  
 তা-সবারে দেহ ধন যেবা যত চায় ॥  
 পাইলেন লক্ষ্মণ শ্রীরামের আদেশ ।  
 তাঁহার সম্মুখে ধন আনেন অশেষ ॥  
 ভাণ্ডার করেন শূন্য ধন-বিতরণে ।  
 সবারে তোষণে রাম মধুর বচনে ॥

—

॥ রামেব সহিত সীতাদেবী ও লক্ষ্মণের বন-গমন ॥

রাজ্যখণ্ড ছাড়ি রাম যান বনবাস ।  
 শিরে হাত দিয়া কান্দে সবে নিজ বাস ॥  
 মাঝে সীতা আগে পাছে দুই মহাবীর ।  
 তিন জন হইলেন পুরীর বাহির ॥  
 স্ত্রী-পুরুষ কান্দে যত অযোধ্যা-নগরী ।  
 জানকীর পাছে ধায় অযোধ্যার নারী ॥  
 যে সীতা না দেখিতেন সূর্যের কিরণ ।  
 হেন সীতা বনে যান দেখে সর্বজন ॥  
 যেই রাম ভ্রমেন সোনার চতুর্দোলে ।  
 হেন প্রভু রাম পথ বহেন ভূতলে ॥  
 কোথাও না দেখি হেন কোথাও না শুনি ।  
 হাহাকার করে বৃদ্ধ বালক রমণী ॥  
 জগতের নাথ রাম যান তপোবনে ।  
 বিদায় হইতে যান পিতার চরণে ॥  
 থাকি অন্ত প্রকোষ্ঠেতে তাঁরা তিন-জন ।  
 শুনেন রাজার সর্ব বিলাপবচন ॥  
 রাজার দুঃখেতে দুঃখী শ্রীরাম-লক্ষ্মণ ।  
 রাজার ক্রন্দনেতে কান্দেন দুইজন ॥  
 আবাস ভিতরে দেখে কান্দেন ভূপতি ।  
 হেনকালে উপনীত স্নমন্ত সারথি ॥  
 জোড়হাতে বার্তা কহে রাজার গোচর ।  
 নিবেদন অবধান করে নৃপবর ॥





শ্রীরাম-লক্ষ্মণ সীতা যায় আজি বনে ।  
 বিদায় হইতে আইসেন তিন জনে ॥  
 ভূপতি বলেন মন্ত্রী নাহি মম জ্ঞান ।  
 শ্রীরাম-লক্ষ্মণ সীতা আনো মোর স্থান ॥  
 কহেন বন্দিয়া রাম পিতার চরণে ।  
 আজ্ঞা করো বনে যাই এই তিন জনে ॥  
 কঠিলেন নৃপতি করিয়া হাহাকার ।  
 মম সঙ্গে দেখা বাছা না হইবে আর ॥  
 এথা না রহিব আমি না রবে জীবন ।  
 তোমার সহিত রাম যাব তপোবন ॥  
 শ্রীরাম বলেন পিতা এ নহে বিহিত ।  
 পুত্র-সঙ্গে পিতা যায় এই কি উচিত ॥  
 তাবে পুত্র বলি যে কুলেব অলংকার ।  
 পিতৃ-সত্য পালিয়া যে শোধে পিতৃধার ॥  
 ভূপতি বলেন শুন সুমন্ত্র বচন ।  
 অশ্ব হস্তী সঙ্গে দেহ বহুমূল্য ধন ॥  
 যদি ধন দিতে রাজা কবেন আশ্বাস ।  
 কৈকেয়ী অন্তরে দুঃখী ছাড়িল নিশ্বাস ॥  
 সর্বাঙ্গ হইল গুর ম্লান হইল মুখ ।  
 রাজারে পাড়িল গালি পেয়ে মনে দুখ ॥  
 ভরতেবে রাজ্য দিতে করি অঙ্গীকার ।  
 কুটিল হৃদয় করো অন্তথা তাহার ॥  
 তখন বলেন রাম পিতৃ-বিদ্ভুতমানে ।  
 ভাল যুক্তি মাতা বলিলেন তব স্থানে ॥  
 রাজ্য ছাড়িয়া যার যেতে হয় বন ।  
 অশ্ব হস্তী ধনে তার কোন্ প্রয়োজন ॥  
 গাছেব বাকল পরি দণ্ড করি হাতে ।  
 জ্ঞানকী লক্ষ্মণ মাত্র যাইবেক সাথে ॥  
 বাকল পরিবে রাম কৈকেয়ী তা শুনে ।  
 বাকল রাখিয়াছিল দিল ততক্ষণে ॥  
 বাকল আনিয়া দিল শ্রীরামের হাতে ।  
 কান্দেন বাকল দেখি রাজা দশরথে ॥

অশ্রুজল সবাঁকার করে ছল ছল ।  
 কেমনে পরিবে সীতা গাছের বাকল ॥  
 বধূর বাকল দেখি রাজার ক্রন্দন ।  
 পাত্র মিত্র বলে সীতা পরুন বসন ॥  
 পিতৃসত্য পুত্র পালে বধূর কি দায় ।  
 পতিব্রতা সীতাদেবী পশ্চাতে গোড়ায় ॥  
 নানা রত্নে পূর্ণিত যে রাজার ভাণ্ডার ।  
 সুমন্ত্র শুনিয়া আনে দিব্য অলংকার ॥  
 জানকী পরেন পট্টবস্ত্র মনোহর ।  
 ত্রৈলোক্য জিনিয়া রূপ ধরিল সুন্দর ।  
 যেমন ভূষণ তাঁর তেমনি আকার ।  
 শ্বশুরে জানকীদেবী করে নমস্কার ॥  
 বিদায় হইয়া সতী শ্বশুর চরণে ।  
 রহে জোড়হাতে শাশুড়ির বিত্তমানে ॥  
 কৌশল্যা বলেন সীতা শুন সাবধানে ।  
 স্বামীসেবা সতত করিবে রাত্রি দিনে ॥  
 রাজকুলবধু তুমি রাজার কুমারী ।  
 তোমার আচারে আচরিবে অন্য নারী ॥  
 বধূরে প্রবোধ দিয়া বুঝান শ্রীরামে ।  
 সতর্ক থাকিয়ো রাম মূনির আশ্রমে ॥  
 সুমিত্রা বলেন শুন তনয় লক্ষ্মণ ।  
 দেবজ্ঞান রামেরে করিয়ো সর্বক্ষণ ॥  
 জ্যেষ্ঠভ্রাতা পিতৃতুল্য সর্বশাস্ত্রে জানি ।  
 আমার অধিক তব সীতা ঠাকুরানী ॥  
 শ্রীরাম বলেন শুন সুমিত্রা সতাই ।  
 আশীর্বাদ করো আমি বনবাসে যাই ॥  
 বনেতে তিনেতে তিন থাকিব দোসর ।  
 ত্রিভুবনে আমাদের কারে নাই ডর ॥  
 বন্দন সব্বারে রাম যত রাজরানি ।  
 সবাঁকার ঠাই রাম মাগেন মেলানি ॥  
 নমস্কার করিলেন কৈকেয়ী-চরণে ।  
 অনুমতি করো মাতা আমি যাই বনে ॥

মায়েরে সঁপেন রাম নৃপতির পায় ।  
 যাবৎ না আসি পিতা পালিয়ো মাতায় ॥  
 রাজা বলিলেন যদি রহে এ জীবন ।  
 তবে তো তোমার মায়ে করিব পালন ॥  
 আমার এ আজ্ঞা রাম না কর লঙ্ঘন ।  
 তিন দিন রথে চড়ি করহ গমন ॥  
 রাজাজ্ঞায় রথ আনে স্ত্রুমস্ত্র সারথি ।  
 তিন দিন রথে যাইবেন রঘুপতি ॥  
 শ্রীরাম লক্ষ্মণ সীতা উঠিলেন রথে ।  
 তোলেন আয়ুধ নানা লক্ষ্মণ তাহাতে ॥  
 রাজ্যখণ্ড ছাড়িয়া শ্রীরাম যান বনে ।  
 পাছে পাছে যত ধায় স্ত্রী-পুরুষগণে ॥  
 ডাক দিয়া স্ত্রুমস্ত্রে বলিছে সর্বজন ।  
 রাখো রাখো দেখি শ্রীরামের চন্দ্রানন ॥  
 শ্রীরাম লক্ষ্মণ সীতা যত দূরে যান ।  
 কাঁটা খোঁচা ভাঙি রাজা উদ্বিগ্নস্বাসে ধান ॥  
 শ্রীরাম বলেন শুন স্ত্রুমস্ত্র সারথি ।  
 দেখিতে না পারি আমি পিতার দুর্গতি ॥  
 রথের করাও তুমি স্থরিত গমন ।  
 পিতার সহিত যেন না হয় দর্শন ॥  
 শ্রীরামের আজ্ঞামতে স্ত্রুমস্ত্র সারথি ।  
 রথখান চালাইল পবনের গতি ॥  
 কত দূরে গিয়া রথ হল অদর্শন ।  
 ভূমিতে পড়েন রাজা হয়ে অচেতন ॥  
 রাজারে ধরিয়া তোলে অমাত্য সকল ।  
 শরীরের ধূলি ঝাড়ে মুখে দেয় জল ॥  
 রাজারে ধরিয়া সবে লৈয়া গেল দেশ ।  
 অস্ত্রপুর মধ্যে তারে করায় প্রবেশ ॥  
 গেলেন শোকাত রাজা কৌশল্যার ঘর ।  
 দৌহার হইল শোক একই সোসর ॥  
 রাত্রিদিন নাহি ঘুচে দৌহার ক্রন্দন ।  
 এক শোকে হইলেন কাতর দুজন ॥



রাত্রি-দিন কান্দে লোক করে জাগরণ ।  
 গেলেন তমসা-কূলে শ্রীরাম-লক্ষণ ॥  
 নানা বনফুল দেখে সে নদীর কূলে ।  
 রাজহংস ক্রৌড়া করে তমসার জলে ॥  
 স্নুমন্তের প্রতি আঙা করিলেন রাম ।  
 তমসার কূলে আজি করিব বিশ্রাম ॥  
 লক্ষণ বৃক্ষের তলে বিছাইল পাতা ।  
 করিলেন তাহাতে শয়ন রাম-সীতা ॥  
 হাতে ধনু লক্ষণ রহিল জাগরণে ।  
 প্রীতি পাইলেন রাম লক্ষণের গুণে ॥  
 তমসার কূলেতে বঞ্চে ন এক রাত্রি ।  
 প্রভাতে যোগায় রথ সুমন্ত সারথি ॥  
 প্রাতঃস্নান আদি করি নিয়ম আচার ।  
 হইলেন শ্রীরাম তমসানদী পার ॥  
 তমসা ছাড়িয়া আর গোমতী প্রভৃতি ।  
 নদী পার হইলেন রাম মহামতি ॥  
 শ্রীরাম বলেন সীতে সর্বত্র বিদিত ।  
 ইক্ষ্বাকুর রাজ্য এই দেশ সুশোভিত ॥  
 এই দেশে ইক্ষ্বাকু ধরিল ছত্রদণ্ড ।  
 মম পূর্বপুরুষের দেখো রাজ্যখণ্ড ।  
 পক্ষী হেন উড়ে রথ যায় নানা দেশ ॥  
 কোশলের রাজ্যে রাম করেন প্রবেশ ।  
 শ্রীরাম বলেন শুন জানকী সুন্দরী ।  
 মম মাতামহের আছিল এই পুরী ॥  
 পুত্রবৎ করিলেন প্রজার পালন ।  
 গঙ্গাতীরে দিয়াছেন ব্রাহ্মণ-শাসন ॥  
 দুই কূলে বিপ্রগণ করে বেদধ্বনি ।  
 দুই কূলে স্নান করে যত ঋষি মুনি ॥  
 ভাস্কর পশ্চিমে যান বেলা-অবশেষে ।  
 তখন গেলেন রাম শৃঙ্গবের দেশে ॥  
 শৃঙ্গবের দেশ দেখি রাম হৃষ্টমতি ।  
 লাগিলেন বলিতে শ্রীলক্ষণের প্রতি ॥





গুহক ঊণ্ডাল হেথা আছে মম মিত ।  
 আমারে পাইলে হবে প্রফুল্লিত চিত ॥  
 শ্রীরাম বলেন শুন সুমন্ত্র সারথি ।  
 মিত্রের বাটিতে আমি থাকি এক রাত্তি ॥  
 কহিব শুনিব বাক্য দৌহে দৌহাকার ।  
 বিশেষত জানিব পথের সমাচার ॥  
 রাম বনে যাইতে রহেন সেই দেশে ।  
 গাইল অযোধ্যাকাণ্ড কবি কৃতিবাসে ॥

—  
 ॥ শ্রীবামের সহিত গুহকেব সন্দর্শন ॥

জোড়হাত কবি বলে সুমন্ত্র সাবথি ।  
 আমাকে কি আজ্ঞা করো করি অবগতি ॥  
 শুনিয়া বলেন রাম কমললোচন ।  
 বথ লয়ে দেশে তুমি করহ গমন ॥  
 প্রাণের ভরত ভাই থাকে সে বিদেশে ।  
 ভরতে আনিয়া বাজা করিবে হরিষে ॥  
 মায়ের চরণে জানাইবে নমস্কার ।  
 আমা-হেতু শোক যেন না করেন আর ॥  
 পিতার চরণে জানাইয়ো সমাচার ।  
 অস্থির হইলে তিনি মজ্জিবে সংসার ॥  
 তুমি-হেন মহাপাত্র সুমন্ত্র সারথি ।  
 ইষ্টকুটুম্বের ঠাই জানাবে মিনতি ॥  
 বিদায় হইয়া যান সুমন্ত্র কান্দিয়া ।  
 অতি শীজগতি গেল রথ চালাইয়া ॥  
 সুমন্ত্রে বিদায় দিয়া শ্রীরাম চিন্তিত ।  
 মন্ত্রণা করেন সীতা লক্ষ্মণ সহিত ॥  
 হেথা হতে অযোধ্যা নিকট বড় পথ ।  
 এখানে থাকিলে নিতে আসিবে ভরত ॥  
 স্বাবৎ সুমন্ত্র পাত্র নাহি যায় দেশে ।  
 গঙ্গাপার হয়ে চলো যাই বনবাসে ॥

গুহকের প্রতি তবে বলেন শ্রীরাম ।  
 চিত্রকূট শৈলে গিয়া করিব বিশ্রাম ॥  
 গুহের বাড়িতে রাম করি অবস্থিতি ।  
 বিদায় হইয়া যান চলি শীঘ্রগতি ॥  
 প্রাতঃকালে গুহ নৌকা করিল সাজন ।  
 পার হয়ে কূলেতে উঠেন তিনজন ॥  
 মাঝে সীতা আগে পাছে দুই মহাবীর ।  
 দুই ক্রোশ পথ বাহি যান গঙ্গাতীর ॥  
 মুনিগণে বেষ্টিত বসিয়া ভরদ্বাজ ।  
 তারাগণ-মধ্যে যেন শোভে দ্বিজরাজ ॥  
 হেনকালে সেখানে গেলেন তিনজন ।  
 তিনজন বন্দিলেন মুনির চরণ ॥  
 মুনি বলিলেন তুমি বিষ্ণু-অবতার ।  
 বিষ্ণু-আরাধনে তপ করয়ে সংসার ॥  
 যার রূপ আরাধন করে মুনিগণে ।  
 সেই বিষ্ণু আইলেন আমার ভবনে ॥  
 শ্রীরাম-লক্ষ্মণ লক্ষ্মী দেখি তিনজনে ।  
 আপনারে ধন্য করি মানি এতদিনে ॥  
 সেইখানে শ্রীরাম বধেন একরাতি ।  
 বিদায় হইয়া রাম যান শীঘ্রগতি ॥

—

॥ দশরথ রাজার মৃত্যু ॥

উভয় বীরের হাতে দিব্য ধনুঃশর ।  
 মধ্যে সীতা দুই পার্শ্বে দুই সহোদর ॥  
 কমলিনী সীতা পথে যান ধীরে ধীরে ।  
 তবে উপস্থিত হন যমুনার তীরে ॥  
 যমুনার পরপারে করি আগমন ।  
 মুনিগণে রামচন্দ্র করেন বন্দন ॥  
 তিনজন তথায় রহিলেন অক্লেশে ।  
 এদিকে স্মৃত্ত গিয়া উত্তরিল দেশে ॥

ছয়দিনে উত্তরিল অযোধ্যা-নগরে ।  
 জোড়হাতে দাঁড়াইল রাজার গোচরে ॥  
 কহিতে লাগিল পাত্র নমস্কার করে ।  
 রামে রাখি আইলাম শৃঙ্গবের পুরে ॥  
 এতেক স্তম্ভ যদি বলিল বচন ।  
 পুরীর সহিত সবে করিল ক্রন্দন ॥  
 কৌশল্যার ঠাই রাজা কহে পূর্বকথা ।  
 মহাজন যা বলেন না হয় অণুথা ॥  
 মৃগয়াতে গিয়াছিলাম সরযুর তীরে ।  
 অন্ধমুনি-পুত্র কলসেতে জল ভরে ॥  
 জ্ঞান হৈল মৃগ সব করে জলপান ।  
 পুরি বাণ শব্দমাত্র পাইয়া সন্ধান ॥  
 সেই দিন অন্ধমুনি শাপিল আমাকে ।  
 এই মতো প্রাণ তব যাবে পুত্রশোকে ॥  
 সেই মুনির বাক্য কভু না হয় খণ্ডন ।  
 আজিকার রাত্রে রানী আমার মরণ ॥  
 সে অন্ধ মুনির শাপ ফলে অতঃপরে ।  
 ছটফট করে রাজা মুখে বাক্য হরে ॥  
 হাহাকার করি রাজা ত্যজিল জীবন ।  
 নিদ্রা যায় দশরথ হেন লয় মন ॥  
 দুই দণ্ড বেলা হয় সূর্যের উদয় ।  
 এতক্ষণ নিদ্রা যায় রাজা মহাশয় ॥  
 অন্তরেতে রাজারে করিল মৃতজ্ঞান ।  
 নাড়িয়া চাড়িয়া দেখে নাহি তাঁর প্রাণ ॥  
 আছাড় খাইয়া পড়ে কদলী যেমনি ।  
 রাজার চরণ ধরি কান্দে সব রানী ॥  
 একে পুত্রশোকে রানী পরম দুঃখিতা ।  
 পতিশোকে ততোধিক হইল মূছিতা ॥  
 সত্যবাদী রাজা তুমি সত্যে বড় স্থির ।  
 সত্য পালি স্বর্গে গেলে ত্যজিয়া শরীর ॥  
 সত্য না লজ্জিলে তুমি বড় পুণ্যশ্লোক ।  
 স্বর্গবাসী হয়ে এড়াইলে পুত্রশোক ॥

রাজা স্বর্গে গেল আর রাম গেল বন ।  
 ছুই শোকে প্রাণ মোর থাকে কি কারণ ॥  
 ভূমে গড়াগড়ি যায় কৌশল্যা-তাপিনী ।  
 কৌশল্যারে বুঝান বশিষ্ঠ মহামুনি ॥  
 স্বর্গেতে গেলেন রাজা পালিয়া পৃথিবী ।  
 তাঁর ধর্ম-কর্ম করো তুমি মহাদেবী ॥  
 রাজাকে রাখহ করি তৈলমধ্যগত ।  
 দেশে আসি অগ্নিকার্য করিবে ভরত ॥  
 বাসি মড়া হইয়া আছেন মহারাজ ।  
 প্রাতঃকালে যুক্তি করে অমাত্য-সমাজ ॥  
 রাজ্য দিতে ভরতেরে সর্ব অঙ্গীকার ।  
 ভরতেরে আনি দেশে দেহ রাজ্যভার ॥  
 ভরত আছেন মর্ত্যমহের বসতি ।  
 দূত পাঠাইয়া তাঁরে আনো শীঘ্রগতি ॥  
 রাজা স্বর্গ-গত রাম চলিলেন বনে ।  
 এত ঘোর প্রমাদ ভরত নাহি জানে ॥  
 ভরতেরে না কহিবে এসব ঘটন ।  
 তবে না করিবে সেই দেশে আগমন ॥  
 করিলেন অনুজ্ঞা বশিষ্ঠ পুরোহিত ।  
 ভরতে আনিতে সবে চলিল ত্বরিত ॥  
 নদ নদী কন্দর হইল বহু পার ।  
 বহু দেশ দেশান্তর এড়ায় অপার ॥  
 গিরিরাজ দেশেতে কেকয় রাজা বৈসে ।  
 উত্তরিল গিয়া পাত্র পঞ্চম দিবসে ॥  
 প্রবল প্রতাপশালী কেকয়-ভূপতি  
 সভা করি বসেছেন যেন সুরপতি ॥  
 ভরত বসেন গিয়া ভূপতির পাশে ।  
 অযোধ্যার দূত গিয়া তখন প্রবেশে ॥  
 কেকয়-রাজার প্রতি নোয়াইয়া মাথা ।  
 ভরতের আগে দূত কহে সব কথা ॥  
 আইলাম তোমাকে লইতে সর্বজন ।  
 ভরত ঋটিতি দেশে করো আগমন ॥

ভরত বলেন বলো পিতার মঙ্গল ।  
 শ্রীরাম-লক্ষ্মণ ভাই আছেন কুশল ॥  
 কৈকেয়ী কৌশল্যা আর স্নমিত্রা জননী ।  
 সকলের মঙ্গল বলো হে দূত শুনি ॥  
 দূত বলে রাজপুত্র সবার কুশল ।  
 সবারে দেখিবে যদি শীঘ্র দেশে চলো ॥  
 প্রণাম করিয়া মাতামহের চরণে ।  
 হইলেন ভরত বিদায় সেইক্ষণে ॥  
 হাতি ঘোড়া দিল রাজা বহুমূল্য ধন ।  
 অশন বসন আর নানা আভরণ ॥  
 শক্রব-ভরত দৌড়ে চড়িলেন রথে ।  
 কত শত সৈন্য চলে তাঁহাদের সাথে ॥  
 সূর্য যান অস্তগিরি বেলা-অবশেষে ।  
 হেনকালে সবে তারা অযোধ্যা প্রবেশে ॥  
 শ্রীরামের শোকে লোক করিছে ক্রন্দন ।  
 অযোধ্যার সর্বলোক বিরস-বদন ॥  
 জিজ্ঞাসেন ভরত হইয়া বিষাদিত ।  
 প্রজালোকে কান্দে কেন নহে হরষিত ॥  
 অনেক দিনের পরে আইলাম দেশে ।  
 কাছে না আইসে কেহ কেহ না সম্ভাষে ॥  
 এত শুনি দূতগণ হেঁট করে মাথা ।  
 কেহ নাহি কহে কোনো ভালো-মন্দ কথা ॥  
 ভরত ভাবিত অতি মানিয়া বিন্ময় ।  
 প্রথমে গেলেন তিনি পিতার আলয় ॥  
 দেখিল নাহিক পিতা শূন্য নিকেতন ।  
 ভরত ভাবিয়া কিছু না পান কারণ ॥  
 মৃত্যুকালে দশরথ কৌশল্যার ঘরে ।  
 তথা তাঁর মৃতদেহ তৈলের ভিতরে ॥  
 ভরত পিতার গৃহ শূন্যময় দেখি ।  
 মায়ের আবাসে যান হয়ে মনোদুখী ॥  
 কৈকেয়ী বসিয়া আছে রক্ত-সিংহাসনে ।  
 পড়িয়াছে প্রমাদ মনেতে নাহি গণে ॥



পুত্রের রাজত্ব-লাভে আছে মনঃস্বুখে ।  
 ভরত গেলেন তবে মায়ের সম্মুখে ॥  
 ভরতেরে দেখিয়া ত্যজিল সিংহাসন ।  
 ভরত করেন তাঁর চরণ-বন্দন ॥  
 মুখে চুম্ব দিয়া রানী পুত্রে কৈল কোলে ।  
 কুশল জিজ্ঞাসা করে তাঁরে কুতূহলে ॥  
 ভরত বলেন মাতা না হও বিকল ।  
 মাতা পিতা ভ্রাতা তব সবার কুশল ॥  
 তুমি যত জিজ্ঞাসিলে দিলাম উত্তর ।  
 আমি যা জিজ্ঞাসি তাহা কহো তো সত্বর ॥  
 অযোধ্যার রাজ্য কেন দেখি বিপরীত ।  
 সকলে বিষন্ন কেন নহে হরষিত ॥  
 চতুর্দিকে লোক কেন করিছে ক্রন্দন ।  
 আমারে দেখিয়া কেন করিছে নিন্দন ॥  
 পিতার আলয়ে কেন না দেখি পিতারে ।  
 অযোধ্যা-নগর কেন পূর্ণ হাহাকারে ॥  
 যে কথা কহিতে কারো মুখে না আইসে ।  
 হেন কথা কহে রানী পরম হরিষে ॥  
 সত্যবাদী তব পিতা সত্যে বড় স্থির ।  
 সত্য পালি স্বর্গেতে গেলেন সত্যবীর ॥  
 শূন্যরাজ্য আছে তব পিতার মরণে ।  
 ভরত আছাড় খেয়ে পড়েন সেক্ষণে ॥  
 মুছাঁগত ভরত হলেন পিতৃশোকে ।  
 কান্দিয়া বিকল তাঁরে দেখি অণু লোকে ॥  
 ভরত বলেন শুনি পিতার মরণ ।  
 শ্রীরাম-লক্ষ্মণ তাঁরা কোথা দুইজন ॥  
 কৈকেয়ী সকল কহে ভরতের স্থানে ।  
 রামের অশেষ গুণ প্রথমে বাখ্যানে ॥  
 ভকতবৎসল রাম ধর্মেতে তৎপর ।  
 জনকজননৌ-প্রাণ গুণের সাগর ॥  
 শ্রীরাম হইলে রাজা সবার কৌতুক ।  
 রামের প্রসাদে লোক পায় নানা সুখ ॥

কালি রাম রাজা হবে আজি অধিবাস ।  
 হেনকালে রামেরে দিলাম বনবাস ॥  
 তোমারে রাজত্ব দিয়া রাম গেল বন ।  
 হা রাম বলিয়া রাজা ত্যজিল জীবন ॥  
 মাতৃ-ঋণ পুত্র কভু শুধিতে না পারে ।  
 রাম লয়েছিল রাজ্য দিলাম তোমারে ॥  
 ঘায়েতে লাগিলে ঘা যেমন বড় জ্বলে ।  
 ভরত তেমন জ্বালাতন হয়ে বলে ॥  
 রাজকুলে জন্মিয়া শুনিলে কোন্‌খানে ।  
 কনিষ্ঠ হইবে রাজা জ্যেষ্ঠ বিত্তমানে ॥  
 তোব পিতা পিতামহ করে ধর্ম-কর্ম ।  
 সে বংশেতে কেন হল রাক্ষসীর জন্ম ॥  
 নিশাচরী হয়ে তুই হইলি মানুষী ।  
 রঘুবংশ-ক্ষয় হেতু হইলি রাক্ষসী ॥  
 ভরত জলন্ত-অগ্নি-তুল্য ক্রোধে জ্বলে ।  
 দেখিয়া কৈকেয়ী তবে যায় অস্থ স্থলে ॥  
 যাইতে যাইতে রানী করেন বিষাদ ।  
 কাব লাগি করিলাম এতেক প্রমাদ ॥  
 আইলেন শত্রুস্ব করিতে সন্তাষণ ।  
 ভরতেব ক্রন্দনে কান্দেন দুইজন ॥  
 অনুমানে বুঝিলেন কুঁজীর এ ক্রিয়া ।  
 কহিতে লাগিল দৌহে কুপিত হইয়া ॥  
 পাইলে কুঁজীর দেখা বধিব জীবন ।  
 বিধিব নির্বন্ধ কুঁজী এল সেইক্ষণ ॥  
 শত্রুস্ব কুপিত হয়ে ধরে তাব চুলে ।  
 চুলে ধরি কুঁজীবে সে ফেলে ভূমিতলে ॥  
 মরি মবি বলি কুঁজী পবিত্রাহি ডাকে ।  
 চুল ছিঁড়ে গেল সে কৈকেয়ী-ঘরে ঢোকে ॥  
 শত্রুস্ব প্রবেশে ক্রোধে কৈকেয়ীর ঘরে ।  
 চুলে ধরি কুঁজীরে সে আনিল বাহিরে ॥  
 চুলে ধরি লয়ে যায় কুঁজে যায় ছড় ।  
 শত্রুস্ব দেখিয়া কৈকেয়ী দিল রড় ॥

চেড়ীয়ে মারিল পাছে গ্রাহারে আমার ।  
 এই ত্রাস মনে করি কৈকেয়ী পলায় ॥  
 অচেতন হল কুঞ্জী স্বাসমাত্র আছে ।  
 ভরত বলেন নারীহত্যা হয় পাছে ॥  
 নারীহত্যা মহাপাপ শুনহ শত্রুঘ্ন ।  
 যদি এই পাপে রাম করেন বর্জন ॥  
 মাতৃহত্যা নাহি করি শ্রীরামের ডরে ।  
 এত শুনি শত্রুঘ্ন ছাড়িল কুঞ্জীয়ে ॥  
 ভরত-শত্রুঘ্ন হেথা করেন রোদন ।  
 কৌশল্যা বসিয়া ঘরে করেন শ্রবণ ॥  
 ভরত-শত্রুঘ্ন গিয়া ভাই দুইজন ।  
 করিলেন কৌশল্যার চরণ-বন্দন ॥  
 পুত্র বলি কৌশল্যা ভরতে নিল কোলে ।  
 উভয়ের সর্বাঙ্গ তিতিল নেত্রজলে ॥  
 কৌশল্যা কহেন শুন কৈকেয়ীনন্দন ।  
 মায়ে পোয়ে রাজ্য করো ভরত এখন ॥  
 কালি রাম রাজা হবে আজি অধিবাস ।  
 হেনকালে তব মাতা দিল বনবাস ॥  
 কাতর ভরত অতি কৌশল্যার বোলে ।  
 রামের সেবক আমি তুমি জান ভালে ॥  
 রামেরে বঞ্চিয়া রাজ্য আমি যদি চাই ।  
 ইহ-পরকাল নষ্ট শিবের দোহাই ॥  
 শপথ করেন এত ভরত যখন ।  
 কৌশল্যা বলেন পুত্র জানি তব মন ॥  
 রামের হৃদয় ধর্মে যেমন তৎপর ।  
 তোমার হৃদয় পুত্র একই সোসর ॥  
 চৌদ্দ বর্ষ গেলে রাম আসিবেন দেশ ।  
 ততদিনে মম প্রাণ হইবে নিঃশেষ ॥  
 মৃতদেহ আছে ঘরে বড় পাই লাজ ।  
 শীঘ্র করো পুত্র তব পিতৃ-অগ্নি-কাজ ॥  
 পিতৃশোক ভ্রাতৃশোক মায়ে অযশ ।  
 ভরত করেন খেদ রজনী-দিবস ॥

বশিষ্ঠ বলেন তুমি ভরত পণ্ডিত ।  
 তোমাতে বুঝাব কত এ নহে উচিত ॥  
 বশিষ্ঠ বলেন ত্যজ ভরত ক্রন্দন ।  
 পিতৃ-অগ্নি-কার্য শ্রদ্ধ করহ তর্পণ ॥  
 পিতৃকার্যে জ্যেষ্ঠ তনয়েব অধিকার ।  
 রাম দেশে নাহি তুমি করো সংকার ॥  
 অযোধ্যা-নগরে যত স্ত্রী-পুরুষ আছে ।  
 শিরে হাত দিয়া যায় ভরতের পাছে ॥  
 তৈলের ভিতরে যে ছিলেন মহারাজা ।  
 সরযুর তীরে লয়ে যায় বন্ধু প্রজা ॥  
 চিতার উপর লয়ে করায় শয়ান ।  
 হেঁটে উর্ধ্ব কাষ্ঠ দিল অগুরু চন্দন ॥  
 পিতারে করেন দাহ ঘৃতের অনলে ।  
 করিলেন তর্পণাদি সরযুর জলে ॥  
 ভবত বলেন সবে যাও নিজ দেশ ।  
 পিতার অগ্নিতে আমি করিব প্রবেশ ॥  
 পিতা পরলোকগত ভ্রাতা গেল বনে ।  
 দেশেতে যাইব আমি কোন্ প্রয়োজনে ॥  
 বশিষ্ঠ বলেন তবে এ তো যুক্তি নয় ।  
 জন্মিলে মরণ আছে এ কথা নিশ্চয় ॥  
 সকলে মবেন কেহ নহে তো অমর ।  
 ক্রন্দন সম্বব বৎস চলো নিজ ঘর ॥  
 শূন্যরূপা আছে অথ অযোধ্যা-নগরী ।  
 ভরতেরে নিলেন বশিষ্ঠ রাজপুত্রী ॥  
 কান্দিয়া ভরত পোহাইলেন রজনী ।  
 বিলাপ করেন সদা কোথা রঘুমণি ॥  
 ত্রয়োদশ দিবসে করেন শ্রদ্ধ দান ।  
 নানা দান করেন সে শাস্ত্রের বিধান ॥  
 সমাপ্ত হইল শ্রদ্ধ নিবারিল দান ।  
 পাত্রমিত্র কহে গিয়া ভরতের স্থান ॥  
 পিতৃদত্ত রাজ্য তুমি ছাড় কি কারণ ।  
 রাজা হয়ে করো তুমি প্রজার পালন ॥

তোমা বিনা রাজকর্ম অস্তে নাহি সাজে ।  
 তুমি রাজা না হইলে পিতৃরাজ্য মজে ॥  
 ভরত বলেন পাত্র না বলিবে আর ।  
 জ্যেষ্ঠ সস্বে কনিষ্ঠের নাহি অধিকার ॥  
 রাজ্যের উচিত রাজা রামচন্দ্র ভাই ।  
 রামেরে করিব রাজা চলো তথা যাই ॥  
 রামে রাজা করিয়া পাঠাই নিজ দেশে ।  
 রামের বদলে আমি যাই বনবাসে ॥  
 ঘোড়া হাতি রথ চলে সাজায়ে সারথি ।  
 ভরত আনিতে রামে যান শীঘ্রগতি ॥  
 কৌশল্যা সুমিত্রা যান উভয় সতিনী ।  
 আর সবে চলিল রাজ্যার যত রানী ॥  
 বশিষ্ঠাদি করিয়া যতেক মুনিগণ ।  
 রাজ্য-সুদ্র চলিল সকল পুরজন ॥  
 কৈকেয়ী না যান মাত্র ভরতের ভরে ।  
 কুটিল কুঞ্জীর সহ রহিলেন ঘরে ॥  
 আছেন যমুনা-পার রাম বনবাসে ।  
 ভরত গেলেন তথা শৃঙ্গবের দেশে ॥  
 পৃথিবী জুড়িয়া ঠাট এক চাপে যায় ।  
 গঙ্গাতীরে বসি গুহ করে অভিপ্রায় ॥  
 কোন্ রাজা আসে হেথা যুদ্ধ করিবারে ।  
 আপনার ঠাট গুহ এক ঠাই করে ॥  
 মার্ মার্ বলিয়া দগড়ে দিল কাটি ।  
 হেনকালে গুহ বলে ভরতেরে ভেটি ॥  
 শুন রে চণ্ডালগণ ব্যস্ত হও নাই ।  
 আসিয়াছে ভরত রামের ছোট ভাই ॥  
 যতপি ভরত করে শ্রীরামেরে রাজা ।  
 ভালোমতে করো তবে ভরতেরে পূজা ॥  
 ভরত আসিয়া থাকে শত্রুভাবে যদি ।  
 ভরতের ঠাট কাটি বহাইব নদী ॥  
 সাত-পাঁচ গুহক ভাবিছে মনে মন ।  
 হেনকালে স্মরণ কহেন স্মবচন ॥

আইলেন শ্রীরামেরে লইতে ভরত ।  
 বলে গুহ শ্রীরাম গেলেন কোন্ পথ ॥  
 গুহ বলে হেথা দেখা না পাবে ভরত ।  
 শ্রীরাম-লক্ষ্মণ সীতা বহুদূর গত ॥  
 ভরতেরে তবে গুহ নোয়াইল মাথা ।  
 ভেট দিয়া গুহ তাঁরে কহে সব কথা ॥  
 গুহ বলে আমার কটক পথ জানে ।  
 কটক-সহিত আমি যাই তব সনে ॥  
 এই পথে তাঁহারা গেলেন মহাবনে ।  
 গঙ্গাপার করিয়া রাখিষু তিনজনে ॥  
 গুহ-স্থানে পাইয়া সকল সমাচাব ।  
 সেই পথে গমন হইল সবাকাব ॥  
 মাধবতীর্থের কাছে আছে যেই পথ ।  
 তাহারে দক্ষিণ করি চলেন ভবত ॥  
 ভরদ্বাজ মহামুনি আছেন বসিয়া ।  
 ভরত জানান তাঁর চরণ বন্দিয়া ॥  
 আমি রাজতনয় ভরত মম নাম ।  
 লক্ষ্মণ কনিষ্ঠ মম জ্যেষ্ঠ তন বাম ॥  
 রামের উদ্দেশে আমি আসিয়াছি বন ।  
 কহ মুনি কোথা তাঁর পাব দরশন ॥  
 মুনি বলে শ্রীবামের জানি সবিশেষ ।  
 দেখা পাবে কিন্তু রাম না যাবেন দেশ ॥  
 চিত্রকূট-পর্বতে আছেন বসুধীব ।  
 তথা গেলে দেখা হবে এই জেনো স্থির ॥  
 অশ্রু অশ্রু মুনিগণ দিল তাহে সায় ।  
 ভরতের সৈন্যগণ চিত্রকূটে যায় ॥  
 শ্রীরাম-লক্ষ্মণ আর জনকের বালা ।  
 বসতি করেন নির্মাইয়া পর্ণশালা ॥  
 তার দ্বারে বসিয়া আছেন রঘুবীর ।  
 জানকী তাহার মধ্যে লক্ষ্মণ বাহির ॥  
 হেনকালে ভরত-শত্রু দীনবেশে ।  
 শ্রীরামের আশ্রমেতে যাইয়া প্রবেশে ॥

গলবস্ত্র ভরত নয়নে বহে নীর ।  
 পথপর্যটনে অতি মলিন শরীর ॥  
 পড়িলেন শ্রীরামের চরণকমলে ।  
 আনন্দে শ্রীরাম তাঁরে লইলেন কোলে ॥  
 ভরত কহেন ধরি রামের চরণ ।  
 কার বাক্যে রাজ্য ছাড়ি বনে আগমন ॥  
 বামা জাতি স্বভাবতঃ অল্প বুদ্ধি ধরে ।  
 তার বাক্যে কে কোথা গিয়াছে দেশান্তরে ॥  
 অপরাধ ক্ষমা করো চলো প্রভু দেশ ।  
 সিংহাসনে বসিয়া ঘুচাও মনঃক্লেশ ॥  
 শ্রীরাম বলেন তুমি ভরত পশ্চিৎ ।  
 না বুঝিয়া কেন বলো এ নহে উচিত ॥  
 চতুর্দশ বৎসর পালি পিতৃবাক্য ।  
 অযোধ্যা যাইব আমি দেখিবে প্রত্যক্ষ ॥  
 থাকুক সে-সব কথা শুনিব সকল ।  
 বলহু ভরত আগে পিতার কুশল ॥  
 বশিষ্ঠ কহেন রাম না কহিলে নয় ।  
 স্বর্গবাসে গিয়াছেন রাজা-মহাশয় ॥  
 শুনি মূর্ছাগত রাম জানকী লক্ষ্মণ ।  
 ভূমিতে লুটিয়া বহু করেন রোদন ॥  
 শ্রীবাম বলেন হে বশিষ্ঠ পুরোহিত ।  
 আজ্ঞা করো পিতৃশ্রাদ্ধ করি যে বিহিত ॥  
 শ্রীবাম-লক্ষ্মণ সীতা চলেন ত্বরিত ।  
 হইলেন ফল্গুনদী-তীরে উপনীত ॥  
 সকলে সলিলে স্নান করিল তখন ।  
 করিলেন নাম গোত্র লইয়া তর্পণ ॥  
 পিতৃশ্রাদ্ধ করিলেন ফল্গুনদী-তীরে ।  
 পিতৃপিণ্ড সমর্পণ করেন সে নীরে ॥  
 শ্রীরামেরে বলেন বশিষ্ঠ মহাশয় ।  
 ভরতের প্রতি রাম কি অনুজ্ঞা হয় ॥  
 তোমা বিনা ভরতের আর নাহি গতি ।  
 বুঝিয়া ভরতে রাম করো অনুমতি ॥

শ্রীরাম বলেন হুনি হইলাম সুখী ।  
 প্রাণের অধিক আমি ভরতেরে দেখি ॥  
 ভরতে আমাতে নাহি করি অশ্রুভাব ।  
 ভরতের রাজত্বে আমার রাজ্যলাভ ॥  
 যাও ভাই ভরত দ্বরিত অযোধ্যায় ।  
 মন্ত্ৰিগণ লয়ে রাজ্য করহ তথায় ॥  
 চতুর্দশ বৎসর হয় যবে গত ।  
 চারি ভাই অযোধ্যায় হইব মিলিত ॥  
 জোড়হাতে ভরত বলেন সবিনয় ।  
 কেমনে রাখিব রাজ্য মম কার্য নয় ॥  
 তোমার পাছুকা দেহ করি গিয়া রাজা ।  
 তবে সে পাবিব রাম পালিবারে প্রজ্ঞা ॥  
 তোমার পাছুকা যদি রাম থাকে ঘরে ।  
 ত্রিভুবনে আমার কি কবে কার ডরে ॥  
 শ্রীরাম বলেন হে ভরত প্রাণাধিক ।  
 পাছুকা লইয়া যাও কি কব অধিক ॥  
 নন্দীগ্রামে পাট করি করো রাজকার্য ।  
 সাবধান হইয়া পালিয়ো পিতৃরাজ্য ॥  
 শ্রীরামেব পাছুকা ভরত শিরে ধরে ।  
 ভাবে পুলকিত অঙ্গ প্রফুল্ল অন্তবে ॥  
 যাত্রাকালে উঠে মহা ক্রন্দনের রোল ।  
 কোনো জন গুনিতে না পায় কারো বোল ॥  
 কান্দেন কৌশলারানী রামে করি কোলে ।  
 বসন ভিজিল তাঁব নয়নের জলে ॥  
 সুমিত্রা কান্দেন কোলে করিয়া লক্ষ্মণে ।  
 সকলে ক্রন্দন করে সীতার কারণে ॥  
 ভরতেরে বিদায় করিয়া রঘুবীর ।  
 চিত্রকূটে কিছুদিন রহিলেন স্থির ॥  
 সৈন্যগণ-সহিত ভরত অতঃপবে ।  
 তিন দিনে আইলেন অযোধ্যা-নগরে ॥  
 রত্নসিংহাসনে শ্রীভরত পট্ট পাতি ।  
 তত্পরি পাছুকা থুইয়া ধরে ছাতি ॥



তার নীচে শ্রীভরত কুম্ভসার-চর্মে ।  
 পাত্র-মিত্র-সহিত থাকেন রাজকর্মে ॥  
 কুড়িবাস কবির সংগীত সুধাভাণ্ড ।  
 সমাপ্ত হইল গীত এ অযোধ্যাকাণ্ড ॥

—





## অরণ্যকাণ্ড

॥ রামের অত্রি-মুনির আশ্রমে গমন

ও রাক্ষস-বধ ॥

করিলেন অযোধ্যায় ভরত গমন ।  
চিত্রকূট-পর্বতে রহেন তিনজন ॥  
আমা নিতে ভরত আইলে পুনর্বীর ।  
কেমনে অন্তথা করি বচন তাহার ॥  
চিত্রকূট অযোধ্যা তো নহে বহুদূর ।  
ভরত ভাতার ভক্তি আমাতে প্রচুর ॥  
রঘুনাথ এমত চিন্তিয়া মনে মনে ।  
চিত্রকূট ছাড়িয়া চলিলেন দক্ষিণে ॥  
কতদূর যান তাঁরা করি পরিশ্রম ।  
সম্মুখে দেখেন অত্রি-মুনির আশ্রম ॥  
আশীর্বাদ করিলেন অত্রি মহামুনি ।  
মুনির আশ্রমে স্থখে বঞ্জন রজনী ॥  
প্রভাতে করিয়া স্নান আর যে তর্পণ ।  
তিন জন বন্দিলেন মুনির চরণ ॥  
মুনি কহিলেন রাম করো অবধান ।  
অগ্রেতে দণ্ডকারণ্য অতি রম্যস্থান ॥  
তথা গিয়া রঘুবীর করহ বসতি ।  
মুনির চরণে রাম করেন প্রণতি ॥  
আগে যান রঘুনাথ পশ্চাৎ লক্ষ্মণ ।  
জনকজনয়া মধ্যে কি শোভা তখন ॥

ফল পুষ্প দেখেন গন্ধেতে আমোদিত ।  
 মধুরের কেকাধনি ভ্রমরের গীত ॥  
 নানা পক্ষীকলরব শুনিতে মধুর ।  
 সরোবরে কতশত কমল প্রচুর ॥  
 হেনকালে বিরোধ রাক্ষস আচম্বিত ।  
 বিকট-আকার সে সম্মুখে উপস্থিত ॥  
 মেঘের গর্জন প্রায় ছাড়ে সিংহনাদ ।  
 মহাভয়ংকর মূর্তি রাক্ষস বিরোধ ॥  
 সীতারে খাইতে চাহে মেলিয়া বদন ।  
 শ্রীরামেরে কটু কহে করিয়া তর্জন ॥  
 ছাড়েন ঐষিক বাণ দশরথ-স্মৃত ।  
 পড়িল বিরোধ যেন কৃতান্তের দূত ॥

॥ শবভঙ্গ মুনির আশ্রমে গমন । মুনি  
 কর্তৃক ইন্দ্রের ধনুর্বাণ দান ॥

শ্রীরাম বলেন চলো জানকী লক্ষ্মণ ।  
 গোমতীর পারে শরভঙ্গ-নিকেতন ॥  
 সেই দিন শ্রীরাম রহেন সেই স্থানে ।  
 প্রভাতে উঠিয়া যান মুনি-দরশনে ॥  
 হেনকালে উপনীত তথা শচীনাথ ।  
 করিবারে শরভঙ্গ মুনির সংক্ষাৎ ॥  
 ইন্দ্র আসি মুনিরে করিয়া নমস্কার ।  
 নিবেদন করেন যে কার্য আপনার ॥  
 শুন মুনি রামরূপী ত্রিলোকের নাথ ।  
 আসিবেন তব সহ করিতে সাক্ষাৎ ॥  
 তব স্থানে রাখিলাম এই ধনুর্বাণ ।  
 আইলে তাঁহারে তুমি করিবে প্রদান ॥  
 এত বলি স্বর্গপুরী যান পুরন্দর ।  
 প্রবেশ করেন রাম যথা মুনিবর ॥  
 প্রণাম করেন শরভঙ্গ মুনিবরে ।  
 আশীর্বাদ করি মুনি কহেন তাঁহারে ॥

আইলা আপনি বিষ্ণু আমার নিবাস ।  
 তোমা-দরশনে মম হবে স্বর্গবাস ॥  
 শত বৎসরের তপ করিলাম দান ।  
 এই লহো ইন্দ্রদত্ত দিব্য ধনুর্বাণ ॥  
 শরীর ছাড়িব আমি অতি পুরাতন ।  
 প্রাণ রাখিয়াছি রাম তোমার কারণ ॥  
 রাম-দরশনে মুনি যান স্বর্গবাস ।  
 রচিল অরণ্যাকাণ্ড দ্বিজ কৃষ্ণিবাস ॥

—

॥ বামেব পঞ্চবটী-বনে অবস্থিতি । লক্ষ্মণ  
 কতৃক শূর্ণপথাব নাসিকাচ্ছেদন ।  
 ধব ও দুষণেব যুদ্ধ আগমন ॥

সম্ভাষিতে রামেরে আইল বনবাসী ।  
 কেহ কেহ ফল খায় কেহ উপবাসী ॥  
 গাছের বাকল পরে শিবে জটা ধবে ।  
 মৃগচর্ম ধরে কেহ কমণ্ডলু করে ॥  
 মুনিগণে দেখিয়া উঠিয়া রঘুনাথ ।  
 করেন প্রণতি স্তুতি হয়ে জোড়হাত ॥  
 মূনিরা করেন স্তুতি রামের গোচর ।  
 শ্রীরাম বলেন প্রভু না করিয়ো ডর ॥  
 তপোবনে না রাখিব রাক্ষস-সঙ্কার ।  
 অবিলম্বে হইবেক রাক্ষস-সংহার ॥  
 মুনিগণ সঙ্গে সঙ্গে শ্রীরাম-লক্ষ্মণ ।  
 তপোবন-দরশনে করেন গমন ॥  
 কোথা পাঁচ-সাত মাস কোথা দশ মাস ।  
 কোথাও বৎসর রাম করেন প্রবাস ॥  
 এইরূপে বনে বনে করেন ভ্রমণ ।  
 অতীত হইল দশ বৎসর তখন ॥  
 এক দিন যান রাম অগস্ত্যের দ্বারে ।  
 হেনকালে শিষ্য এক আইল বাহিরে ॥

রাবণের ভগ্নী সেই নাম শূৰ্পণখা ।  
 অকস্মাৎ রামের সম্মুখে দিল দেখা ॥  
 জিতেন্দ্রিয় শ্রীরাম ধার্মিক-শিরোমণি ।  
 রামে ভুলাইবে কিসে অধর্মচারিণী ॥  
 জিজ্ঞাসা করিল রাম সরল-হৃদয় ।  
 শূৰ্পণখা আপনার দেয় পরিচয় ॥  
 লঙ্কাতে বসতি আমি রাবণ-ভগিনী ।  
 নানা দেশ ভ্রমি আমি হয়ে একাকিনী ॥  
 দেশে দেশে ভ্রমি আমি নাহি করি ভয় ।  
 তোমার বনিতা হই হেন বাঞ্ছা হয় ॥  
 শ্রীরাম বলেন সীতা না করিয়ো ত্রাস ।  
 রাক্ষসীর সহিত করিব পরিহাস ॥  
 পরিহাস করেন শ্রীরাম সূচতুর ।  
 রাক্ষসীকে বাড়াইতে বলেন মধুর ॥  
 আমার হইলে জায়া পাবে যে সতিনী ।  
 লঙ্কণের ভার্যা হও এই বড় গুণী ॥  
 সত্যজ্ঞানে নিশাচরী লঙ্কণেরে বলে ।  
 আমা-হেন রূপবতী পাবে কোন্ স্থলে ॥  
 লঙ্কণ বলেন আমি শ্রীরামের দাস ।  
 সেবকের প্রতি কেন কর অভিলাষ ॥  
 ভুবনের সার রাম অযোধ্যার রাজা ।  
 তুমি রানী হইলে করিবে সবে পূজা ॥  
 কি গুণ ধরেন সীতা তোমার গোচর ।  
 তোমায় সীতায় দেখি অধিক অন্তর ॥  
 উপহাস না বুঝে বচন মাত্র ধায় ।  
 লঙ্কণেরে ছাড়িয়া রামের কাছে যায় ॥  
 পুনর্বীর আইলাম রাম তব পাশে ।  
 ঘুচাইব ব্যাঘাত সীতারে গিলি গ্রাসে ॥  
 বদন মেলিয়া যায় সীতা গিলিবারে ।  
 ত্রাসেতে বিকল সীতা রাক্ষসীর ডরে ॥  
 ত্রোদধেতে লঙ্কণ বীর মারিলেন বাণ ।  
 এক বাণে তাহার কাটিল নাক-কান ॥



শূর্ণগথা যায় খর-দূষণের পাশে ।  
 নাকে হাত দিয়া কাঁদে গাত্র বস্ত্রে ভাসে ॥  
 কহে খর-দূষণ রাক্ষস-সেনাপতি ।  
 কোন্ বেটা করিল ভগিনীর দুর্গতি ॥  
 রাবণেরে নাহি মানে আমারে না জানে ।  
 মরিবার উপায় সৃজিল কোন্ জনে ॥  
 বসি তবে শূর্ণগথা কহে ধীরে ধীবে ।  
 আসিয়াছে ছুই নর বনের ভিতরে ॥  
 মুনিতুল্য বেশ ধরে কিন্তু নহে মুনি ।  
 সঙ্গে লয়ে ভ্রমে এক সুন্দরী কামিনী ॥  
 গেলাম মনুষ্য-মাংস খাইবার সাধে ।  
 নাক-কান কাটে মোর এই অপরাধে ॥  
 খর বলে দেখো তুমি আমার প্রতাপ ।  
 ঘুচাইব এখনি তোমার মনস্তাপ ॥  
 অস্ত্র-শস্ত্র বহুবিধ তুলি রথোপর ।  
 রথস্তুস্ত ধরি উঠে মহাবলী খর-॥  
 মেঘের গর্জনে গর্জে রাক্ষস দূষণ ।  
 রামেরে মারিব আগে পশ্চাৎ লক্ষ্মণ ॥

রাক্ষস আইল যত পরম কৌতুকে  
কৃষ্ণবাস রামায়ণ রচে মনঃস্থখে ॥

॥ খর-দূষণ বধ ॥

শ্রীরাম বলেন শুন সৈন্য-কলকলি ।  
সীতা লইয়া লক্ষ্মণ ত্যজ রণস্থলী ॥  
থাকিয়া আমার কাছে হইতে দোসর ।  
কিন্তু হেথায় থাকিলে পাবে সীতা ডর ॥  
বিলম্ব না কর ভাই চলহ সত্বর ।  
সীতাকে রাখহ গিয়া গুহার ভিতর ॥  
এত যদি লক্ষ্মণেরে বলিলেন রামে ।  
দূরেতে লক্ষ্মণ সীতা গেলেন সম্মুখে ॥  
দেব দৈত্য গন্ধর্ব আইল সর্বজন ।  
অন্তরীক্ষে থাকিয়া সকলে দেখে রণ ॥  
এক রাম চতুর্দশ সহস্র রাক্ষস ।  
কেমনে জিনিবে রাম বড়ই সাহস ॥  
ডাকিয়া রামেরে বলে তখন দূষণ ।  
‘মনুষ্য হইয়া তোর মোর সনে রণ ॥  
ছুইজনে বাণ বর্ষে দৌহে দম্বধর ।  
দৌহে দৌহা বিষ্ণি বাণে করিল জর্জর ॥  
সহস্র রাক্ষস পড়ে শ্রীরামের বাণে ।  
জোড়েন গন্ধর্ব অস্ত্র ধনুকের গুণে ॥  
সকল রাক্ষস হইল যেন রক্তময় ।  
আপনা-আপনি যেন নাহি পরিচয় ॥  
আপনা-আপনি করে নির্ঘাত প্রহার ।  
খরের হাজার ছয় রাক্ষস সংহার ॥  
সকলে পড়িল বীর খর মাত্র আছে ।  
দূষণের সেনাপতি দেখে তার কাছে ॥  
আপনি নিকট হয়ে প্রবেশে সংগ্রামে ।  
মহাশূল নিক্ষেপ সে করিল শ্রীরামে ॥

রণেতে পণ্ডিত রাম নানা বুদ্ধি ঘটে ।  
 শূল-সহ দুষণের দুই হাত কাটে ॥  
 জ্বালায় দুষণ বীর ত্যজিল পরান ।  
 দেবগণ শ্রীরামেরে করিছে বাখান ॥  
 দুষণ পড়িল খর লাগিল ভাবিতে ।  
 কাতর হইয়া বীর নেত্রজলে তিতে ॥  
 হাতে অস্ত্র করিয়া ধাইয়া আগুসরে ।  
 এত সব সৈন্য মোর একা রাম মারে ॥  
 যে ধনুক দিলেন অগস্ত্য মুনিবর ।  
 সে ধনুকে সন্ধান পূরেন রঘুবর ॥  
 শয়ঃ বিষ্ণু রঘুবীর পুরিল সন্ধান ।  
 কাটিলেন খরের হাতের ধনুর্বাণ ॥  
 পাইলেন তখন শ্রীরাম অবসর ।  
 খবের শরীব বাণে করেন জর্জর ॥  
 রামেরে কামড় দিতে যায় মহারোষে ।  
 শ্রীরাম ঐষিক বাণ জুড়িলেন ত্রাসে ॥  
 বজ্রাঘাতে যেমন পর্বত দুই চির ।  
 গায়ে প্রবেশিতে বাণ পড়ে খব বীর ॥  
 চতুর্দশ সহস্র রাক্ষস পড়ে রণে ।  
 শ্রীরামেরে বাখানে আসিয়া দেবগণে ॥  
 রামেরে বন্দেন গিয়া জানকী লক্ষ্মণ ।  
 করেন সকলে বসি ইষ্ট সন্তোষণ ॥  
 অস্ত্রক্ষত দেখিয়া রামের কলেবরে ।  
 জানকীর নেত্রনীর ঝর্ ঝর্ ঝরে ॥  
 রামের সংগ্রাম যত শূর্ণগথা দেখে ।  
 শঙ্কাকুল লঙ্কায় চলিল মনোহুখে ॥  
 রাবণে কহিতে যায় আত্মসমাচার ।  
 নাক-কান-কাটা তার বীভৎস আকার ॥  
 সভা করি বসিয়াছে রাবণ ভূপতি ।  
 সুরগণ সহিত যেমন সুরপতি ॥  
 নিজ নিজ স্থানে বসিয়াছে মন্ত্রিগণ ।  
 হেনকালে শূর্ণগথা দিল দরশন ॥



নাক-কান-কাটা তার মূর্তিখানি কালি ।  
 সভামধ্যে রাবণেরে দেয় গালাগালি ॥  
 পরম কৌতুকে রাজা থাক রাত্রিদিনে ।  
 রাক্ষস করিতে নাশ রাম এল বনে ॥  
 চতুর্দশ সহস্র রাক্ষস বনে ছিল ।  
 একা রাম সকলেরে সংহার করিল ॥  
 রামের কনিষ্ঠ সে লক্ষ্মণ মহাবীর ।  
 তার সহ সগরে হইবে কেবা স্থির ॥  
 রামের মহিষী সীতা সাক্ষাৎ পদ্মিনী ।  
 ত্রৈলোক্যমোহিনী রূপে পরমা কামিনী ॥  
 যেমন মহৎ তুমি পুরুষসমাজে ।  
 তার রূপ কেবল তোমাতে মাত্র সাজে ॥  
 রামেরে ভাঁড়াও আর ভাঁড়াও লক্ষ্মণে ।  
 আনহ রমণীরত্ন যত্নে এইক্ষণে ॥  
 যেমন সন্তাপ দিল সে রাক্ষসকূলে ।  
 তেমনি মরুক সে সীতার শোকানলে ॥  
 যুক্তি করে রাবণ বসিয়া সভাস্থানে ।  
 রামে ভাঁড়াইয়া সীতা আনিব কেমনে ॥

—

॥ সীতা-হরণ ॥

বুঝিয়া রাজার মন সারথি সত্বরে ।  
 অপূর্ব পুষ্পকরথ আনিল বাহিরে ॥  
 সেই রথে আরোহণ করে লঙ্কেশ্বর ।  
 বিদ্যুতের প্রায় রথ চলিল সত্বর ॥  
 নানা দেশ নদ-নদী ছাড়িয়া রাবণ ।  
 সাগর লজ্জিয়া যায় শতেক যোজন ॥  
 যথা তপ করে সে মারীচ নিশাচর ।  
 রথে চাপি তথা গেল রাজা লঙ্কেশ্বর ॥  
 রাবণ বলিল তুমি মারীচ প্রধান ।  
 লঙ্কায় না দেখি পাত্র তোমার সমান ॥

দণ্ডকারণ্যেতে ছিল যত নিশাচর ।  
 সবাকারে সংহারিল রাম একেশ্বর ॥  
 শূর্ণগথা ভগিনীর কাটে নাক-কান ।  
 হইয়া মনুষ্যকীট করে অপমান ॥  
 নাহি করি যদি আমি এর প্রতিকার ।  
 ত্রিলোকের আধিপত্য বিফল আমার ॥  
 আজি লইলাম আমি তোমার শরণ ।  
 পাত্রকার্য করো পাত্র শুনহ বচন ॥  
 শুনি তার পরমাসুন্দরী এক নারী ।  
 তার রূপ-গুণ-কথা কহিতে না পারি ॥  
 তাহারে হরিব করি তোমারে সহায় ।  
 শুনিয়া মারীচ কহে করি হায় হায় ॥  
 অবোধ রাবণ এ কি তোমার যুক্তি ।  
 কে দিল এ কুমন্ত্রণা তোমারে সম্প্রতি ॥  
 প্রাণাধিক রামের সে জানকী সুন্দরী ।  
 হরিলে তাঁহারে কি রহিবে লঙ্কাপুরী ॥  
 পায়ে পড়ি লঙ্কানাথ করি হে মিনতি !  
 ক্ষমা করো রক্ষা করো লঙ্কার বসতি ॥  
 আমার বচন তুমি শুন লঙ্কেশ্বর ।  
 সীতালোভ ছাড়িয়া চলিয়া যাও ঘর ।  
 ঈশ্বর না খায় যার নিকট মরণ ।  
 যত বলে মারীচ তা না শুনে রাবণ ॥  
 ঋষিয়া রাবণ কহে মারীচের প্রতি ।  
 কি যে কুবুদ্ধি তোমার ঘটিল দুর্মতি ॥  
 তার পর মারীচেরে কহে লঙ্কেশ্বর ।  
 মৃগরূপ ধরো তুমি দেখিতে সুন্দর ॥  
 মৃগরূপ ধরিল মারীচ নিশাচর ।  
 সুবর্ণ শরীর তার অতি মনোহর ॥  
 বনমধ্যে লুকাইয়া রহিল রাবণ ।  
 আলো করি মায়া-মৃগ করিল গমন ॥  
 রাম-সীতা বসিয়া আছেন দুইজন ।  
 সেইখানে মৃগ গিয়া দিল দরশন ॥

রামেরে বলেন সীতা মধুর বচন ।  
 অল্পমতি যদি হয় করি নিবেদন ॥  
 এই মৃগচর্ম যদি দাও ভালোবাসি ।  
 কুটিরে কোতুকে রাম বিছাইয়া বসি ॥  
 আদরে শুনিয়া রাম সীতার বচন ।  
 ডাক দিয়া লক্ষ্মণেরে বলেন তখন ॥



অদ্ভুত হরিণ ভাই দেখো বিজ্ঞমান ।  
 অপূর্ব সুন্দর রূপ কাহার নির্মাণ ॥  
 জানকী চাহেন এই হরিণের চর্ম ।  
 বুঝ দেখি লক্ষ্মণ ইহার কিবা মর্ম ॥  
 যাবৎ মারিয়া মৃগ নাহি আসি ঘরে ।  
 তাবৎ করহ রক্ষা লক্ষ্মণ সীতারে ॥  
 আমার বচন কভু না করিয়ো আন ।  
 প্রমাদ না পড়ে যেন হোয়ো সাবধান ॥  
 বৃক্ষ-আড়ে থাকিয়া রাবণ সব শুনে ।  
 মনে ভাবে জানকীরে হরিব এক্ষণে ॥  
 শ্রীরাম করেন সজ্জা হাতে ধনুঃশর ।  
 যান মৃগ মারিতে লক্ষ্মণে রাখি ঘর ॥  
 শ্রীরামেরে দেখিয়া মারীচ ভাবে মনে ।  
 পলাইয়া গেলে মোরে মারিবে রাবণে ॥  
 আমারে মারিবে রাম নতুবা রাবণ ।  
 আমার কপালে আজি অবশ্য মরণ ॥

মারীচ সশঙ্ক হয়ে যায় ধীরে ধীরে ।  
 আগে ধায় পিছে ধায় চায় ফিরে ফিরে ॥  
 ক্ষণে যায় ক্ষণে চায় ক্ষণে হয় দূর ।  
 নানা রঙ্গে চলে যুগ মায়ায় প্রচুর ॥  
 ঐষিক বিশিখ রাম পূরেন সন্ধান ।  
 মারীচের বৃকে বাজে বজ্রের সমান ॥  
 বেদনায় মারীচ সে পড়িল অন্তরে ।  
 রাক্ষসের মূর্তি ধরি হাহাকার করে ॥  
 তখন মারীচ করে রাবণের হিত ।  
 রামের ডাকের তুল্য ডাকে আচম্বিত ॥  
 লক্ষ্মণ লক্ষ্মণ বলি ডাকে উচ্চৈঃস্বরে ।  
 শুনিয়া রামের হয় কম্প কলেববে ॥  
 মারীচেরে সংহারিয়া বাণ লয়ে তাতে ।  
 সীতার নিকটে রাম চলেন ছুরিতে ॥  
 হেথা শুনিলেন সীতা করুণ বচন ।  
 বলিলেন ঝাঁট যাও দেবর লক্ষ্মণ ॥  
 লক্ষ্মণ বলেন নাহি শ্রীরামের ভয় ।  
 যুগ মারি আসিবেন কিসের বিস্ময় ॥  
 তাহা না মানেন সীতা হয়ে উতরোলী ।  
 শিরে ঘা হানেন সীতা দেন গালাগালি ॥  
 বৈমাত্রেয় ভাই কভু নহে তো আপন ।  
 আমা-প্রতি লক্ষ্মণ তোমার বৃদ্ধি মন ॥  
 লক্ষ্মণ ধার্মিক অতি মনে নাহি পাপ ।  
 সকলেরে সাক্ষী করে পেয়ে মনস্তাপ ॥  
 জলচর স্থলচর অন্তরীক্ষচর ।  
 সবে সাক্ষী হও সীতা বলে ছুরক্ষর ॥  
 গণ্ডি দিয়া বেড়িলেন লক্ষ্মণ সে ঘর ।  
 প্রবেশ না করে কেহ ঘরের ভিতর ॥  
 শিরে ঘা হানেন সীতা নেত্রজলে তিতে ।  
 সীতা প্রণমিয়া যান লক্ষ্মণ ছুরিতে ॥  
 এতক্ষণে রাবণের সিদ্ধ অভিলাষ ।  
 তপস্বীর বেশ ধরি যায় সীতা-পাশ ॥

রাবণ মধুর বাক্যে সীতারে সম্বোধে ।  
 কোন্ জাতি নারী তুমি থাক কোন্ দেশে ॥  
 'কাহার ঝিয়ারী তুমি কার প্রিয়তমা ।  
 মনুষ্য নহে তো তুমি সোনার প্রতিমা ॥



পরিচয় দেন সীতা তপস্বীর জ্ঞানে ।  
 অমৃত সেচিল যেন মধুর বচনে ॥  
 জনকনন্দিনী আমি নাম ধরি সীতা ।  
 দশরথপুত্রবধূ রামের বনিতা ॥  
 জানকী বলেন দ্বিজ করি নিবেদন ।  
 পঞ্চফল ঘরে আছে করহ ভক্ষণ ॥  
 রাবণ বলিল সীতা ব্রত করি বনে ।  
 আশ্রমে না লই ভিক্ষা জানে যুনিগণে ॥  
 জানকী বলেন দ্বিজ এক কথা কহি ।  
 আজ্ঞা বিনা প্রভুগৃহ বাহির না হই ॥

রাবণ বলেন ভিক্ষা আনহ সত্তর ।  
 নতুবা উত্তর দেহ যাই নিজ ঘর ॥  
 জানকী ভাবেন ব্যর্থ অতিথি যাইবে ।  
 ধর্ম কর্ম নষ্ট হবে প্রভু কি বলিবে ॥  
 ফল হাতে বাহির হইলেন জানকী ।  
 লইতে আইল ছুষ্ঠ রাবণ পাতকী ॥  
 ধরিয়া সীতার হাত লইল ত্বরিত ।  
 জানকী বলেন হায় এ কি বিপরীত ॥  
 ছুরাচার দূর হ রে পাপিষ্ঠ দুর্জন ।  
 আমা-লাগি হবে তোর সবংশে মরণ ॥  
 রাবণ বলিল সীতা শুনহ বচন ।  
 আত্মপরিচয় কহি আমি দশানন ॥  
 ইন্দ্রের অমরাবতী জিনি লঙ্কাপুরী ।  
 জগৎ-তুল্য ঠাই দেখিবে সুন্দরী ॥  
 করিয়া রামের সেবা জন্ম গেল দুঃখে ।  
 করিলে আমার সেবা রবে নানা সুখে ॥  
 ত্রিভুবন আমার বাণেতে কম্পমান ।  
 মনুষ্য রামেরে আমি করি কীটজ্ঞান ॥  
 কোপান্বিতা সীতাদেবী রাবণ-বচনে ।  
 রাবণেরে গালি দেন যত আসে মনে ॥  
 ত্রাসেতে কান্দেন সীতা হইয়া কাতর ।  
 কোথা গেলে প্রভু রাম গুণের সাগর ॥  
 সিংহের বিক্রম সম দেবর লক্ষ্মণ ।  
 শূন্যঘর পেয়ে মোরে হরিল রাবণ ॥  
 অত্যন্ত চিন্তিয়া সীতা করেন রোদন ।  
 এমন সময় রক্ষা করে কোন্ জন ॥  
 সীতারে ধরিয়া রথে তুলিল রাবণ ।  
 মেঘের উপরে শোভে চপলা যেমন ॥  
 জানকী বলেন শুন যত দেবগণ ।  
 প্রভুরে কহিয়ো সীতা হরিল রাবণ ॥  
 মধুর বচনে যত বুঝায় রাবণ ।  
 শোকেতে জানকী তত করেন রোদন ॥

জটায়ু নামেতে পক্ষী গরুড়-নন্দন ।  
 দূর হতে শুনিল সে সীতার ক্রন্দন ॥  
 আকাশে উঠিয়া পক্ষী চতুর্দিকে চায় ।  
 দেখিল রাবণ রাজা সীতা লয়ে যায় ॥  
 ছুই পাখা প্রসারিয়া আশুলিল বাট ।  
 রাবণেরে গালি দিয়া মারে পাখসাট ॥  
 পাখসাট মারে পক্ষী আর দেয় গালি ।  
 রাবণেব সঙ্গে যুদ্ধ করে মহাবলী ॥  
 আকাশে উঠিয়া দেখে রাম বহুদূর ।  
 ঐচড়ে কামড়ে তার রথ হল চূর ॥  
 রাবণের মুকুট সে রত্নেতে নির্মাণ ।  
 ঠোট দিয়া পক্ষী তাহা করে খান খান ॥  
 পক্ষী-যুদ্ধে তাহাব হইল অপমান ।  
 ধরিয়াছে সীতারে কেমনে ছাড়ে বাণ ॥  
 ভূমে বাখি সীতারে সে উঠিল আকাশে ।  
 আপন বিক্রম বীর তখন প্রকাশে ॥  
 অগণন বাণ তবে রাবণ এড়িল ।  
 সর্বাঙ্গে ফুটিয়া পক্ষী কাতর হইল ॥  
 ছুর্জয় রাবণ রাজা ত্রিভুবন জিনে ।  
 কি করিতে পারে তাবে পক্ষীব পরানে ॥  
 রামের অপেক্ষা করি রহে পক্ষীবর ।  
 প্রাণপণে যুঝিল সাহসে করি ভর ॥  
 রাবণ দেখিল পক্ষী বলে নাহি টুটে ।  
 অর্ধচন্দ্র বাণে তার ছুই পাখা কাটে ॥  
 ভূমিতে পড়িয়া পক্ষী করে ছটফট ।  
 আসিয়া কহেন সীতা পক্ষীর নিকট ॥  
 আমা-লাগি তুমি পক্ষী হারালে জীবন ।  
 রাবণের হাতে আছে আমাব মরণ ॥  
 প্রভুরে দেখহ যদি বনের ভিতর ।  
 বলিয়ো তোমার সীতা নিল লঙ্কেশ্বর ॥  
 সীতা যত গালি দেন রাবণ না শুনে ।  
 রথে চড়ি সীতাসহ উঠিল গগনে ॥







রামে জানাইতে সীতা ফেলেন ভ্রমণ ।  
 সীতার ভ্রমণপুষ্পে ছাইল গগন ॥  
 ঋষ্যমুক নামে গিরি অতি উচ্চতর ।  
 চারি পাত্র সহিত স্মৃগীব তত্পর ॥  
 নল নীল গবাক্ষ ও পবন-নন্দন ।  
 জাম্বুবান স্মৃগীব বসেছে দুইজন ॥  
 তাহাদের ডাকি সীতা বলেন তখন ।  
 শ্রীরামে कहিয়ো সীতা হরিল বাবণ ॥  
 হেনকালে স্মৃগীবেরে বলে হনুমান ।  
 সীতা রাখি রাবণের করি অপমান ॥  
 এই যুক্তি দশানন শুনিল আকাশে ।  
 সীতা লয়ে পলাইল শ্রীরামের ত্রাসে ॥  
 অধোমুখী জানকী কান্দেন আশঙ্কায় ।  
 উত্তরিল দশানন তখন লঙ্কায় ॥  
 সীতারে রাখিল লয়ে অশোক-কাননে ।  
 সীতারে বেড়িল গিয়া যত চেড়ীগণে ॥  
 লঙ্কাতে রহেন সীতা অশোক-কাননে ।  
 বনে রাম আইলেন শূন্য নিকেতনে ॥

—


॥ রামের বিলাপ ও সীতার অবেষণ ॥

হাতে ধনুর্বাণ রাম আইসেন ঘরে ।  
 পথে অমঙ্গল যত দেখেন গোচরে ॥  
 তোলাপাড়া করেন শ্রীরাম কত মনে ।  
 মারীচের আছানে কি ভুলিবে লক্ষ্মণে ॥  
 যেমন চিন্তেন রাম ঘটিল তেমন ।  
 আসিতে দেখেন পথে সম্মুখে লক্ষ্মণ ॥  
 লক্ষ্মণেরে দেখিয়া বিস্ময় মনে মানি ।  
 ব্যস্ত হয়ে জিজ্ঞাসা করেন রঘুমণি ॥  
 কেন তাই আসিতেছ তুমি যে একাকী ।  
 শূন্য ঘরে জানকীরে একাকিনী রাখি ॥

মম বাক্য অন্তথা করিলে কেন ভাই ।  
 আর বুঝি সীতার সাক্ষাৎ নাহি পাই ॥  
 মায়াযুগ ছলে আমা লইল কাননে ।  
 হেরো সেই রাক্ষস পড়েছে মম বাণে ॥  
 এইমত কহিতে কহিতে ছুই ভাই ।  
 বায়ুবেগে চলিলেন অন্ত জ্ঞান নাই ॥  
 উপনীত হইলেন কুটিরের দ্বারে ।  
 সীতা সীতা বলিয়া ডাকেন বারে বারে ॥  
 শূন্যঘর দেখেন না দেখেন জানকী ।  
 মুছ'পন্ন অবসন্ন শ্রীরাম ধামুকী ॥  
 প্রতি বন প্রতি স্থান প্রতি তরুমূল ।  
 দেখেন সর্বত্র রাম হইয়া ব্যাকুল ॥  
 কান্দিয়া কান্দিয়া রাম ভ্রমেণ কানন ।  
 দেখিলেন পথিমধ্যে সীতার ভূষণ ॥  
 দেখিলেন পড়ে আছে ভগ্ন রথচাকা ।  
 কনকরচিত আছে পতিত পতাকা ॥  
 শ্রীরাম বলেন দেখো ভাই রে লক্ষ্মণ ।  
 এইখানে সীতারে করহ অন্বেষণ ॥  
 মহাযুদ্ধ হইয়াছে করি অনুমান ।  
 লক্ষ্মণ প্রমাণ তার দেখো বিদ্যমান ॥  
 জলে স্থলে অন্তরীক্ষে করেন উদ্দেশ ।  
 বনে বনে ভ্রমিয়া অনেক পান ক্লেশ ॥

যাইতে দেখেন যাকে জিজ্ঞাসেন তাকে ।  
 দেখিয়াছ তোমরা কি এ পথে সীতাকে ॥  
 এইরূপে শ্রীরাম ভ্রমেণ চারি দিকে ।  
 রক্তে রাঙা জটায়ুকে দেখেন সম্মুখে ॥  
 জটায়ু বলিল তবে শ্রীরামে তখন ।  
 সীতার লাগিয়া রাম আমার মরণ ॥  
 অন্বেষিয়া সীতারে পাইলে বহু ক্লেশ ।  
 এই দেশে না পাইবে সীতার উদ্দেশ ॥  
 ছুভাই তোমরা যবে নাহি ছিলা ঘর ।  
 শূন্যঘর পাইয়া হরিল লঙ্কেশ্বর ॥

আমি বৃদ্ধ যুদ্ধ করি ক্রুদ্ধ করি তায় ।  
 রাখিয়াছিলাম রাম তোমার আশায় ॥  
 দুই পাখা কাটিলেক পাপিষ্ঠ রাবণ ।  
 মুখে রক্ত উঠে রাম যায় এ জীবন ॥  
 ইতস্তত ভ্রমণে নাহিক প্রয়োজন ।  
 চিন্তা করো রাম যাতে মরিবে রাবণ ॥  
 প্রাণ আছে তোমারে করিতে দরশন ।  
 সম্মুখে দাঁড়াও রাম দেখি এইক্ষণ ॥  
 মৃত্যুকালে বন্দি পক্ষী শ্রীরাম-লক্ষণ ।  
 দিব্যরথে চাপি স্বর্গে কবিল গমন ॥  
 রজনী আইল স্থান থাকিবার নাই ।  
 শূন্যঘরে পুনঃ আইলেন দুই ভাই ॥  
 বাহিরে ছিলেন রাম বরঞ্চ আশ্বস্ত ।  
 শূন্যঘর দেখি হইলেন আরো ব্যস্ত ॥  
 সীতার বিচ্ছেদে রাম যে পাইল ক্লেশ ।  
 বিশেষ লিখিতে গেলে হয় সে অশেষ ॥  
 প্রভাত হইল নিশা উদিত মিহির ।  
 হইলেন দুই ভাই ঘরের বাহির ॥  
 শ্রীরাম-চরিত্র-কথা অমৃতের ভাণ্ড ।  
 এতদূরে সমাপ্ত হইল অরণ্যকাণ্ড ॥



## । किङ्क्याकाणु

॥ सुग्रीवादि वानरैर सहित रामैर मित्रता  
७ बालिवधैर अङ्गीकार ॥

श्रीराम-लङ्कण दौहे भ्रमेण दण्डके ।  
सहाय करिते यान वानर-कटके ॥  
हुई भाई उठिलेन पर्वत-शिखरे ।  
देखिया वानरकुल शक्ति अस्तुरे ॥  
सुग्रीव बलिल देखि तपस्वी उभय ।  
किञ्च धनुर्बाण धरे मने लागे भय ॥  
हईवे तपस्वीवेश राजार कुमार ।  
काँट याह हनुमान आनो समाचार ॥  
यान हनुमान वीर तपस्वीर वेशे ।  
परम गौरवभावे उभये सन्ताषे ॥  
सुग्रीव वानर राजा लोके ख्यातिमान ।  
तांहार सचीव आमी नाम हनुमान ॥  
तोमा-सह मित्रता करिते अभिलाष ।  
पाठाईल सुग्रीव आमारै तव पाश ॥  
श्रीराम बलेन गुन लङ्कण बचन ।  
सुग्रीवैर पात्र सह करो सन्ताषण ॥  
एतेक कहैन यदि कमललोचन ।  
बलेन सकल कथा तांहारै लङ्कण ॥  
श्रीराम बलेन कपि करह गमन ।  
सुग्रीवैर सह मोर कराणु मिलन ॥

শুনিয়া রামের বাক্য যান হনুমান ।  
 কহেন সকল সুগ্রীবের বিজ্ঞমান ॥  
 শুনিয়া সুগ্রীব রাজা আপনা পাসরে ।  
 ফল পুষ্প লয়ে গেল রামের গোচরে ॥  
 বড় ভাগ্য সুগ্রীবের বিধির লিখন ।  
 শুভক্ষণে করিল শ্রীরাম-দরশন ॥  
 পাণ্ড অর্ঘ্য দিয়া শ্রীরামের পূজা করে ।  
 প্রেমানন্দে সুগ্রীবের নেত্রনীর ঝরে ॥  
 কৃতাজলি হইয়া কহিল কপিরাজ ।  
 হইয়াছি জ্ঞাত রাম তোমার যে কাজ ॥  
 পশু-প্রতি যদি রাম হয় অনুগ্রহ ।  
 মিত্র বলি রঘুবীর হস্তে হস্ত দেহ ॥  
 দয়াল শ্রীরামচন্দ্র কমললোচন ।  
 বানরের হাতে হাত দেন নারায়ণ ॥  
 দুই কাষ্ঠ ঘর্ষণ করিতে অগ্নি জ্বলে ।  
 অগ্নি সাক্ষী করি দোঁহে মিত্র মিত্র বলে ॥



পরস্পর বৈরী মারি উদ্ধারিব নারী ।  
 অগ্নি সাক্ষী এই সত্য হইল দোঁহারি ॥  
 সুগ্রীব বলেন রাম কহি অবশেষ ।  
 পাইয়াছিলাম বুঝি সীতার উদ্দেশ ॥

আমরা বানর পঞ্চ ছিলাম পর্বতে ।  
 দেখিলাম এক কণ্ঠ্য রাবণের রথে ॥  
 হাত-পা আছাড়ে করে কঙ্কণের ধ্বনি ।  
 গরুড়ের মুখে যেন বন্ধা ভুজঙ্গিনী ॥  
 গলার উত্তরী আর গাত্র-আভরণ ।  
 রথ হইতে পড়িল যেন তারাগণ ॥  
 অনুমানে বুঝি তিনি তোমার স্নন্দরী ।  
 যত্ন করি রাখিয়াছি ভূষণ উত্তরী ॥  
 শ্রীরাম বলেন মিত্র করো সে বিধান ।  
 দেখাও সীতার চিহ্ন রাখো মম প্রাণ ॥  
 আভরণ আনেন স্নগ্ৰীব সেই স্থলে ।  
 দেখিয়া রামের শোক-সাগর উথলে ॥  
 অবশ হইয়া রাম পড়েন ভূতলে ।  
 শরীর ভাসিল তাঁর নয়নের জলে ॥  
 স্নগ্ৰীব বিবিধকপে রামকে বুঝান ।  
 কুন্দিবাস রচে গীত অদ্ভুত নির্মাণ ॥  
 স্নগ্ৰীব বলেন মিত্র মনে দেহ ক্ষমা ।  
 অবিলম্বে উদ্ধারিব তব প্রিয়তমা ॥  
 যথা তথা যাউক সে পাপিষ্ঠ রাবণ ।  
 সবংশে মারিব তার জ্ঞাতি বন্ধুজন ॥  
 স্নগ্ৰীব বলেন স্থির করো তুমি মন ।  
 সম্প্রতি করিব কিছু আত্মনিবেদন ॥  
 মম জ্যেষ্ঠ বালিরাজ বিক্রমে প্রধান ।  
 রাজ্য জায়া হরিয়া করিল অপমান ॥  
 এ পর্বতে থাকি রাম না দেখি উপায় ।  
 অনুকূল হয়ে বিধি তোমারে মিলায় ॥  
 আশ্বাস করেন স্নগ্ৰীবেরে রঘুবর ।  
 বালিকে মারিয়া তব ঘুচাইব ডর ॥  
 মম ভার্যা তব রাজ্য যেই জন হরে ।  
 অবিলম্বে তাহারে পাঠাব যমঘরে ॥







॥ রাম-কর্তৃক বালিবধ । তারার অভিশাপ ॥

রাজ্যলোভে স্মগ্রীব মারিতে সহোদরে ।  
 আগে আগে চলিল বিলম্ব নাহি করে ॥  
 শ্রীরাম-লক্ষ্মণ যান হাতে ধনুঃশর ।  
 তাহার পশ্চাৎ চলে ইতর বানর ॥  
 রাজদ্বার-নিকটে চলেন রাম ধীরে ।  
 বৃক্ষ-আড়ে লুকাইয়া থাকে দুই বীরে ॥  
 সিংহনাদ ছাড়িল স্মগ্রীব বালি-দ্বারে ।  
 আকাশ ভাঙিয়া পড়ে যেন মহীধরে ॥  
 পাইয়া রামের বল স্মগ্রীব প্রবল ।  
 সিংহনাদে কাঁপাইল ধরা রসাতল ॥  
 সিংহনাদে ক্রমিল বানর রাজা বালি ।  
 সম্মুখে যাহারে দেখে তারে দেয় গালি ॥  
 বাহির হইয়া বালি চতুর্দিকে চায় ।  
 একা স্মগ্রীবেরে মাত্র দেখিবারে পায় ॥  
 বালি-স্মগ্রীবের যুদ্ধ লাগে ছড়াছড়ি ।  
 ছড়াছড়ি দুইজনে করে বেড়াবেড়ি ॥  
 বেড়াবেড়ি দুইজনে করে জড়াজড়ি ।  
 জড়াজড়ি দুইজনে করে মারামারি ॥  
 কেহ কারে নাহি পারে উভয়ে সোসর ।  
 দুইজনে মল্লযুদ্ধ একটি প্রহর ॥  
 স্মগ্রীব হইতে বালি দ্বিগুণ প্রথর ।  
 একটি চাপড়ে তারে করিল কাতর ॥  
 বালি বজ্রযুগ্মি যে মারিল তার বৃকে ।  
 অচেতন স্মগ্রীব শোণিত উঠে মুখে ॥  
 স্মগ্রীবেরে অচেতন দেখিয়া সম্মুখে ।  
 শ্রীরাম ঐষিক বাণ জুড়েন ধনুকে ॥  
 সশঙ্ক স্মগ্রীব প্রায় করে পলায়ন ।  
 আড়ে থাকি রাম বাণ করেন ক্ষেপণ ॥  
 দশ দিক আলো করি সেই বাণ ছুটে ।  
 বজ্রাঘাত-সম বাণ বালি-বৃকে ফুটে ॥

পড়িল সে বালিরাজ ইন্দের নন্দন ।  
 গায়ের ভূষণ খসে অঙ্গের বসন ॥  
 রণে পড়ে বালিরাজ শ্রীরামের বাণে ।  
 অন্তঃপুরে থাকি তাহা তারাদেবী শুনে ॥  
 বস্ত্র না সম্বরে রানী আলুয়িত কেশে ।  
 অঙ্গদেরে লয়ে যায় বালির উদ্দেশে ॥  
 বালির নিকটে তারা চলিল সত্বরে ।  
 স্বামীর দুর্গতি দেখি হাহাকার করে ॥  
 মূদিলে নয়ন নাথ ত্যজিয়া আমায় ।  
 তোমা বিনা অঙ্গদের না দেখি উপায় ॥  
 রাজ্যলোভে সুগ্রীব করিল হেন কাজ ।  
 কান্দাইল কিঙ্কিয়ার বিশিষ্ট-সমাজ ॥  
 এতেক বলিয়া কান্দে তারা কুশোদরী ।  
 তাহার ক্রন্দনে কান্দে কিঙ্কিয়া-নগরী ॥  
 বালক অঙ্গদ কান্দে মৃত্তিকা-শয়নে ।  
 পশুপক্ষী আদি কান্দে বালির মরণে ॥  
 থাকুক অন্তের কথা কান্দেন লক্ষ্মণ ।  
 শ্রীরাম সুগ্রীব দৌহে বিরস বদন ॥  
 তারা বলে রাম তব জন্ম রঘুকুলে ।  
 আমার স্বামীকে কেন বিনাশিলে ছলে ॥  
 সম্মুখে মারিতে যদি দেখিতে প্রতাপ ।  
 লুকায়ে মারিলে মনে পাই বড় তাপ ॥  
 শ্রীরাম তোমারে সবে বলে দয়াবান ।  
 ভালো দেখাইলে আজ তাহার প্রমাণ ॥  
 একেবাবে আমার করিলে সর্বনাশ ।  
 সুগ্রীবের প্রতি দয়া করিলে প্রকাশ ॥  
 প্রভু শাপ না দিলেন সদয় হৃদয় ।  
 আমি শাপ দিব তোমা ফলিবে নিশ্চয় ॥  
 সীতা উদ্ধারিবে রাম আপন বিক্রমে ।  
 সীতারে আনিবে ঘরে বহু পরিশ্রমে ॥  
 কিন্তু সীতা না রহিবে সদা তব পাশ ।  
 কিছুদিন থাকিয়া করিবে স্বর্গবাস ॥

কান্দাইলা যেইরূপ কিষ্কিন্দ্যা-নগরী ।  
 কান্দাইয়া তোমারে যাইবে স্বর্গপুরী ॥  
 সতীর বচন কভু না হয় খণ্ডন ।  
 যাহা বলি তাহা হবে নাহি বিমোচন ॥  
 কান্দিতে কান্দিতে তারা হইল বিহ্বল ।  
 তাহার ক্রন্দনে হয় সুগ্রীব বিকল ॥  
 শ্রীরাম বলেন মিত্র না করো বিষাদ ।  
 কারো দোষ নাহি দৈব পাড়িল প্রমাদ ॥  
 সম্বর হে শোক তুমি বানরের রাজ ।  
 দ্বরা করি করহ বালির অগ্নিকাজ ॥  
 রাজচতুর্দোলে নিয়া তুলিল বালিরে ।  
 সকলে লইয়া গেল পম্পানদী-তীরে ॥  
 চন্দনকাষ্ঠের চিতা করিল সে তীরে ।  
 বালিরাজে শোয়াইল তাহার উপরে ॥  
 অগ্নিকার্য বালির করিল বন্ধুগণ ।  
 তারার ক্রন্দন কত করিব বর্ণন ॥  
 রামনাম স্মরণেতে পাপের বিনাশ ।  
 রচিল কিষ্কিন্দ্যাকাণ্ড কবি কুন্তিবাস ॥

—

॥ সুগ্রীবের রাজ্য-প্রাপ্তি ও সীতা-অন্বেষণ ॥

শুভক্ষণে সুগ্রীব বসিল সিংহাসনে ।  
 চারিভিতে চামর ঢুলায় কপিগণে ॥  
 করিল অঙ্গদে যুবরাজ পাত্রগণ ।  
 রামজয় বলি ডাকে সব কপিগণ ॥  
 সীতার লাগিয়া রাম সদা ক্ষুব্ধ মন ।  
 বরিষা বধিতে যান গিরি মাল্যবান ॥  
 বরিষা হইল গত শরৎ-প্রবেশ ।  
 তথাপি না হইল জ্ঞানকীর-উদ্দেশ ॥  
 বলিল সুগ্রীব রাজ্য করিয়া আহ্বান ।  
 বানর-কটক কাঁট আনো হনুমান ॥

সর্বত্র ঘোষণা দেহ আমার আজ্ঞায় ।  
 যথা যে বানর থাকে আইসে ত্বরায় ॥  
 পাঠাও হে দূতগণে দেশ-দেশান্তর ।  
 দশ দিন মধ্যে যেন আইসে সত্বর ॥  
 জুড়িয়া আকাশ ভূমি কপি ঝাঁকে ঝাঁকে ।  
 দশ দিনে আইসে সকল থাকে থাকে ॥  
 কিস্কিন্দ্রায় প্রবেশ করিল কপিগণে ।  
 চলিল স্মগ্রীব রাজা মিত্র-সম্ভাষণে ॥  
 রামের চরণে বন্দে করিয়া প্রণতি ।  
 জোড়হাতে দাঁড়াইল স্মগ্রীব ভূপতি ॥  
 আদরে শ্রীরাম তারে করে আলিঙ্গন ।  
 নিকটে বসিতে দিব্য দিলেন আসন ॥  
 দুই মিত্র পর্বতে করেন সম্ভাষণ ।  
 আকাশ মেদিনী জুড়ি আসে কপিগণ ॥  
 পৃথিবী জুড়িল সৈন্য নাহি দিশপাশ ।  
 কটকের চাপ দেখি রামের উল্লাস ॥  
 শ্রীরামের ঠাই রাজা লয়ে অনুমতি ।  
 নানা দিকে পাঠাইল সৈন্য সেনাপতি ॥  
 নানা রূপে দুই মিত্রে প্রত্যহ সম্ভাষণ ।  
 হইতে হইতে প্রায় পূর্ণ এক মাস ॥  
 পশ্চিম উত্তর পূর্ব তিন দিক দেখে ।  
 আসিয়া সকলে কহে সবার সম্মুখে ॥  
 নানা গিরি ভ্রমিছে খুঁজিছে বহু দেশ ।  
 কোনো দেশে না পাইছে সীতার উদ্দেশ ॥  
 রঘুনাথ হইলেন শুনিয়া মূর্ছিত ।  
 তাঁহারে প্রবোধ দেয় স্মগ্রীব স্মৃৎ ॥  
 দক্ষিণ দিকেতে প্রভু রাবণের ঘর ।  
 সে দিকে গিয়াছে যত প্রধান বানর ॥  
 অঙ্গদ গিয়াছে আর মন্ত্রী জাম্বুবান ।  
 কার্য-সম্পাদক সঙ্গে বীর হনুমান ॥  
 তব কার্যে হনুমান বড়ই তৎপর ।  
 অবশ্য হইবে সীতা তাহার গোচর ॥

স্থির হইলেন রাম রাজার আশ্বাসে ।  
 রচিলা কিষ্কিন্ধ্যাকাণ্ড কবি কৃতিবাসে ॥  
 তিন দিকে বিফল হইল অন্বেষণ ।  
 দক্ষিণ দিকের কথা শুনহ এখন ॥  
 দক্ষিণেতে যত ঠাট করিল প্রয়াস ।  
 বিষ্ণুগিরি অশ্বেষিতে গেল এক মাস ॥  
 গরুড়ের সন্তান বিখ্যাত পক্ষীজাতি ।  
 বৈসে বিষ্ণুপর্বতের শিখরে সম্প্রতি ॥  
 বানর-কটক মাথা তুলি উর্ধ্বে দেখে ।  
 অনুমান করে এই থাইবে সবাকৈ ॥  
 অঙ্গদ উঠিয়া বলে শুন হনুমান ।  
 আমার বচন তুমি করো অবধান ॥  
 সীতার উদ্দেশে আইলাম সর্বজন ।  
 সীতা লাগি হারাইব নিদেশে জীবন ॥  
 কোন্‌জন না করিল শ্রীরামের কাজ ।  
 সীতা লাগি মারিল জটায়ু পক্ষীরাজ ॥  
 প্রাণ দিল পক্ষীরাজ করিয়া সমর ।  
 অনায়াসে স্বর্গে গেল গরুড়-কোঙর ॥  
 সম্প্রতি বলেন কে জটায়ু-মৃত্যু কহে ।  
 সোদরের মৃত্যু শুনি মম প্রাণ দহে ॥  
 বিধির বিপাকে পাখা পুড়িয়া বিনাশ ।  
 উড়িয়া যাইতে নারি তোমাদের পাশ ॥  
 কপিগণ বলে পক্ষী বড়ই সেরান ।  
 নিকটে আসিতে চাহে লইতে পরান ॥  
 নড়িতে চড়িতে নারে জরাতে দুর্বল ।  
 সম্মুখে পাইলে গিলিবেক করি ছল ॥  
 হনুমান বলে ভাই অবশ্য মরণ ।  
 এ বৃদ্ধ পক্ষীকে আমি জিজ্ঞাসি কারণ ॥  
 হনুর বচনে সবে দিল অনুমতি ।  
 আনিলেন ধরাধরি করিয়া সম্প্রতি ॥  
 অঙ্গদ বলেন তোমা দেখে পাই ভয় ।  
 সত্য কহ পক্ষীরাজ বৃত্তান্ত নিশ্চয় ॥

## সহজ কুন্তিবাসী রামায়ণ

রাবণের কোন্ দেশ কোথা তার ঘর ।  
তার দেশে যেতে কত যোজন সাগর ॥  
পক্ষীরাজ বলে আমি হই গৃধ্রজাতি ।  
পূর্বেতে দক্ষিণ দিকে ছিল মোর গতি ॥  
যখন দক্ষিণ দিকে মাথা তুলে থাকি ।  
অশোকের বনে দেখি সীতা চন্দ্রমুখী ॥  
নানাবর্ণ রাক্ষসী সীতারে করে রক্ষা ।  
শত যোজনের পথ সাগর-পরিখা ॥  
এক লাফে পার হও সকল বানর ।  
সীতাদেবী দেখিয়া সকলে যাও ঘর ॥  
মহাবল ধরো সব কি কর ভাবনা ।  
হইয়া সাগর পার পূরাও কামনা ॥  
তার বাক্যে বানর দক্ষিণ মুখে চায় ।  
দশ যোজন বিনা আর দেখিতে না পায় ॥  
দেখিয়া বানরগণে লাগে চমৎকার ।  
রামজয় স্মরণে সাগর হব পার ॥  
কুন্তিবাস রচে কবি অমৃতের ভাণ্ড ।  
সমাপ্ত হইল এই কিষ্কিন্ধ্যার কাণ্ড ॥



## সুন্দরাকাণ্ড

॥ হুমুয়ানের লকাবাজা ॥

শত যোজন সাগর আড়ে পরিসর ।  
 অঙ্গদ কটক-সহ হন অগ্রসর ॥  
 তর্জন গর্জন করে ছাড়ে সিংহনাদ ।  
 সাগরের ঢেউ দেখি গণিল প্রমাদ ॥  
 তমোময় দেখা যায় গগনমণ্ডল ।  
 হিল্লোল কল্লোল করে সমুদ্রের জল ॥  
 সিন্ধুজলে জলজন্তু কলরব করে ।  
 জলেতে না নামে কেহ মকরের ডরে ॥  
 জোড়হাতে দাঁড়াইল অঙ্গদের আগে ।  
 অঙ্গদ কহিছে বার্তা শুন বীরভাগে ॥  
 সাগর তরিতে কেবা আছে সেনাপতি ।  
 দেখাইয়া বিক্রম রাখহ নিজ খ্যাতি ॥  
 জাম্বুবান বলে ছাড় জঞ্জাল বচন ।  
 যে সাগর লজ্জিবে তা করহ শ্রবণ ॥  
 অভিমানে মৌনভাবে বীর হুমুমান ।  
 কটকের মধ্যে আছে নকুলপ্রমাণ ॥  
 জাম্বুবান বলে বাছা তুমি মহাবল ।  
 রামকার্য করো বাছা কেন করো ছল ॥  
 অঙ্গদ বলেন ভালো স্ত্রী জাম্বুবান ।  
 কোন্ গুণ নাহি ধরে বীর হুমুমান ॥



কথা শুনি বায়ুপুত্র প্রসন্ন হৃদয় ।  
 উঠি দাঁড়াইল বলি রাম জয় জয় ॥  
 যুবরাজ অঙ্গদেৱে করি আলিঙ্গন ।  
 বন্দনীয় সর্বজনে করিল বন্দন ॥  
 দাঁড়ায় দক্ষিণমুখে লজ্জিতে সাগর ।  
 শ্রীরামচন্দ্রের পদে রাখিয়া অন্তর ॥  
 গুণপাত্র বায়ুপুত্র সিদ্ধ লজ্জিবারে ।  
 করি লীলা বাড়াইল আপন কায়ারে ॥  
 মহাবীর হয়ে স্থির উচ্চ কণ্ঠ করি ।  
 মহাদম্ভে দিল লক্ষ্মী শ্রীরাম ফুকারি ॥  
 এইমতে আকাশেতে চলিল বানর ।  
 প্রেমভরে চিত্ত করে রামে বীরবর ॥  
 কিছু দূর হইতে লক্ষ্য করি নিরীক্ষণ ।  
 মনে মনে ভাবিছেন পবননন্দন ॥  
 হেন মহাদেহ যদি প্রবেশি এ লক্ষ্য ।  
 তবে সকলেতে মোরে করিবেক শঙ্ক ॥  
 অতএব ক্ষুদ্রমূর্তি হয়ে প্রবেশিব ।  
 উচিত সময়ে নিজ কার্য সমাধিব ॥

—

। হনুমানের লক্ষ্য প্রবেশ । সীতার সন্ধান ॥  
 এইরূপে গেল বীর লক্ষ্য ভিতর ।  
 কত স্থানে কত দেখে বর্ণিতে বিস্তর ॥  
 কাঞ্চন রজত মণি স্ফটিকে নির্মাণ ।  
 পুরীশোভা দেখিয়া বিস্মিত হনুমান ॥



অস্ত গেল ভানুমান বেলা অবসান ।  
 মধ্য-গড়ে প্রবেশ করিল হনুমান ॥  
 কোনো স্থানে সীতার না পাইয়া উদ্দেশ ।  
 রাজ-অন্তঃপুরে বীর করিল প্রবেশ ॥  
 অন্তঃপুরে সীতার না পাইয়া উদ্দেশ ।  
 আর ঘরে গিয়া হনু করিল প্রবেশ ॥  
 সেখানে সীতার না পাইল দরশন ।  
 প্রাচীরে বসিয়া ভাবে পবননন্দন ॥  
 এ লক্ষ্য হইতে নাহি করিব গমন ।  
 এই লক্ষ্যপুরে আমি ত্যজিব জীবন ॥  
 কাঁদিতে কাঁদিতে বীর করে নিবীক্ষণ ।  
 নানাবর্ণপুষ্পযুক্ত অশোককানন ॥  
 পিকগণ কুহরে ঝংকারে অলিগগ ।  
 প্রাচীরে বসিয়া বীর ভাবে মনে মন ॥  
 অন্বেষণ করিতে হইল এই বন ।  
 এখানে যতপি পাই সীতার দর্শন ॥  
 পুছিয়া নেত্রের জল হইল সুস্থির ।  
 প্রবেশিলা অশোককাননে মহাবীর ॥  
 শিশপার বৃক্ষ বীর দেখে উচ্চতর ।  
 লাফ দিয়া উঠিলেন তাহার উপর ॥  
 বৃক্ষেতে উঠিয়া বীর নেহারে কানন ।  
 নানাবর্ণ বৃক্ষ দেখে অতি সুশোভন ॥  
 চেড়ী সব দেখে তথা অঙ্গ ভয়ংকর ।  
 পর্বতপ্রমাণ হাতে লোহার মুদগর ॥  
 নানা অস্ত্র ধরিয়াছে খাঁড়া ঝিকিঝিকি ।  
 চেড়ী সব ঘেরিয়াছে সুন্দরী জানকী ॥  
 গায়ে মলা পড়িয়াছে মলিনা দুর্বলা ।  
 দ্বিতীয়ার চন্দ্র যেন দেখি হীনকলা ॥  
 দিবাভাগে যেন চন্দ্রকলার প্রকাশ ।  
 শ্রীরাম বলিয়া সীতা ছাড়েন নিশ্বাস ।  
 শ্রীরাম বলিয়া সীতা করেন ক্রন্দন ।  
 সীতাদেবী চিনিলেন পবননন্দন ॥

বৃক্ষডালে হনুমান সীতা ভূমিতলে ।  
 কি বলিয়া সম্ভাষিবে মনে যুক্তি বলে ॥  
 বলিলে রামের দূত না যাবে প্রত্যয় ।  
 আমার কারণে হবে তুংখ অতিশয় ॥  
 সাত-পাঁচ হনুমান ভাবেন আপনি ।  
 আপনা-আপনি কহে শ্রীরামকাহিনী ॥  
 মাথা তুলি সীতাদেবী সে গাছ নেহালে ।  
 বিঘতপ্রমাণ কপি দেখেন সে ডালে ॥  
 সীতা হনুমান দৌহে হইল দর্শন ।  
 জোড়হাতে মাথা নোয়ায় পবননন্দন ॥  
 জানকী বলেন বিধি বিগুণ আমায় ।  
 রাবণের দূত বুঝি আমারে ভুলায় ॥  
 হনু বলে চর বলি না করিয়ো ভয় ।  
 স্বরূপে রামের চর জানিয়ো নিশ্চয় ॥  
 আমার বচন যদি না হয় প্রত্যয় ।  
 রামের অঙ্গুরি দেখো হইবে নিশ্চয় ॥  
 অঙ্গুরি দেখায় তারে পবননন্দন ।  
 অনিমিষে জানকী করেন নিরীক্ষণ ॥  
 রামের অঙ্গুরি দেখি হইল বিশ্বাস ।  
 হস্ত পাতি লইলেন জানকী উল্লাস ॥  
 জানকী বলেন তুমি শ্রীরামের চর ।  
 আমার বরেতে তুমি হইবে অমর ॥  
 অগ্নিতে পুড়িবে নাহি অস্ত্রে না মরিবে ॥  
 রণে বনে তব রক্ষা শংকরী করিবে ॥  
 রামের অঙ্গুরি পেয়ে সীতাদেবী কান্দে ।  
 বৃকে বুলাইল সীতা শিরে করি বন্দে ॥  
 রাম হেন পতি যার আছে বিদ্যমান ।  
 রাক্ষসে তাহার করে এত অপমান ॥  
 দুই মাস রাবণ দিয়াছে প্রাণদান ।  
 অতঃপর কাটিয়া করিবে খান্ খান্ ॥  
 শুনিয়া সীতার এই করুণ বচন ।  
 নেত্রনীরে ভিজ়ে বীর পবননন্দন ॥

হনুমান বলে শুন জনক-নন্দিনী ।  
 না কর ক্রন্দন মাতা সশ্বর আপনি ॥  
 নিদর্শন দেহ কিছু যাইব হুরিতে ।  
 মাসেকের মধ্যে ঠাট আনিব লঙ্কাতে ॥  
 মাথা হতে সীতা খসাইয়া দেন মণি ।  
 মণি দিয়া তার ঠাঁই কহেন কাহিনী ॥  
 মাসেকের মধ্যে যদি করহ উদ্ধার ।  
 তোমার কল্যাণে সীতা জীয়ে এইবার ॥  
 অনন্তর মস্তকে বাঁধিয়া শিরোমণি ।  
 দেশেতে চলিল বীর করিয়া মেলানি ॥  
 মেলানি করিয়া বীর দেশেতে আইসে ।  
 মনে সাত-পাঁচ বীর হনুমান ভাষে ॥  
 রামের কিংকর যাব সাগরের পার ।  
 রাবণেরে কিঞ্চিৎ দেখাই চমৎকার ॥  
 জন্মাই সীতার হর্ষ রাবণের ত্রাস ।  
 স্বর্ণলঙ্কাপুরী আজি করিব বিনাশ ॥  
 এত ভাবি হনু কহে শুনহ বচন ।  
 দেখাইয়া দেহ মাতা অমৃতের বন ॥  
 দেখান অঙ্গুলি দিয়া সীতা সেই বন ।  
 বৃক্ষতলে নিদ্রা যায় রাক্ষসের গণ ॥  
 ফল-ফুল খায় বীর ছিঁড়ে আর পাতা ।  
 উপাড়িয়া ফেলে গাছ কোথা বৃক্ষলতা ॥  
 ডাল ভাঙে হনুমান শব্দ মড়মড়ি ।  
 আতঙ্কে রাক্ষস সব উঠে দড়বড়ি ॥  
 উঠিয়া রাক্ষসগণ চারি দিকে চায় ।  
 অমৃতের বন দেখে কিছু নাহি তায় ॥  
 নানা অস্ত্র ঝগড়া শেল মুষল মুদগর ।  
 বহু অস্ত্র মারে তারা হনুর উপর ॥  
 কুপিলেন হনুমান পবননন্দন ।  
 সবায় উপরে করে গাছ বরিষন ॥  
 ভাঙিল অশোকবন বড় বড় ঘর ।  
 ত্রাসে বার্তা কহে গিয়া রাবণ-গৌচর ॥

কুপিল রাবণরাজ্য চেড়ীদের বোলে ।  
 ঘৃত দিলে অগ্নিতে যেমন আর জ্বলে ॥  
 অক্ষ নামে রাজপুত্র করে বীরদাপ ।  
 বানরে মারিতে তবে আজ্ঞা দিল বাপ ॥  
 কটকের পদভরে কাঁপিছে মেদিনী ।  
 কুমার অক্ষের ঠাট পাঁচ অক্ষৌহিনী ॥  
 কোপে অক্ষ বাণ ফেলে হনুর উপর ।  
 বাণ ফুটে হনুমান হইল জর্জর ॥  
 লাফ দিয়া হনুমান তার রথে চড়ে ।  
 রথখান গুঁড়া করে একটি চাপড়ে ॥  
 দুই পা ধরিয়া অক্ষে মাঝিল আছাড় ।  
 ভাঙিল মাথার খুলি চূর্ণ হল ঠাড় ॥  
 যুদ্ধ জিনি বসে বীর প্রাচীর-উপর ।  
 কুমার পড়িল বার্তা শুনে লঙ্কেশ্বর ॥  
 শুনিয়া রাবণ রাজা লাগিল ভাবিতে ।  
 যুঝিবারে কহিল কুমার ইন্দ্রজিতে ॥  
 বসিয়াছে হনুমান প্রাচীর-উপর ।  
 সৈন্য-সহ ইন্দ্রজিত গেলেন সত্বর ॥  
 রণেতে পণ্ডিত বীর জানে নানা সন্ধি ।  
 এড়িলেন পাশ-অস্ত্র হনু হয় বন্দী ॥  
 প্রাচীর হইতে বীর পড়িল ভূতলে ।  
 বলে পারি পাশ-অস্ত্র ছিঁড়িবাবে বলে ॥  
 পাশ-অস্ত্র ছিঁড়িবারে নাহি লয় মনে ।  
 রাবণের সঙ্গে দেখা করিব কেমনে ॥  
 রাক্ষসেরে আজ্ঞা দিল বীর ইন্দ্রজিত ।  
 বাপের আগেতে লহ বানরে ত্বরিত ॥  
 আপন ইচ্ছায় গেল পবননন্দন ।  
 প্লাত্মমিত্র সহ যথা বসেছে রাবণ ॥  
 যত মনে আসে গালি দিল সে রাবণে ।  
 লেজ পোড়াইতে আজ্ঞা করে দশাননে ।  
 জানকীর বরে অগ্নি নাহি লাগে গায় ।  
 লেজে অগ্নি দিতে বীর চারি দিকে চায় ।





কারো প্রাণ লয় মারি লাঙুলের বাড়ি ।  
 লেজের অগ্নিতে কারো দন্ধে গোফ-দাড়ি ॥  
 পলায় রাক্ষস সব উলটি না চাহে ।  
 হাতে গাছ হনুমান রাজদ্বারে রহে ॥  
 মহাবীর হনুমান চারি দিকে চায় ।  
 লঙ্কাপুরী পোড়াইতে চিন্তিল উপায় ॥  
 মেঘেতে বিদ্যুৎ যেন লেজে অগ্নি জ্বলে ।  
 লাফ দিয়া পড়ে বীর বড় ঘরের চালে ॥



উনপঞ্চাশৎ বায়ু হয় অধিষ্ঠান ।  
 ঘরে ঘরে লাফ দিয়া ভ্রমে হনুমান ॥  
 এক ঘরে অগ্নি দিতে আর ঘর জ্বলে ।  
 কে করে নির্বাণ তার কেবা কারে বলে ॥  
 স্বর্ণময় লঙ্কাপুরী তিলেকেতে পোড়ে ।  
 রাজঘর পাত্তঘর কিছু নাহি ওড়ে ॥  
 সব লঙ্কা পোড়াইয়া করে ছারখার ।  
 লঙ্কার সকল প্রাণী করে হাহাকার ॥  
 পুড়িয়া মরিল কত রাক্ষস-রাক্ষসী ।  
 কুন্তিবাস রচে লঙ্কা হয় ভস্মরাশি ॥



॥ রামের নিকটে হনুমানের পুনরাগমন ॥

সীতার মস্তকমণি রামের সন্দেশ ।  
 মেলানি পাইয়া হনু চলিলেন দেশ ॥  
 পর্বতে উঠিয়া বীর সাগর নেহালে ।  
 এক লাফে উঠে বীর গগনমণ্ডলে ॥  
 পবনগমনে বীর আইসে সত্ত্বর ।  
 চক্ষুর নিমিষে আইল অধৈর্য সাগর ॥  
 দূর হতে পর্বতেরে নমস্কার করে ।  
 পার হয়ে রহে বীর পর্বতশিখরে ॥  
 হনুমানে দেখিবারে আইল বানর ।  
 বলে ধন্য ধন্য বীর পবন-কোঙর ॥  
 আগে মাথা নোয়াইল কুমার অঙ্গদে ।  
 জাম্বুবান আদি বন্দে পরম আচ্ছাদে ।  
 অঙ্গদ-গোচরে তবে কহে হনুমান ।  
 লঙ্কায় পাইলু আমি সীতার সন্ধান ॥  
 আগে বহু কষ্ট ইষ্টসিদ্ধি হয় শেষে ।  
 চলহ রামের ঠাই কহিব বিশেষে ॥  
 শুনিয়া অঙ্গদ বীর হাসে মহোল্লাসে ।  
 বানর-কটক-সহ চলে নিজদেশে ॥  
 সকল ঠাটের আগে বীর হনুমান ।  
 শ্রীরামের ঠাই যায় পর্বত-প্রমাণ ॥  
 শ্রীরাম-চরণে বীর করি প্রণিপাত ।  
 নিবেদন করে বীর জোড় করি হাত ॥  
 একশত যোজন সে সাগর পাথার ।  
 অনেক কষ্টেতে আমি হইলাম পার ॥  
 অঙ্ককারে করিলাম লঙ্কায় প্রবেশ ।  
 রাজ-অন্তঃপুরে না পাইলাম উদ্দেশ ॥  
 ছই প্রহর রাত্রি গতে তৃতীয় প্রহরে ।  
 অশোকবনের মধ্যে দেখিছু সীতারে ॥  
 তোমার অঙ্গুরি তাঁরে করাই দর্শন ।  
 অঙ্গুরি পাইয়া সীতা করেন রোদন ॥

মেলানি পাইয়া আমি যবে দেশে আসি ।  
 মনে করিলাম কিছু বিক্রম প্রকাশি ॥  
 ভাঙিলাম মনোহর অমৃতকানন ।  
 বহু শত রাক্ষসের বধিহু জীবন ॥  
 লঙ্কা পোড়াইয়া করিলাম ছারখার ।  
 কতক হইল ভস্ম কতক অঙ্গার ॥  
 আমারে দেখিয়া সীতা হর্ষিত বিশেষ ।  
 সর্ব কার্য সিদ্ধ করি আইলাম দেশ ॥  
 দেখিহু শুনিহু যত কহিহু কাহিনী ।  
 লও রঘুমণি তাঁর মন্তকের মণি ॥  
 রামহস্তে মণি দিল পবননন্দন ।  
 মণি দেখি রঘুমণি করেন ক্রন্দন ॥  
 শ্রীরাম বলেন ধন্য ধন্য হনুমান ;  
 ত্রিভুবনে বীর নাহি তোমার সমান ॥  
 অথ কি প্রসাদ দিব লহ আলিঙ্গন ।  
 ইহা বলি কোল দেন কমললোচন ॥  
 পবনপুত্রের কথা শুনি হরষিত ।  
 শুভযাত্রা করিলেন শ্রীরাম হরিত ॥  
 চলিল বানর-ঠাট নাহি দিশপাশ ।  
 কটক জুড়িয়া যায় মেদিনী আকাশ ॥  
 কিল কিল শব্দ করি কপিগণ চলে ।  
 উত্তরিল গিয়া সবে সাগরের কূলে ॥  
 সেই স্থানে রহিলেন শ্রীরাম-লক্ষ্মণ ।  
 চরমুখে নিত্য বার্তা পায় দশানন ॥  
 নিকষা নামেতে বুড়ি রাবণের মা ।  
 বিপদ শুনিয়া তার ত্রাসে কাঁপে গা ॥  
 আসিয়া কহিছে বুড়ি বিভীষণ-প্রতি ।  
 শুন পুত্র তুমি তো ধার্মিক শুদ্ধমতি ॥  
 রাবণ তপের ফলে এত সুখ ভুঞ্জে ।  
 আনিয়া রামের সীতা সবংশে বা মজে ॥  
 অবোধে বুঝাও যেন রাম না বাছড়ে ।  
 যাবৎ রামের বাণে লঙ্কা নাহি পুড়ে ॥

মাতৃবাক্যে বিভীষণ চলিল সত্বর ।  
 পাত্রমিত্র সহ যথা আছে লঙ্কেশ্বর ॥  
 কৃতাজ্জলি হইয়া কহেন বিভীষণ ।  
 সভাস্থ সকলে তাহা করেন শ্রবণ ॥  
 অনেক তপের ফলে এ-সব সম্পদ ।  
 রামের প্রভাবে ভাই ঘটিবে আপদ ॥  
 যতদিন সীতারে আনিলে লঙ্কাপুর ।  
 ততদিন দেখি ভাই কুশ্পন্ন প্রচুর ॥  
 বিবিধ উপপাত ভাই দেখি সদাকাল ।  
 রামচন্দ্র অতি বীর বিক্রমে বিশাল ॥  
 রাবণ ভ্রাতার বাক্য না শুনিল কানে ।  
 মন্ত্ৰণা করিতে ছুষ্ট মন্ত্ৰিগণে আনে ॥  
 রাবণ বলিছে মন্ত্ৰী যুক্তি করো সার ।  
 কি প্রকারে রাঘবেরে করিব সংহার ॥  
 হাতে ধরি বিভীষণ কহে জনে জনে ।  
 স্থির হও স্থির হও শুন বীরগণে ॥  
 এ সবার বাক্যে ভাই না করিয়ো ভর ।  
 হিতবাক্য বলি ভাই শুন লঙ্কেশ্বর ॥  
 সীতা পাঠাইয়া দিলে থাকিবে নির্ভয় ।  
 সীতারে রাখিলে ভাই জীবন-সংশয় ॥  
 কোন্ কার্ষে মজাইতে চাহ লঙ্কাপুরী ।  
 পাঠাইয়া দেহ সীতা রামের সুন্দরী ॥  
 এত যদি বিভীষণ রাবণেরে বলে ।  
 কুপিয়া রাবণ রাজা অগ্নি-হেন জ্বলে ॥  
 মানুষ বেটার ভয়ে কাঁপে বিভীষণ ।  
 হেন ভাই না রাখিব আপন ভবন ॥  
 তবে সেট দশানন মহাবেগে চলে ।  
 পদাঘাত কৈল বিভীষণ-বক্ষঃস্থলে ॥  
 বিভীষণ ক্ষণকাল করি বিবেচন ।  
 পুনর্বীর রাবণেরে কহেন বচন ॥  
 মহারাজ করিলে যে কর্ম-আচরণ ।  
 ইহাতে দুঃখিত কিছু নহে মোর মন ॥

ঐশ্বর্য-মদেতে মত্ত যারা অতিশয় ।  
 তাহাদের এইরূপ ছঃস্বভাব হয় ॥  
 একমাত্র খেদ এই রহি গেল মনে ।  
 সমুদয় কুল গেল তোমার দূষণে ॥  
 এত কহি রাবণেরে করিয়া বন্দন ।  
 উঠিয়া আকাশপথে চলে বিভীষণ ॥

—

॥ বিভীষণের সহিত রামচন্দ্রের মিত্রতা ॥  
 আকাশে রামের পাশে যায় বিভীষণ ।  
 সাগরকূলেতে থাকি দেখে কপিগণ ॥  
 মহাবল পরাক্রম দেখিতে ভীষণ ।  
 সবে বলে মার মার এই তো রাবণ ॥  
 অন্তরীক্ষে থাকি বলে আমি বিভীষণ ।  
 রামের চরণে আমি লভিব শরণ ॥  
 শ্রীরাম বলেন শুন সুগ্রীব ভূপতি ।  
 অণু মত না ভাবিয়ে বিভীষণ-প্রতি ॥  
 বিভীষণ থাক্ যদি আইসে রাবণ ।  
 হইলে শরণাগত করিব পালন ॥  
 রামের আজ্ঞায় কপি গেল অন্তরীক্ষে ।  
 বিভীষণে আনিবারে রামের সমক্ষে ॥  
 বিভীষণ সুগ্রীব চলিল রাম-স্থানে ।  
 বিভীষণ পড়ে গিয়া শ্রীরাম-চরণে ॥  
 রাবণের ভাই আমি নাম বিভীষণ ।  
 তোমার চরণে আমি লইছু শরণ ॥  
 শ্রীরাম বলেন আনো সাগরের বারি ।  
 লঙ্কার রাজত্ব দেই বিভীষণোপরি ॥  
 শ্রীরামের আজ্ঞা যেন পাষাণের রেখ ।  
 সেই স্থলে বিভীষণে করে অভিষেক ॥  
 শ্রীরামের বচন লজ্জিবে কোন্ জন ।  
 বিভীষণ রাজা হল জগতে ঘোষণ ॥

শ্রীরাম বলেন বিভীষণ বলো সার ।  
 কি প্রকারে সাগর হইব আমি পার ॥  
 বিভীষণ বলে যে সগর মহীপতি ।  
 সাগর খনিলা তুমি তাঁহার সন্ততি ॥  
 তব পূর্বপুরুষেরা সাগর প্রকাশে ।  
 সাগর দিবেন দেখা থাকো উপবাসে ॥



তিন দিন উপবাসে না দেখি সাগরে ।  
 কহে লক্ষ্মণে রাম ক্রোধিত অন্তরে ॥  
 আজি আমি সাগরেরে দিব ভালো শিক্ষা ।  
 ধনুর্বাণ আনো ভাই কিসের অপেক্ষা ॥  
 আজি সাগরের আমি লইব পরান ।  
 অগ্নিজ্বাল বাণ রাম পূরেন সন্ধান ॥  
 ভয় পেয়ে সাগর কাঁপয়ে থরোথর ।  
 সাগর পড়িল আসি চরণ-উপর ॥  
 এত ক্রোধ মোরে কেন কর গদাধর ।  
 তব পূর্ববংশ এই করিল সাগর ॥  
 শ্রীরাম বলেন শুন নৃপতি সাগর ।  
 মোর সীতা চুরি কৈল রাবণ পামর ॥  
 লঙ্কায় যাইব তার উদ্দেশ-কারণ ।  
 সেহেতু তোমারে চাই করিতে বন্ধন ॥  
 এত শুনি জোড়হস্তে বলেন সাগর ।  
 মোর জল মিশিয়াছে পাতাল-ভিতর ॥  
 তোমার কটকে আছে নল বীরবর ।  
 নলের পরশে জ্বলে ভাসয়ে পাথর ॥

গাছ পাথর জোড়া লাগে পরশে তাহার ।  
জাঙ্গাল বান্ধিয়া রাম হয়ে যাও পার ॥  
তোমার কারণ আমি হইব বন্ধন ।  
পার হয়ে বধ করে পাপিষ্ঠ রাবণ ॥  
বিদায় করহ আমি যাই নিজ স্থান ।  
এত বলি পদতলে করিল প্রণাম ॥

---

॥ নল কর্তৃক সাগর-বন্ধন ॥

শ্রীরাম বলেন নল কহি যে তোমারে ।  
তুমি-হেন বীর আছ কটক-ভিতরে ॥  
সাগর বান্ধিতে তুমি হও বলবান ।  
এত দুঃখ পাই আমি তোমা-বিজ্ঞমান ॥  
শ্রীরামে প্রণাম করি নলবীর চলে ।  
সাগর বান্ধিতে বীর বসে গিয়া জলে ॥  
আছিল নলের বন সাগরের তীরে ।  
তাহা ভাঙি ফেলে দিল জলের উপরে ॥  
তাহার উপরে গাছ দিল বিছাইয়া ।  
উপরে পাথর সব দিল চাপাইয়া ॥  
পর্বত যোগায় আনি পবননন্দন ।  
নল বীর বসি করে সাগর বন্ধন ॥  
মাসেকে সাগর নল করিল বন্ধন ।  
কৃতিবাস গাইলেন গীত রামায়ণ ॥

---

॥ রামের লঙ্কায় প্রবেশ ॥

জাঙ্গাল সমাপ্ত করি নলবীর চলে ।  
প্রণাম করিল গিয়া রামপদতলে ॥  
শ্রীরাম বলেন শুন মিত্র কপিরাজ ।  
জাঙ্গাল দেখিতে চলো সাগরের মাঝ ॥

শ্রীরাম চলিলা তবে সহিত লক্ষ্মণ ।  
 পশ্চাতে সুগ্রীব রাজা আর বিভীষণ ॥  
 দক্ষিণ চাপিয়া চলে মন্ত্রী জাহ্নুবান ।  
 আগে আগে ধাইয়া চলিল হুম্মান ॥  
 চলিল অঙ্গদ বীর লয়ে সেনাগণ ।  
 এক চাপে চলে ঠাট মেঘের গর্জন ॥  
 রামজয় বলি সবে ছাড়ে সিংহনাদ ।  
 শুনিয়া রাক্ষসগণ গণিল প্রমাদ ॥  
 পার হয়ে লঙ্কায় উঠিল নারায়ণ ।  
 রামজয় বলি ডাকে যত কপিগণ ॥  
 কৃষ্ণিবাস পণ্ডিতের কবিত্ব-বচন ।  
 সুন্দরাকাণ্ডে গান গীত রামায়ণ ॥

—



## লঙ্কাকাণ্ড

॥ বানর-সৈন্য কর্তৃক লঙ্কা অবরোধ ॥

পোহাইতে আছে অল্প যখন রজনী ।  
 হেনকালে লঙ্কা বেড়িলেন রঘুমণি ॥  
 পাইয়া সুগ্রীব শ্রীরামের অনুমতি ।  
 চারি দ্বারে রাখিল বানর সেনাপতি ॥  
 সুগ্রীব বলেন নীল তুমি সেনাপতি ।  
 লঙ্কায় যুঝিতে তব প্রথম আরতি ॥  
 বাছিয়া বানর লহ রণেতে প্রধান ।  
 ভালোমতে রাখো গিয়া পূর্বদ্বার খান ॥  
 সুগ্রীব বলেন হে অঙ্গদ যুবরাজ ।  
 তোমার অধীন সর্ব বানর-সমাজ ॥  
 বাছিয়া কটক তুমি লহ সারাংশার ।  
 ভালোমতে রাখো গিয়া দক্ষিণের দ্বার ॥  
 দক্ষিণে অঙ্গদ গেল হয়ে হরষিত ।  
 ডাক দিয়া হনুমানে আনিল স্বরিত ॥  
 সুগ্রীব বলেন শুন বীর হনুমান ।  
 পশ্চিমের দ্বার রক্ষা করো সাবধান ॥  
 যেখানে থাকেন রাম-লক্ষণ হু ভাই ।  
 সাবধান হয়ে তুমি থাকিবে তথাই ॥



উত্তরে কাহারে দিয়া না হয় প্রভীত ।  
 আপনি সুগ্রীব রহে বানর-সহিত ॥  
 সাগরের কূলেতে যে বানরের ঘর ।  
 জাগ্রাল বহিয়া পাছে পলায় বানর ॥  
 অগণন সেনাপতি পাত্ৰমিত্র লয়ে ।  
 রহিল সুগ্রীব রাজা উত্তর চাপিয়ে ॥  
 ঔষধ আনিতে রহে বীর হুম্মান ।  
 মজ্জণা-কর্মেতে থাকে মন্ত্রী জাম্বুবান ॥  
 প্রহরী হইয়া থাকে দ্বারে বিভীষণ ।  
 চারি দ্বারে সুগ্রীব বেড়ায় ঘনে ঘন ॥  
 যেই দ্বারে সুগ্রীব দেখেন হীন বল ।  
 ছুনা করি দেন সৈন্ত সমরে অটল ॥

—

॥ অঙ্গদ রায়বার ॥

পঞ্চদিন উভয় সৈন্তের সমাবেশ ।  
 পরস্পর কেহ কারে নাহি করে ঘেষ  
 বিভীষণ-সহ রাম যুক্তি করি সার ।  
 অঙ্গদে ডাকিয়া তবে কন সমাচার ॥  
 শ্রীরাম বলেন শুন হে অঙ্গদ বলী ।  
 রাবণ রাজারে কিছু দিয়া এসো গালি ॥  
 বার বার বন্দিয়া সে রামের চরণ ।  
 রাবণে ভৎসিতে যায় বালির নন্দন ॥  
 লঙ্কাপুরী গেল বীর হরিতগমন ।  
 পাত্ৰমিত্র লয়ে যথা বসেছে রাবণ ॥  
 নানা যুক্তি লঙ্কাপতি করিতেছে বসে ।  
 হেনকালে অঙ্গদ বীর উত্তরিল এসে ॥  
 প্রকাণ্ড শরীর তার মন্দ মন্দ গতি ।  
 পূর্বাচল হতে যেন এল দিনপতি ॥  
 আকাশে দেউটি যেন ছুই চক্ষু জলে ।  
 বীরের মস্তক ঠেকে গগনমণ্ডলে ॥

রাবণের সেনাপতি দ্বারে ছিল যারা ।  
 অঙ্গদের অঙ্গ দেখে ভঙ্গ দিল তারা ॥  
 যেখানে রাবণ রাজা বসেছে দেওয়ানে ।  
 লক্ষ্ম দিয়া বীর গিয়া বসে মধ্যখানে ॥  
 বড় বড় বীর ছিল রাবণের কাছে ।  
 অঙ্গদের অঙ্গ দেখে চুপ করে আছে ॥  
 রাবণ বলে বানরা শোন্ তোবে বলি ।  
 কোথা হতে মরিবারে লক্ষাপুবে এলি ॥  
 কে তোরে পাঠায়ে দিল মরিবার তরে ।  
 বনের বানর কেন রাক্ষসের ঘরে ॥  
 কি নাম কাহার পুত্র কোন্ দেশে বাস ।  
 ভয় নাই না মারিব সত্য কহো ভাষ ॥  
 অঙ্গদ বলে ভয়ে তোর থরথরায়ে কাঁপি ।  
 এখন এত ধর্মকথা মরু বেটা পাপী ॥  
 পড়ে কি না পড়ে মনে হল অনেক দিন ।  
 হাত বুলায়ে দেখ্ গলে আছে লেজের চিন ॥  
 বালিরাজ-সুত আমি শ্রুগ্ৰীবের চর ।  
 অঙ্গদ নাম ধরি আমি রামের কিঙ্কর ॥  
 রাম কে জানিস নাই আনলি সীতা হরে ।  
 এখন দেখি লক্ষাপুরী রাখিস কেমন করে ॥  
 এই তোর লক্ষাপুরী রাম বেড়িল এসে ।  
 বেরো-না রাবণ কেন ঘরে রলি বসে ॥  
 অরুণ নয় বরুণ নয় রামের সঙ্গে বাদ ।  
 বংশে কেহ না থাকিবে না করিস সাধ ॥  
 কুপিল রাবণ রাজা অঙ্গদের বোলে ।  
 কুড়ি চক্ষু রক্ত করি অগ্নি-হেন জ্বলে ॥  
 ক্রোধাকুল চারি দিকে চাহে দশানন ।  
 অঙ্গদের হাতে পায়ে ধরে চারিজন ॥  
 অঙ্গদ সে চারিজনে ধরিল সাপুটে ।  
 এক লাফে প্রাচীরের উপরে সে উঠে ॥  
 প্রাচীরে তুলিয়া বীর মারিল আছাড় ।  
 ভাঙিল মাথার খুলি চূর্ণ হল হাড় ॥

সে চারি রাক্ষসে মারি ভাঙিল প্রাচীর ।  
 অঙ্গদ বীরের ডরে কেহ নহে স্থির ॥  
 প্রাচীর ভাঙিয়া বীর বালির কোঙর ।  
 এক লাফ দিয়া পড়ে রাবণ-উপর ॥  
 সিংহাসনে বসিয়া রাবণ তারে ধরে ।  
 জড়াজড়ি করি পড়ে ভূমির উপরে ॥  
 দুই সিংহে যুঝে যেন করে সিংহনাদ ।  
 দুই জনে মল্লযুদ্ধ হইল প্রমাদ ॥  
 রাবণেরে আছাড়িয়া বালির নন্দন ।  
 মুকুট নাইবা বেগে উঠিল গগন ॥  
 অঙ্গদের বিক্রমে রাবণ কাঁপে ডরে ।  
 অধোমুখে উঠিয়া গায়ের ধূলা ঝাড়ে ॥  
 রাবণ বলিছে সবে আছ কোন্ কাজে ।  
 বানরে মুকুট লয় সবাকার মাঝে ॥  
 বীরগণ বলে শুন লক্ষ্য-অধিকারী ।  
 আপনি হারিলে মোরা কি করিতে পারি ॥  
 পাত্রমিত্র-সহিত চিন্তিত দশানন ।  
 বৈরী কাঁপাইয়া গেল বালির নন্দন ॥  
 এক লাফে পড়ে গিয়া বানর-ভিতর ।  
 শ্রীরামে ভেটিল যথা স্মৃত্তী বানর ॥  
 মুকুট দেখিয়া রাম সহাস্তবদন ।  
 তুষ্ট হয়ে অঙ্গদেদের দেন আলিঙ্গন ॥

—

॥ ইন্দ্রজিতের যুদ্ধে রাম-লক্ষ্মণের  
 নাগপাশে বন্ধন ॥

অঙ্গদের ভৎসনে ক্রুদ্ধ দশমুখ ।  
 অসম্মানে লজ্জায় হইল অধোমুখ ॥  
 যত সব সেনাপতি তাহার প্রধান ।  
 যুঝিবারে সবাকারে করে সম্বোধন ॥

ইন্দ্রজিতে বলে তুমি সবার প্রধান ।  
 রাম-লক্ষ্মণেরে মারি রাখহ সম্মান ॥  
 সাবধান হয়ে বাপু করো গিয়া রণ ।  
 আগে মারো অঙ্গদেরে শেষে অশ্রু জন ॥  
 সাজিল যে মেঘনাদ বাপের আরতি ।  
 লেখ-জোখা নাহি যত সাজে সেনাপতি ॥  
 সারথি আনিল রথ সংগ্রামে গমন ।  
 মনোহর বথখান করিল সাজন ॥  
 কনকরচিত রথ বিচিত্রনির্মাণ ।  
 বায়ুবেগে অষ্ট ঘোড়া রথের যোগান ॥  
 কটকের ধুলায় পৃথিবী অন্ধকার ।  
 প্রথমে চাপিল গিয়া পূর্বকার দ্বার ॥  
 পূর্বদ্বারে সমর করিয়া যথোচিত ।  
 চলিল দক্ষিণ দ্বাবে বীর ইন্দ্রজিত ॥  
 অঙ্গদেরে দেখি তথা ইন্দ্রজিত হাসে ।  
 গালাগালি দেয় তায় যত মনে আসে ॥  
 অঙ্গদ বলিছে রে গর্জন অকারণ ।  
 পদাঘাতে তোর আজি লইব জীবন ॥  
 এত শুনি ইন্দ্রজিত পুরিল সন্ধান ।  
 অগণিত বানরের লইল পরান ॥  
 কুপিত অঙ্গদ বীর রথে মারে লাথি ।  
 তাহাতে চূর্ণ হয় রথ আর সারথি ॥  
 অঙ্গদ-বিক্রমে ইন্দ্রজিত কাঁপে ত্রাসে ।  
 লাফ দিয়া ইন্দ্রজিত উঠিল আকাশে ॥  
 আকাশে থাকিয়া দেখে ছুই সৈন্যে রণ ।  
 রাক্ষস-বানরে যুদ্ধ নাহি নিবারণ ॥  
 যুবেন লক্ষ্মণ বীর স্মিতানন্দন ।  
 অবসাদ নাহি বীরের প্রথমযোবন ॥  
 বাণকর ভঙ্গ দিয়া পলাইল ত্রাসে ।  
 ইন্দ্রজিত দেখে তাহা থাকিয়া আকাশে ॥  
 পিতা মোর কটক সঁপিল হাতে হাতে ।  
 রাখিতে নারিলাম ঠাট যাইব কি মতে ॥

দেখাদেখি যুদ্ধ করি জিনিবারে নারি ।  
 অদেখা হইলে যুদ্ধ করিবারে পারি ॥  
 মেঘ-আড়ে থাকি করে বাণ বরিষন ।  
 জর্জর করিয়া বিক্ষেত্রীরাম-লক্ষ্মণ ॥  
 এত বাণ মারি বেটা ক্ষমা নাহি মানে ।  
 নাগপাশ বাণ জুড়ে ধনুকের গুণে ॥  
 বায়ুবেগে যায় বাণ মেঘের গর্জনে ।  
 হাতে পায়ে বান্ধে গিয়া শ্রীরাম-লক্ষ্মণে ॥  
 রণ জিনি ইন্দ্রজিত ছাড়ে সিংহনাদ ।  
 পিতৃস্থানে যায় বীর লইতে প্রসাদ ॥  
 বানরের দলে উঠে ক্রন্দনের রোল ।  
 লঙ্কায় প্রবেশে বীর বাজাইয়া ঢোল ॥  
 নাগপাশে কাতর হইল রঘুবীর ।  
 ব্রহ্মাদি দেবতা ভেবে হইল অস্থির ॥  
 ইন্দ্রের বচনে তবে দেবতা পবন ।  
 কহিল রামেরে করো গুরুড়ে স্মরণ ॥  
 গুরুড়ে স্মরণে বাম বিষ্ণু-অবতার ।  
 গুরুড়ের ললাটেতে পড়িল টঙ্কার ॥  
 শূন্যভরে গুরুড় আইল উভরড়ে ।  
 পাখসাটে পর্বত কন্দর যায় উড়ে ॥  
 দূর হতে গুরুড়ের লাগিল নিশ্বাস ।  
 রাম-লক্ষ্মণেব খসে পড়ে নাগপাশ ॥  
 একেবারে যত বানর ছাড়ে সিংহনাদ ।  
 লঙ্কায় রাবণ রাজা গণিল প্রমাদ ॥

—

॥ ধুম্রাক্ষের যুদ্ধ ও পতন ॥

প্রাচীরে উঠিয়া রাবণ চাহে চারি ভিতে ।  
 দাঁড়ায়েছেন লক্ষ্মণ ধনুর্বাণ হাতে ॥  
 দৈবের নির্বন্ধ রাবণ দেখিয়া বিপাক ।  
 ধুম্রাক্ষ বলিয়া রাবণ ঘন পাড়ে ডাক ॥

রাবণ বলে হে তুমি মুখ্য সেনাপতি ।  
 আজিকার যুদ্ধে তুমি কুলাবে আরতি ॥  
 লঙ্কাতে ধৃত্রাঙ্ক বীর পরম সুজ্ঞানী ।  
 যাত্রাকালে অমঙ্গল দেখিল আপনি ॥  
 যাত্রাকালে অমঙ্গল দেখিছে অপার ।  
 কিছুই না মানে বীর বলে মার্ মার্ ॥  
 দুই দলে মিশামিশি দৃঢ় বাজে রণ ।  
 নানা অস্ত্র গাছ পাথর করে বরিষন ॥  
 কুপিল ধৃত্রাঙ্ক বীর জলন্ত আগুনে ।  
 মুষল লইয়া এক কপিগণে হানে ॥  
 মুষলের ঘায়ে কারো ভাঙে মাথার খুলি ।  
 কারো মুণ্ড কাটি ভূমে পাড়ে মহাবলী ॥  
 হনুমান দেখিল বানরগণ ভাগে ।  
 দাঁড়াইল হনুমান ধৃত্রাঙ্কের আগে ॥  
 নানা রূপ দুই জনে হল গালাগালি ।  
 দুই বীরে যুদ্ধ করে দৌহে মহাবলী ॥  
 হনুমান মহাবীর সংগ্রামের শূর ।  
 লাথি মারি ধৃত্রাঙ্কের কায় করে চূর ॥  
 ধৃত্রাঙ্কের সেনা ছিল দুই অক্ষৌহিণী ।  
 পলাইল সকলে লইয়া নিজ প্রাণী ॥  
 ভগ্নপাইক কহে গিয়া রাবণ-গোচর ।  
 ধৃত্রাঙ্ক পড়িল বার্তা শুন লঙ্কেশ্বর ॥

—

॥ অকম্পনের যুদ্ধ ও পতন ॥

ধৃত্রাঙ্ক পড়িল বার্তা পাইল রাবণ ।  
 অকম্পনে পাঠাইল করিবারে রণ ॥  
 দুই সৈন্তে মহাযুদ্ধ হইল অপার ।  
 রণের ধূলাতে দশ দিক অন্ধকার ॥  
 নীল বীর বড়ো বীর সকলে বাখানে ।  
 ভঙ্গ দিয়া পলাইল অকম্পনের রণে ॥

হনু আর অকম্পনে হল গালাগালি ।  
 ছইজনে যুদ্ধ বাজে দৌহে মহাবলী ॥  
 চুলে ধরি হনু তারে মারিল আছাড় ।  
 মাথার খুলি ভেঙে গেল চূর্ণ হল হাড় ॥  
 অকম্পন পড়ে যদি সংগ্রামে দুর্জয় ।  
 সকল বানরে বলে রাম রাম জয় ॥  
 ভগ্নপাইক কহে গিয়া রাবণ-গোচর ।  
 অকম্পন পড়িল গুনহ লঙ্কেশ্বর ॥

—

॥ বজ্রদংষ্ট্র ও প্রহস্তের যুদ্ধ ও পতন ॥

অকম্পন-মৃত্যু শূনি চরের বদনে ।  
 কিছু ভয় উপজিল রাবণের মনে ॥  
 তবে আগে দেখি বজ্রদংষ্ট্র নিশাচরে ।  
 যুদ্ধেতে পাঠায় তারে অতি সমাদরে ॥  
 সেও যদি পড়ে রণে রাবণ চিত্তিত ।  
 প্রহস্তে পাঠায় তবে রণে সুপণ্ডিত ॥  
 প্রহস্তের সৈন্তে দশ দিক অন্ধকার ।  
 মার্ মার্ করিয়া চলিল পূর্বদ্বার ॥  
 প্রহস্তের রণে দেবগণ কম্পমান ।  
 মহেন্দ্র দেবেন্দ্র পলায় অঙ্গদ হনুমান ॥  
 পূর্বদ্বারখান সেই নীলবীর রাখে ।  
 ভাঙিল কটক সব নীল তাহা দেখে ॥  
 দশ যোজন আনে বীর পর্বতের চূড়া ।  
 প্রহস্তের মাথায় মেরে মাথা কৈল গুঁড়া ॥  
 প্রহস্ত পড়িল রণে লাগে চমৎকার ।  
 ভগ্নপাইক রাবণেরে জানায় সমাচার ॥  
 প্রহস্ত পড়িল রণে গুন লঙ্কেশ্বর ।  
 রাবণ বলে কাল হল নর আর বানর ॥  
 সেনাপতি পড়িল রাজ্যের চূড়ামণি ।  
 আর কারে পাঠাইব যাইব আপনি ॥

॥ রাবণের প্রথম দিবস যুদ্ধ ॥

রাবণের যতেক প্রধান সেনাপতি ।  
 সাজিয়া চলিল সবে রাবণ সংহতি ॥  
 রাবণ করিল যদি রথে আরোহণ ।  
 ভয় পেয়ে মন্দ বায়ু বহিছে পবন ॥  
 রবি হুল মন্দতেজ চাপিয়া কিরণ ।  
 সশঙ্ক হইল স্বর্গে যত দেবগণ ॥  
 ধনুক ধরিতে জানে যত নিশাচর ।  
 রাবণের সঙ্গে চলে করিতে সমর ॥  
 রাক্ষসের সিংহনাদ ধনুক-টংকার ।  
 পশ্চিম-দ্বারেতে যায় করি মার্ মার্ ।  
 সৈন্য দেখে দশানন দাঁড়াইয়া রথে ।  
 বিভীষণে জিজ্ঞাসা কবেন রঘুনাথে ॥  
 শত কোটি রবি শশী জিনিয়া কিরণ ।  
 বলো দেখি সংগ্রামে আইল কোন্ জন ॥  
 বিভীষণ বলে রণে এল দশানন ।  
 জ্যেষ্ঠ ভাই আমার বিজয়ী ত্রিভুবন ॥  
 কুবেরে জিনিয়া রথ নিলেন রাবণ ।  
 আসিয়াছে সেই রথে করি আরোহণ ॥  
 রাবণেরে দেখিয়া সুগ্রীব জ্বলে কোপে ।  
 রুষিয়া সুগ্রীব রাজা যায় বীর দাপে ॥  
 তিন শত বাণ রাবণ জুড়িল ধনুকে ।  
 গর্জিয়া মারিল বাণ সুগ্রীবের বৃকে ॥  
 সুগ্রীব হারিল যদি পলায় বানর ।  
 কোপেতে ধনুক করে নিল রঘুবর ॥  
 লক্ষ্মণ বলেন প্রভু তুমি থাকো বসে ।  
 আমি দশাননে মারি চক্ষুর নিমেষে ॥  
 রাম বলে কত সন্ধি জানহ লক্ষ্মণ ।  
 রাবণ-সম্মুখে যুদ্ধ সংশয় জীবন ॥  
 বাহুবলে ত্রিভুবন জিনিল রাক্ষস ।  
 রাবণের সঙ্গে যুদ্ধ না কর সাহস ॥



তথাপি লক্ষ্মণ যান পুরিয়া সন্ধান ।  
 হেনকালে লক্ষ্মণেরে বলে হনুমান ॥  
 হনুমান বলে তুমি তিষ্ঠহ লক্ষ্মণ ।  
 কোতুক দেখহ আমি মারিব রাবণ ॥  
 আমার সংগ্রামে যদি পায় সে নিস্তার ।  
 তবে তো লক্ষ্মণ তব যুঝিবার ভার ॥  
 লক্ষ্মণের পদধূলি লয় হনু মাথে ।  
 লাফ দিয়া পড়ে গিয়া রাবণের রথে ॥  
 আপনা পাসরে কোপে বীর হনুমান ।  
 রাবণে চাপড় মারে বজ্রের সমান ॥  
 চাপড় খাইয়া রাজা হল অচেতন ।  
 ভাগ্যেতে রহিল প্রাণ ব্রহ্মার কারণ ॥  
 সম্বিত পাইয়া পুনঃ উঠিল সত্ত্বর ।  
 ডাক দিয়া হনুমাণে করিছে উত্তর ॥  
 আপনা পাসরে কোপে রাজা দশানন ।  
 হনুরে চাপড় মারে করিয়া গর্জন ॥  
 হনুমানের বুক মারে সে বজ্র চাপড় ।  
 রথ হতে পড়ি হনু করে ধড়ফড় ॥  
 দীর্ঘাকার নীলবীর যেমন দেউল ।  
 মায়া করি নীল বীর হইল নেউল ॥  
 নেউল-প্রমাণ বীর হইল মায়াতে ।  
 এক লাফে পড়ে গিয়া রাবণের রথে ॥  
 রাবণের রথে চড়ে নাহি করে ডর ।  
 নীলের বিক্রম দেখি রাবণ ফাঁপর ॥  
 কুপিল সে নীলবীর বুদ্ধির সাগর ।  
 লাথি মারে রাবণের মুকুট-উপর ॥  
 ভাগ্যবলে রাবণের রহে দশ মাথা ।  
 বহুমতে রাবণের করিল হেনস্তা ॥  
 দেখিয়া তা দেবগণ দিল টিটকারি ।  
 কুপিল রাবণরাজা লক্ষা-অধিকারী ॥  
 বাণ মেরে নীলবীরে পাড়ে ভূমিতলে ।  
 ভাগ্যেতে বাঁচিল প্রাণ পূর্ব পুণ্যফলে ॥

নীলবীর হনুমান হইল বিমুখ ।  
 লক্ষ্মণ আইল রণে পাতিয়া ধনুক ॥  
 দুই শত বাণ এড়ে রাজা দশানন ।  
 বাণেতে কাটিয়া পাড়ে ঠাকুর লক্ষ্মণ ॥  
 লক্ষ্মণ বরিষে বাণ তারা যেন ছুটে ।  
 রাবণের হাতের ধনুকখান কাটে ॥  
 আর যে পঞ্চাশ বাণ পূরিল সন্ধান ।  
 রাবণের বুকে বাজে বজ্রের সমান ॥  
 মস্ত্র এড়িয়া রাবণ শেলপাট এড়ে ।  
 যমের দোসর শেল বাণেতে উখাড়ে ॥  
 পড়িল লক্ষ্মণ বীর শেলের আঘাতে ।  
 পুনরায় শেল যায় রাবণের হাতে ॥  
 লক্ষ্মণে রাখিল লয়ে শ্রীরামের পাশে ।  
 ধৈর্য্যে জীযান রাম চক্ষুর নিমেষে ॥  
 রাবণ বসিয়া আছে আপনার রথে ।  
 সংগ্রামেতে যান রাম ধনুর্বাণ হাতে ॥  
 রাবণে বলেন রাম উপজিয়া ক্রোধ ।  
 যত ছুংখ দিলি আজি লব তার শোধ ॥  
 রঘুনাথ বাণ এড়ে জ্বলন্ত আগুনি ।  
 সব বাণ কাটে রাবণ পরম সন্ধানী ॥  
 শ্রীরাম ঐষিক বাণ ছুড়েন ধনুকে ।  
 সন্ধান পূরিয়া মাংরে রাবণের বুক ॥  
 বাণ খেয়ে দশানন হল অচেতন ।  
 ক্রণেকে সম্বিত পায় রাজা দশানন ॥  
 সারথিরে আজ্ঞা দিল নৃপতি রাবণ ।  
 লঙ্কাতে চালাও রথ হরিতগমন ॥  
 রাবণের আজ্ঞা পেয়ে সত্বরে সারথি ।  
 লঙ্কার ভিতরে রথ নিল শীঘ্রগতি ॥

॥ কুন্তকর্ণের নিদ্রাভঙ্গ, যুদ্ধ ও মৃত্যু ॥

ভঙ্গ দিয়া যায় রাজা পেয়ে অপমান ।  
 পাত্রমিত্র লয়ে বসে করে আলোচন ॥  
 রাবণ বলে বুঝিলাম দেবতার কন্দি ।  
 এতদিনে পূরিল তাদের অভিসন্ধি ॥  
 করেছি বিস্তর তপ হইতে অমর ।  
 অমর হইতে ব্রহ্মা নাহি দিল বর ॥  
 এই বর দিল ব্রহ্মা হইয়া সদয় ।  
 যক্ষ রক্ষ দেবতা গন্ধর্বে নাহি ভয় ॥  
 সবারে জিনিব রণে মাগি নিলাম বর ।  
 সবেমাত্র বাকি ছিল নর আর বানর ॥  
 ভেবেছিলাম ভক্ষ্য-মধ্যে এরা দুইজন ।  
 কে জানে বানর নর দুর্জয় এমন ॥  
 সর্বাঙ্গ পুড়িছে মোর মনুষ্যের বাণে ।  
 রাজা হয়ে হারিলাম জিনে কোন্ জনে ॥  
 যায় অধ' লক্ষ্যপুরী কুন্তকর্ণ-ভোগে ।  
 ছয় মাস নিদ্রা যায় একদিন জাগে ॥  
 কুন্তকর্ণে জাগাইতে করহ যতন ।  
 প্রাণসঙ্গে মোর যেন হয় সচেতন ॥  
 এত যদি আজ্ঞা দিল রাজা লঙ্কেশ্বর ।  
 চলিল রাক্ষসগণ কুন্তকর্ণ-ঘর ॥  
 ভক্ষ্য দ্রব্য মত্ত-মাংস অনেক প্রকার ।  
 সুগন্ধ চন্দন পুষ্প আনে ভারে ভার ॥  
 বাজাইল ঢাক-ঢোল চারি দিকে বেড়ে ।  
 নিদ্রা যায় কুন্তকর্ণ কর্ণ নাহি নড়ে ॥  
 ঘড়া ঘড়া চন্দন ঢালিয়া দিল বুকে ।  
 সুগন্ধি শীতলে আরো নিদ্রা যায় সুখে ॥  
 রাজায় কর্ণের কাছে ঘণ্টা আর শাঁক ।  
 দ্বিগুণ বাড়িল আরো নাসিকার ডাক ॥  
 যতেক প্রবন্ধ করে নিশাচরগণে ।  
 ব্রহ্মা-বরে নিদ্রা যায় কিছু নাহি জানে

মহোদর বলে এক যুক্তি অনুমানি ।  
 মদিরা মাংসের দেহ খুলিবা ঢাকনি ॥  
 জাগাইতে না পারিবে এ-সব প্রবন্ধে ।  
 আপনি জাগিবে বীর মত্তমাংস-গন্ধে ॥  
 ঘূর্ণিতলোচন বীর উঠে বসে খাটে ।  
 নিদ্রাভঙ্গ হয়ে তবে কুম্ভকর্ণ উঠে ॥  
 শয্যা হতে উঠে বীর চক্ষু মেলি চায় ।  
 নানাবিধ ভক্ষ্য দ্রব্য সকলে যোগায় ॥  
 মত্তপান করিল সে সাতাশ কলসী ।  
 পর্বতপ্রমাণ মাংস খায় রাশি রাশি ॥  
 বিরূপাক্ষ রাক্ষস সে ধর্ম-অধিষ্ঠান ।  
 জোড়হাতে কহে কুম্ভকর্ণ-বিভ্রমান ॥  
 শূর্ণগথা গিয়াছিল পঞ্চবাটি-বনে ।  
 অগ্রে তার নাক-কান কাটিল লঙ্কণে ॥  
 শ্রীরামের সীতা রাজা আনে সেই রোষে ।  
 সাগর ডিঙায়ে হনু লঙ্কাপুরে আসে ॥  
 লঙ্কা দণ্ড করিল বানর হনুমান ।  
 তুমি থাকিতে লঙ্কার এত অপমান ॥  
 প্রমাদ করিছে নর-বানর আসিয়ে ।  
 রাজা-প্রজা রয়েছে তোমার মুখ চেয়ে ॥  
 কুম্ভকর্ণ বলে আগে জিনে আসি রণ ।  
 তবোঁতো ভেটিব গিয়া ভাই দর্শানন ॥  
 যাত্রা করি চলিলেন কুম্ভকর্ণ বীর ।  
 মেঘ হতে সূর্য হেন হইল বাহির ॥  
 চলে যায় পথে যেন স্নুমেরুসমান ।  
 দেখিয়া তো বানরের উড়িল পরান ॥  
 দরশনে ভঙ্গ দিল যত কপিগণ ।  
 আশ্বাসিয়া রাখিল রাক্ষস বিভীষণ ॥  
 বিভীষণের আশ্বাসে রহিল কপিগণে ।  
 রঘুনাথ জিজ্ঞাসা করেন বিভীষণে ॥  
 এতদিন কোথা ছিল এই মহাবীর ।  
 ত্রিভুবন জিনি এর দুর্জয় শরীর ॥

বিভীষণ বলে শুন রাম রঘুবর ।  
 কুন্তকর্ণ নামেতে মধ্যম সহোদর ॥  
 ব্রহ্মা-বরে করে যুদ্ধ শুন নারায়ণ ।  
 ছয়মাস নিদ্রা একদিন জাগরণ ॥  
 অদ্ভুত ধরয়ে বল অদ্ভুত আহার ।  
 কাঁচা নিদ্রা ভঙ্গ হলে সে-দিন সংহার ॥  
 কাঁচা নিদ্রা ভঙ্গ আজি হয়েছে উহার ।  
 অবশ্য তোমার হাতে হইবে সংহার ॥  
 কুন্তকর্ণ হল যদি গড়ের বাহির ।  
 বানর দেখিয়া করে গর্জন গভীর ॥  
 বড় বড় কপিগণের বড় বড় লক্ষ্য ।  
 কুন্তকর্ণে দেখিয়া সবার হল কম্প ॥  
 ভয়ে শুকাইল মুখ কাঁপিল অন্তর ।  
 গাছ পাথর ফেলাইয়া পলায় বানর ॥  
 অঙ্গদ বলে কপিগণ ভঙ্গ কি কারণ ।  
 এক চড়ে রাক্ষসের বধিব জীবন ॥  
 জীবন মরণ নাহি আপনার বশে ।  
 যুদ্ধ করি মরিলে ভুবন ভরে যশে ॥  
 এত শূনি থরে থরে ফিরে কপিগণ ।  
 কটক ফিরায়ে আনে বালির নন্দন ॥  
 কুপিল সে কুন্তকর্ণ অতি ভয়ংকর ।  
 ছুই হাতে ধরে ধরে গিলিছে বানর ॥  
 হনুমানের বৃকে মাঝে বজ্রের চাপড় ।  
 চাপড়ের ঘায়ে হনু করে ধড়ফড় ॥  
 বড় বড় বীর পলায় ভঙ্গ দিয়া রণে ।  
 কুন্তকর্ণে দেখে কেহ স্থির নহে মনে ॥  
 হাতে ধনু লক্ষ্মণ হইল আগুসার ।  
 তাহা দেখি কুন্তকর্ণ হাসে একবার ॥  
 কুন্তকর্ণ বলে বেটা তোরে চাহে কে ।  
 তোর ভাই রামা বেটা তারে এনে দে ॥  
 হাসিয়া বলেন রাম কমললোচন ।  
 এতদিনে যম বুঝি করেছে স্মরণ ॥

তোরে মেরে কাটিব রাবণের দশ মাথা ।  
 বিভীষণের উপরে ধরাব দণ্ডছাতা ॥  
 শ্রীরামের কথা শুনে কুম্ভকর্ণ হাসে ।  
 মনে কি করেছ বেটা ফিরে যাবে দেশে ॥  
 এত বলি কুম্ভকর্ণ হয়ে ক্রোধমতি ।  
 রামেরে গিলিতে যায় অতি শীঘ্রগতি ॥  
 রামচন্দ্র ব্রহ্ম-অস্ত্রে পুরিয়া সন্ধান ।  
 কুম্ভকর্ণের কাটিলেন ডান হাতখান ॥  
 ঐষিক বাণেতে রাম পুরিয়া সন্ধান ।  
 এক বাণে কাটিলেন বাম হাতখান ॥  
 ইন্দ্র-অস্ত্র রঘুনাথ করিল সন্ধান ।  
 এক বাণে কাটিলেন পদ দুইখান ॥  
 হস্ত গেল পদ গেল তবু নাহি ডরে ।  
 গড়াগড়ি দিয়া যায় রামে গিলিবারে ॥  
 এতেক ছুর্গতি হল তবু নাহি মরে ।  
 আরবার ব্রহ্ম-অস্ত্র মারিলেন তারে ॥  
 ব্রহ্ম-অস্ত্র বাণে আর নাহিক অন্তথা ।  
 সেই বাণে কুম্ভকর্ণের কাটিলেন মাথা ॥  
 কপিগণ বলে রাম করিলা নিস্তার ।  
 আর যত বীর আছে সে মোদের ভার ॥  
 না দেখি এমন বীর এ তিন ভুবনে ।  
 যুঝিবার কাজ থাক্ ভঙ্গ দরশনে ॥  
 কুম্ভকর্ণ পড়িল গাইল কুত্তিবাস ।  
 রাবণ শুনিল কুম্ভকর্ণের বিনাশ ॥

—

॥ ইন্দ্রজিতের দ্বিতীয়বার যুদ্ধে গমন ॥

কুম্ভকর্ণ-মৃত্যুবর্তা করিয়া শ্রবণ ।  
 ক্রন্দন করয়ে যত লঙ্কাবাসী জন ॥  
 নানারূপে ক্রন্দন করয়ে দশানন ।  
 কোনমতে স্থির নাহি হয় একক্ষণ ॥

রাজার ক্রন্দন শুনি কান্দে সর্বজন।  
 কেহ না করিতে পারে তাহার সাঙ্খ্যনা ॥  
 তবে ইন্দ্রজিত নিজ ক্রন্দন সম্বর।  
 কহিতেছে দশাননে অহংকার করি ॥  
 আমি বিচ্যুতমানে কেন পাঠ্যে অশ্রুজন।  
 আত্মা করো মেরে আসি শ্রীরাম-লক্ষ্মণ ॥  
 করিব কঠিন যজ্ঞ নামে নিকৃষ্ণিলা।  
 তার ফলে রণজয় করিব একেলা ॥  
 মেঘনাদ কথা শুনি রাবণ হর্ষিত।  
 কোলে করি মেঘনাদে কহিছে ত্বরিত ॥  
 লক্ষ্মী-অধিপতি তুমি পুত্র মেঘনাদ।  
 নর-বানর মারিয়া ঘৃণাও প্রমাদ ॥  
 বসে গিয়া ইন্দ্রজিত যজ্ঞ করিবারে।  
 যোগায় যজ্ঞের দ্রব্য বহু নিশাচরে ॥  
 যজ্ঞাহুতি দিয়া বীর বর পায় সুখে।  
 মনের আনন্দে কহে সৈন্তগণে ডেকে ॥  
 রথের সাজন বীর কৈল ছুইহাতে।  
 লাফ দিয়া উঠে গিয়া সংগ্রামের রথে ॥  
 চণ্ডমুণ্ড ছত্রদণ্ড ধরিয়াছে শিরে।  
 পূর্বদ্বারে উপনীত মার মার করে ॥  
 পূর্বদ্বার জিনিয়া কুমার মেঘনাদ।  
 দক্ষিণ দ্বারেতে গিয়া করে সিংহনাদ ॥  
 জিনিয়া দক্ষিণ দ্বার চলে মেঘনাদ।  
 উত্তর দ্বারেতে গিয়া ছাড়ে সিংহনাদ ॥  
 বানর-কটক পড়ে বীর-চূড়ামণি।  
 আছুক অন্তের কাজ স্মৃতিব আপনি ॥  
 মেঘের আড়োঁতে চলে বীর মেঘনাদ।  
 পশ্চিম-দুয়ারে গিয়া করে সিংহনাদ ॥  
 হনুমান বীর ছিল রাত্রি-জাগরণে।  
 ডাকিয়া উত্তর করে মেঘনাদ-সনে ॥  
 শ্রীরাম-লক্ষ্মণ জাগে সংসার পূজিত।  
 আমি হনুমান জাগি শুন ইন্দ্রজিত ॥

নাহিক আহার-নিদ্রা জাগি দিবারাতি ।  
 যাবৎ না মারিব লঙ্কার অধিপতি ॥  
 তোরে বধ করিয়া বধিব তোর পিতা ।  
 বিভীষণের উপরে ধরাব দণ্ডছাতা ॥  
 এত শুনি মেঘনাদ মহাকোপ মনে ।  
 হনুমানে গালি পাড়ে যত আসে মনে ॥  
 যুদ্ধ করে লুকাইয়া মেঘের আড়ালে ।  
 আকাশ হইতে বাণ ঝাঁকে ঝাঁকে ফেলে ॥  
 আকাশে থাকিয়া বাণ করে বরিষন ।  
 জর্জর করিয়া বিষ্ণে শ্রীরাম-লক্ষ্মণ ॥  
 বজ্রের সমান বাণ অসংখ্য বরিষে ।  
 পড়িল লক্ষ্মণ বীর শ্রীরামের পাশে ॥  
 খুরুপার্শ্ব অর্ধচন্দ্র দুই বাণের নাম ।  
 সেই দুই বাণ ফুটে পড়িল শ্রীরাম ॥  
 চারি দ্বারে পড়ে ঠাট শ্রীরাম-লক্ষ্মণে ।  
 রাজপ্রসাদ লইতে চলিল পিতৃস্থানে ॥  
 হরিষে যুদ্ধের কথা কহে মেঘনাদ ।  
 চুষ্ম দিয়া রাবণ করিল আশীর্বাদ ॥  
 চারি দ্বারে পড়ে সৈন্য শ্রীরাম-লক্ষ্মণ ।  
 রক্ষা পায় বিভীষণ পবননন্দন ॥  
 দুইজনে অমর ব্রহ্মার পেয়ে বর ।  
 না মরিল দুইজন বানর ভিতর ॥  
 চিন্তিয়া গগিয়া দৌহে যুক্তি কৈল সার ।  
 রাম-লক্ষ্মণ জীয়াইতে কৈল প্রতিকার ॥  
 যায় যথা পড়িয়াছে মন্ত্রী জানুবান ।  
 না পারে মেলিতে চক্ষু বুকে পড়ে টান ॥  
 বিভীষণ বলে তুমি বলে মহাবলী ।  
 উঠিয়া মন্ত্রণা করো আর কারে বলি ॥  
 জানুবান বলে তুমি ধার্মিক স্মৃজন ।  
 তত্ত্ব করে দেখ কোথা পবননন্দন ॥  
 বিভীষণ বলে দেখ মেলিয়া নয়ান ।  
 তোমা সম্ভাষিতে আসিয়াছে হনুমান ॥



হনুমান জাম্বুবানের বন্দিল চরণ ।  
 মূঢ়ভাষে জাম্বুবান বলিছে তখন ॥  
 পড়েছেন কপিগণ শ্রীরাম-লক্ষ্মণ ।  
 ঔষধ আনিলে তুমি জীয়ে সর্বজন ॥  
 অন্তরীক্ষে যাইবে পবনে করি ভর ।  
 অতি উচ্চ হিমালয় পর্বত-শিখর ॥  
 ঋষ্মুক পর্বতে সে হিমালয়-পার ।  
 ধবলা পর্বত শ্বেত ধবল-আকার ॥  
 তাহার দক্ষিণ পূর্বে পর্বত কৈলাস ।  
 ঋষ্মুক শৃঙ্গে আছে ঔষধ নির্যাস ॥  
 চারি বৃক্ষ আছে ঔষধ চারি জাতি ।  
 অন্ধকারে আলো করে ঔষধের জ্যোতি ॥  
 বিশল্যকরণী এক সর্বলোকে জানি ।  
 দ্বিতীয় ঔষধ নাম মৃতসঞ্জীবনী ॥  
 তৃতীয় ঔষধ আছে অস্থিসঞ্চারিণী ।  
 চতুর্থ ঔষধ নাম সুবর্ণকরণী ॥  
 আনিতে ঔষধ যদি পার রাতারাতি ।  
 চারিযুগে থাকিবেক তোমার সুখ্যাতি ॥

—

। হনুমান কর্তৃক ঔষধ আনয়ন । রাম-লক্ষ্মণ  
 ও বানরগণের প্রাণদান ॥

জাম্বুবান হনুমান দিলেন বিদায় ।  
 ঔষধ আনিতে বীর হনুমান যায় ॥  
 নিমিষেতে সাগর হইয়া গেল পার ।  
 সরা গোটা জ্ঞান করে সকল সংসার ॥  
 হিমালয়-পর্বত ছাড়য়ে শীঘ্রগতি ।  
 কৈলাস পর্বত দেখে ধবল-আকৃতি ॥  
 ঋষ্মুক পর্বতে উঠিল হনুমান ।  
 ঔষধের গন্ধ পাইয়া যায় সেই স্থান ॥

ঔষধের গন্ধেতে স্মৃগন্ধি বাত বহে ।  
 সন্ধান পাইয়া বীর সেইখানে রহে ॥  
 চারি জাতি ঔষধ লইয়া হনুমান ।  
 উভলেজ করিয়া সারিল দুই কান ॥  
 লাফ দিয়া বীর গিয়া উঠিল আকাশে ।  
 লঙ্কাপুরে উপনীত চক্ষের নিমিষে ॥



সেই চারি ঔষধ লইয়া হনুমান ।  
 চারিদ্বারে ভ্রমণ করয়ে স্থানে স্থান ॥  
 চারি ঔষধের আণ যতদূর যায় ।  
 বানর-কটক সব উঠিয়া দাঁড়ায় ॥  
 নিজাভঙ্গে উঠে যেন মেলিয়া নয়ন ।  
 সেইরূপে উঠিলেন শ্রীরাম-লক্ষ্মণ ॥  
 সকল বানর উঠে দিয়া অঙ্গ ঝাড়া ।  
 হনুমানে কহে সবে হাত করি জোড়া ॥  
 তোমার সমান বীর ত্রিভুবনে নাই ।  
 তোমার প্রসাদে সবে মলে প্রাণ পাই ॥  
 রাম বলে হনুমান যে গুণ তোমার ।  
 শত যুগে শোধিতে নারিব তব ধার ॥  
 কি দিব প্রসাদ বলো আছে কিবা ধন ।  
 হনুমানে কোল দিলা শ্রীরাম-লক্ষ্মণ ॥

রামজয় শব্দে বানর ছাড়ে সিংহনাদ ।  
 লঙ্কাতে রাবণ রাজা গণিল প্রমাদ ॥  
 মিথ্যা হল যত যুদ্ধ কৈল ইন্দ্রজিত ।  
 কৃষ্ণিবাস গাইলেন লঙ্কাকাণ্ড গীত ॥

॥ তরঙ্গীসেনের যুদ্ধ ও পতন ॥

রাবণ বলে দৈবগতি কে পারে নাড়িতে ।  
 লঙ্কাপুরী বিনাশিবে নর-বানরেতে ॥  
 শ্রীরাম-লক্ষ্মণে মল যত সেনাপতি ।  
 এখনি উঠিল বেঁচে না পোহাতে রাতি ॥  
 মরিয়া না মরে রাম এ কেমন বৈরী ।  
 বীরশূন্য হইল কনক-লঙ্কাপুরী ॥  
 কে আছে এমন বীর পাঠাইব কারে ।  
 রাম-লক্ষ্মণেরে মারে স্ত্রীীব বানরে ॥  
 মন্ত্ৰণা করয়ে রাজা লয়ে মন্ত্ৰিগণ ।  
 তরঙ্গীসেনেরে তবে হইল স্মরণ ॥  
 রাজার আদেশে বীর আইল তরঙ্গী ।  
 প্রণমিল দশাননে লোটায়ে ধরঙ্গী ॥  
 রাবণ বলে শত্রু তব হয়েছে পিতা ।  
 মজিল কনক-লঙ্কা তিনি মন্ত্ৰদাতা ॥  
 তুমি তার পুত্র বট নহ তার মতো ।  
 চিরদিন জানি তুমি মম অনুগত ॥  
 যুদ্ধে যোদ্ধাপতি তুমি বুদ্ধে বিচক্ষণ ।  
 হাতে গলে বাঁধি আন শ্রীরাম-লক্ষ্মণ ॥  
 এত শুনি কহে বিভীষণের কুমার ।  
 যথাশক্তি সংগ্রামে করিব মহামার ॥  
 হাতে ধনু রথে উঠে বীর-অবতার ।  
 পশ্চিম দ্বারেতে চলে করি মার্ মার্ ॥  
 শ্রীরাম বলেন শুন মিত্র বিভীষণ ।  
 দেখো দেখি সংগ্রামে এল কোন্‌জন ॥

বিভীষণ বলে শুন রাজীবলোচন ।  
 রাবণের অন্নেতে পালিত একজন ॥  
 সম্বন্ধেতে ভ্রাতৃপুত্র পরিচয়ে জ্ঞাতি ।  
 ধর্মেতে ধার্মিক পুত্র বড় যোদ্ধাপতি ॥  
 প্রকারেতে দিলেন প্রকৃত পরিচয় ।  
 তরণী ভাবিছে কোথা রাম দয়াময় ॥  
 কটকে কটকে যুদ্ধ হইল বিস্তর ।  
 ভক্ত দিয়া পলাইল যতেক বানর ॥  
 চারি দিকে নেহারিয়া দেখিছে তরণী ।  
 কতক্ষণে দেখা পাই রাম রঘুমণি ॥  
 কতক্ষণে পিতার পাইব দরশন ।  
 জনম সফল হবে জুড়াবে জীবন ॥  
 মনে ভাবে কত দূরে দেব নারায়ণ ।  
 চালাইয়া দিল রথ ত্বরিত-গমন ॥  
 লাফ দিয়া হনুমান তার রথে চড়ে ।  
 সারথির হাতের ধনুক নিল কেড়ে ॥  
 রুষিয়া তরণীসেন গারে এক চড় ।  
 রথ হতে পড়ে হনু করে ধড়্‌ফড়্‌ ॥  
 প্রাণভয়ে পলাইল বড় বড় বীর ।  
 তরণীসেনের বাণে কেহ নহে স্থির ॥  
 হাতে ধনু দাঁড়াইল শ্রীরাম-লক্ষ্মণ ।  
 দক্ষিণেতে জাম্বুবান বামে বিভীষণ ॥  
 সম্মুখেতে উপনীত তরণীর রথ ।  
 রথ হতে নামিল থাকিতে কত পথ ॥  
 সংকেতে প্রণাম করে পিতার চরণে ।  
 করপুটে প্রণমিল শ্রীরাম-লক্ষ্মণে ॥  
 শ্রীরাম বলেন শুন মিত্র বিভীষণ ।  
 আসিয়াছে নিশাচর করিবারে রণ ॥  
 বিপক্ষের পক্ষ হয়ে আসিয়াছে রণে ।  
 আমা-দোঁহে প্রণাম করিল কি কারণে ॥  
 বিভীষণ বলে গৌসাই না জান কারণ ।  
 লঙ্কাপুরে ও তোমার ভক্ত একজন ॥

তোমার চরণ বিনা অণু নাহি জানে ।  
 আসিয়াছে সংগ্রামেতে রাজার শাসনে ॥  
 রাম বলে ভক্ত যদি জানহ নিশ্চয় ।  
 আশীর্বাদ করি যেন বাঞ্ছা পূর্ণ হয় ॥  
 লক্ষ্মণ বলেন কি কহিলে মহাশয় ।  
 রাক্ষসের অভিলাষ রাবণের জয় ॥  
 শ্রীরাম বলেন তুমি না জান লক্ষ্মণ ।  
 ভক্তের বিষয়-বাঞ্ছা নহে কদাচন ॥  
 কহিতে কহিতে কথা রাম রঘুমণি ।  
 ধনুকে টংকার দিয়া আইল তরণী ॥  
 মহাকোপে লক্ষ্মণের অধরোষ্ঠ কাঁপে ।  
 শমন-সমান বাণ বসাইল চাপে ॥  
 যত বাণ লক্ষ্মণ মারিল তরণীকে ।  
 শ্রীরাম স্মরণে বীর কাটে একে একে ॥  
 কোপেতে তরণীসেন জাঠা নিল হাতে  
 গর্জিয়া মারিল জাঠা লক্ষ্মণের মাথে ॥  
 পড়িল লক্ষ্মণ বীর হইয়া অজ্ঞান ।  
 লক্ষ্মণেরে লইয়া পলায় হনুমান ॥  
 লক্ষ্মণ পড়িল যদি আইল রঘুনাথে ।  
 ত্রিভুবনবিজয়ী ধনুক-বাণ হাতে ॥  
 দাঁড়াইল রঘুনাথ তরণী-সম্মুখে ।  
 রামের সর্বাঙ্গ বীর নেহালিয়া দেখে ॥  
 তরণী করিল স্তব শুনে রঘুবর ।  
 অশ্রুজলে ভাসিল কোমল কলেবর ॥  
 সদয়হৃদয় দেখে রাজীবলোচনে ।  
 তরণী বিচার করে আপনার মনে ॥  
 আমার স্তবেতে তুষ্ট হয়ে রঘুবর ।  
 বৃষি অস্ত্র না মারেন আমার উপর ॥  
 এতেক ভাবিয়া তুলে নিল ধনুর্বাণ ।  
 কহিছে কর্কশ বাক্য পুরিয়া সন্ধান ॥  
 তরণীর অভিলাষ বুঝে বিভীষণ ।  
 তরণী-বধের পথ করে নিরূপণ ॥

জোড়হাতে বিভীষণ কহে রঘুনাথে ।  
 এ বেটা দুর্জয় বীর লঙ্কার মধ্যেতে ॥  
 শীঘ্র করি মার এই দুষ্ট নিশাচরে ।  
 এত শুনি ধনুক ধরিলা রঘুবরে ॥  
 যত বাণ মারিলেন রাম রঘুমণি ।  
 বাণেতে রামের বাণ কাটিল তরণী ॥  
 তরণী বাছিয়া মারে খরতর শর ।  
 বিষ্কিয়া কোমল অঙ্গ করে জর্জর ॥  
 বিভীষণ রঘুনাথে করে নিবেদন ।  
 ব্রহ্ম-অস্ত্রে হইবেক উগার মরণ ॥  
 তদ্ব্য অস্ত্রে না মরিবে এই নিশাচর ।  
 সদয় হইয়া ব্রহ্মা দিয়াছেন বর ॥  
 এতেক শুনিয়া রাম কমললোচন ।  
 ধনুকেতে ব্রহ্ম-অস্ত্র জুড়িল তখন ॥  
 দুই খণ্ড হয়ে বীর পড়ে ভূমিতলে ।  
 তরণীর কাটামুণ্ড রাম রাম বলে ॥  
 রামজয় শুভধ্বনি করে কপিগণ ।  
 হাহাকার শব্দে ভূমে পড়ে বিভীষণ ॥  
 বিভীষণ বলে প্রভু করি নিবেদন ।  
 মরিল তরণীসেন আমার নন্দন ॥  
 এত শুনি রঘুনাথ কাঁদিতে লাগিল ।  
 তোমার সন্তান কেন আগে না বলিল ॥  
 শোকাকুল হইয়া কাঁদেন দুইজন ।  
 শ্রীরাম-লক্ষ্মণ কাঁদে যত কপিগণ ॥  
 শ্রীরাম বলেন শুন মিত্র বিভীষণ ।  
 না জানি হৃদয় তব কঠিন কেমন ॥  
 ব্রহ্ম-অস্ত্র মারিতে মন্ত্রণা দিলে কানে ।  
 আপনি করিলে বধ আপন সন্তানে ॥  
 আগে কেন বিবেচনা না করিলে মনে ।  
 এক্ষণে কান্দহ মিত্র কিসের কারণে ॥  
 শোক পরিহর মিত্র স্থির করো মন ।  
 অনিত্য রোদন আর কর কি কারণ ॥

এত শুনি বিভীষণ ক্রন্দন সম্বরে ।  
 ভগ্নপাইক কহে গিয়া রাবণ-গোচরে ॥  
 তরণীসেনের মৃত্যু শুনি লঙ্কেশ্বর ।  
 সিংহাসন হতে পড়ে ধরণী-উপর ॥

॥ বীরবাহুর যুদ্ধে গমন ও পতন ॥

কারে পাঠাইব রণে ভাবে দশানন ।  
 হেনকালে বীরবাহু বন্দিল চরণ ॥  
 বীরবাহু দেখিয়া উঠিল দশানন ।  
 আলিঙ্গন করে দিল রত্নসিংহাসন ॥  
 রাবণ বলে বীরবাহু কর অবগতি ।  
 দেখিলে আপন চক্ষু লঙ্কার দুর্গতি ॥  
 বীরবাহু বলে শঙ্কা না কর রাজন ।  
 ইঙ্গিতে মারিয়া দিব শ্রীরাম-লক্ষ্মণ ॥  
 প্রতাপে প্রচণ্ড বীর সংগ্রামে স্মরী ।  
 বাপের আজ্ঞায় সেজে চলে মহাবীর ॥  
 বীরবাহু রণে চলে হয়ে সেনাপতি ।  
 হস্তী ঘোড়া বহু ঠাট চলিল সংহতি ॥  
 বানর-কটক বিধে করে খান্ খান্ ।  
 পলায় বানরগণ লইয়া পরান ॥  
 কালান্তক যম যেন এসে করে রণ ।  
 পড়িল যে হনুমান আদি কপিগণ ॥  
 বিভীষণে জিজ্ঞাসা করেন প্রভু রাম ।  
 কোন্ বীর আসিয়াছে করিতে সংগ্রাম ॥  
 বিভীষণ বলে রাম করো অবধান ।  
 বীরবাহু নাম ধরে রাবণসন্তান ॥  
 সেই বীরবাহু-এই দুর্জয়শরীর ।  
 বীরবাহু-তেজে রণে কেহ নাহি স্থির ॥  
 বীরবাহু ইন্দ্রজিত বীর নাহি আর ।  
 ইহারা মারিলে হবে রাবণ-সংহার ॥

শ্রীরাম বলেন মিত্র ভরসা তোমার ।  
 তব উপদেশে হল সকলে সংহার ॥  
 রাম-বিভীষণে এই কথোপকথন ।  
 ডাক দিয়া কহিতেছে রাবণনন্দন ॥  
 বীরবাহু বলে শুন শ্রীরাম-লক্ষ্মণ ।  
 আমা-সনে তোমরা যুঝিবে কোন্ জন ॥  
 রাম বলে তোমাতে আমাতে আজি রণ ।  
 আজিকার যুদ্ধে তব বধিব জীবন ॥  
 মহাকোপে বীরবাহু এড়ে দশ বাণ ।  
 শ্রীরামের বৃকে ফুটে বজ্রের সমান ॥  
 পড়িলেন রামচন্দ্র সর্বজন দেখে ।  
 মুখেতে উঠিল রক্ত ঝলকে ঝলকে ॥  
 ব্যথা সহ্যরিয়া রাম জুড়িলেন বাণ ।  
 বীরবাহুর কাটিতে সে চাহে ধনুখান ॥  
 তীক্ষ্ণ বাণ মারে রাম ধনুক কাটিতে ।  
 ধনুকে ঠেকিয়া বাণ পড়ে একভিতে ॥  
 ধনু কাটা নাহি গেল শ্রীরাম লজ্জিত ।  
 অধ'চন্দ্র-বাণ রাম জুড়েন স্থরিত ॥  
 এড়িলেক বাণ রাম তারা যেন ছুটে ।  
 বাণে বীরবাহুর ধনুকবাণ টুটে ॥  
 ধনু কাটা গেল বীর আর ধনু লয় ।  
 শরজাল বাণ এড়ে রাবণতনয় ॥  
 ব্রহ্মার নিকটে পূর্বে পেয়েছিল বাণ ।  
 সেই বাণ বীরবাহু পুরিল সন্ধান ॥  
 মন্ত্রেতে হইল বাণ অতি ভয়ংকর ।  
 মহাতেজে আসে বাণ রামের উপর ॥  
 কোপে কম্পমান ছাড়ে বাণ দাশরথি ।  
 বাণের প্রতাপে মহাকম্প বসুমতী ॥  
 শ্রীরাম এড়িল বাণ বায়ুবেগে চলে ।  
 রাক্ষসের ব্রহ্মঅস্ত্র কাটে অবহেলে ॥  
 ছুর্জয় বৈষ্ণব-অস্ত্র ধনুকেতে জুড়ি ।  
 আকর্ণ পুরিয়া গুণ বাণ দেন ছাড়ি ॥



অব্যর্থ বৈষ্ণব-বাণ কি কহিব কথা ।  
 মুকুট সহিত কাটে বীরবাহুর মাথা ॥  
 রণ জিনি শ্রীরাম-লক্ষ্মণে কোলাকুলি ।  
 উচ্চৈঃস্বরে ডাকে কপি রামজয় বলি ॥

। ইন্দ্রজিতের তৃতীয়বার যুদ্ধে গমন ও পতন ।

ভগ্নদূত কহে গিয়া রাবণ-গোচর ।  
 বীরবাহু পড়ে বার্তা শুন লঙ্কেশ্বর ॥  
 শোকের উপরে শোক হইল তখন ।  
 সিংহাসন হতে পড়ে রাজা দশানন ॥  
 চৈতন্য পাইয়া রাজা কান্দিল বিস্তর ।  
 লঙ্কাতে হইল কাল নর ও বানর ॥  
 ভাবিতে ভাবিতে রাজা হইল মূর্ছিত ।  
 হেনকালে আইল কুমার ইন্দ্রজিত ॥  
 রাবণ বলে যুদ্ধে যাওয়া তোমার উচিত ।  
 একবাব যাও পুনঃ পুত্র ইন্দ্রজিত ॥  
 বড় বড় বীর পাঠাই বড় ভাবি মনে ।  
 ফিরিয়া না আসে কেহ রাম-দরশনে ॥  
 যত বার তুমি যাহ যুদ্ধিবাব তরে ।  
 সংগ্রাম করিয়া জয় এস বারে বারে ॥  
 পিতৃ-আজ্ঞা মেঘনাদ লজ্জিতে না পারে ।  
 কটক লইয়া তবে যায় যুদ্ধিবারে ॥  
 যজ্ঞস্থানে চলিল কুমার ইন্দ্রজিত ।  
 যজ্ঞের সামগ্রী সবে আনিল স্থরিত ॥  
 যজ্ঞস্থলে অগ্নিদেব হন বিচ্যমান ।  
 রুপ্ত হয়ে অগ্নি নাহি লন তার দান ॥  
 অগ্নি বলে নিত্য পূজা কর কি কারণে ।  
 কত বর আমি তোরে দিব রাত্রদিনে ॥  
 ইন্দ্রজিত বলে মোরে দেহ এই বর ।  
 রামসৈন্য মারিয়া পাঠাই যমঘর ॥





অগ্নি বলে হেন বর চাহ অকারণ ।  
 কেমনে মারিবে রামে তিনি নারায়ণ ॥  
 শুনিয়া অগ্নির কথা বেটা পায় ত্রাস ।  
 রথে চড়ি ইন্দ্রজিত উঠিল আকাশ ॥  
 রথ সঞ্চারিয়া যায় উপর গগন ।  
 পশ্চিম-দ্বারেতে যথা শ্রীরাম-লক্ষ্মণ ॥  
 বানর-কটক বলে শুন রঘুনাথ ।  
 এড়ান না যাবে আজি ইন্দ্রজিত-হাত ॥  
 শ্রীরাম বলেন শুন মিত্র বিভীষণ ।  
 কিরূপেতে ইন্দ্রজিত হইবে পতন ॥  
 বিভীষণ বলে শুন রাজীবলোচন ।  
 সামান্যেতে ইন্দ্রজিত না হবে পতন ॥  
 নিকুণ্ডিলা যজ্ঞ করে ছুষ্ট নিশাচর ।  
 করিয়াছে যজ্ঞকুণ্ড লঙ্কার ভিতর ॥  
 যজ্ঞে পূর্ণাহুতি দিয়া যদি যায় রণে ।  
 স্বর্গ মর্ত্য পাতালেতে কার সাধ্য জিনে ॥  
 ব্রহ্মা দিয়াছেন শাপ শুন নারায়ণ ।  
 ইন্দ্রজিতের যজ্ঞ ভঙ্গ করিবে যে জন ॥  
 ইন্দ্রজিত সংগ্রামে মরিবে তার হাতে ।  
 লক্ষ্মণে পাঠায়ে দেহ আমার সঙ্কেতে ॥  
 আহুতি ঢালিয়া যজ্ঞ করিতেছে সাজ ।  
 এ সময়ে গিয়া তার যজ্ঞ করো ভঙ্গ ॥  
 শ্রীরাম বলেন শুন মিত্র বিভীষণ ।  
 কেমনে সঙ্কেটে আমি পাঠাব লক্ষ্মণ ॥  
 একে ইন্দ্রজিত সেই ছুষ্ট নিশাচর ।  
 তাহাতে সঙ্কেট-পুরী লঙ্কার ভিতর ॥  
 বিভীষণ বলে গৌসাই ভাব কি কারণ ।  
 শত-ইন্দ্রজিত-বল ধরেন লক্ষ্মণ ॥  
 লক্ষ্মণের যত শক্তি আমি তাহা জানি ।  
 যুদ্ধেতে লক্ষ্মণ বীরে পাঠাও আপনি ॥  
 তবে তো শ্রীরামচন্দ্র সশঙ্কিত মনে ।  
 বিভীষণ-হাতে সমপিলেন লক্ষ্মণে ॥

রামের চরণ বন্দি বানরগণ সঙ্গে ।  
 বিভীষণ-সহ লক্ষ্মণ চলিলেন সঙ্গে ॥  
 গড়ের নিকটে উপনীত মহাবল ।  
 ভাঙিয়া গড়ের দ্বার প্রবেশে সকল ॥  
 ঘরপোড়া দেখিয়ে রাক্ষসে ভঙ্গ পড়ে ।  
 ধাইয়া বানর সব রাক্ষসেরে বেড়ে ॥  
 বানর-তাড়নেতে রাক্ষসগণ ভাগে ।  
 হনুমান উত্তরিল ইন্দ্রজিত-আগে ॥  
 ইন্দ্রজিতে দেখিয়া হনুর কোপ বাড়ে ।  
 এক লাফে পড়ে গিয়া যজ্ঞকুণ্ড-পাড়ে ॥  
 যজ্ঞদ্রব্য ছড়াইয়া ফেলে চারি ভিতে ।  
 দেখি ক্রোধে সংগ্রামে সাজিল ইন্দ্রজিতে ॥  
 মেঘবর্ণ অঙ্গ তাম্রবর্ণ ছু লোচন ।  
 হনুর উপরে করে বাণ বরিষন ॥  
 বিভীষণ কহিলেন ঠাকুর লক্ষ্মণে ।  
 ঐ দেখ ইন্দ্রজিত বিষ্ণে হনুমাণে ॥  
 ইন্দ্রজিত লক্ষ্মণে দুজনে দরশন ।  
 সন্ধান পুরিয়া বাণ মারেন লক্ষ্মণ ॥  
 লক্ষ্মণ বলেন বেটা শুন ইন্দ্রজিত ।  
 আজি তোরে দেখাইব শমন নিশ্চিত ॥  
 এত যদি লক্ষ্মণ তর্জন করে বলে ।  
 কুপিল যে মেঘনাদ অগ্নি-হেন জলে ॥  
 বিভীষণ বলে তুমি না হও চিন্তিত ।  
 এখনি মরিবে বেটা দুষ্ট ইন্দ্রজিত ॥  
 রণেতে প্রবেশ আগে করুক ইন্দ্রজিত ।  
 মারিব উহারে বন্দী করে চারি ভিত ॥  
 উপরে উঠিবে যদি পাইয়া তরাস ।  
 হনুমান গিয়া রক্ষা করিবে আকাশ ॥  
 অগ্নির কুমার নীল নানা মায়া ধরে ।  
 সূক্ষ্মরূপে যাইয়া পাতাল রক্ষা করে ॥  
 লঙ্কার যতেক সন্ধি বিভীষণ জানে ।  
 জুড়িয়া লঙ্কার পথ রহে বিভীষণে ॥

বিভীষণের যুক্তি না বুঝে ইন্দ্রজিত ।  
 মেঘনাদে বেড়ি বানব মারে চারি ভিত ॥  
 সম্মুখেতে বাণবৃষ্টি করেন লক্ষ্মণ ।  
 লক্ষ্মণের বাণ গিয়া ছাইল গগন ॥  
 অস্ত্র দেখি ইন্দ্রজিত পলায় তরাসে ।  
 রথের সহিত যায় উঠিতে আকাশে ॥  
 সারথি দেখিতে পায় বীর হনুমানে ।  
 পবনবেগেতে বথ চালায় দক্ষিণে ॥  
 লাফ দিয়া হনুমান পড়ে তার বথে ।  
 চূর্ণ কৈল রথখান এক পদাঘাতে ॥  
 ইন্দ্রজিত পলায়ে লঙ্কাতে যেতে চাহে ।  
 চাপিয়া লঙ্কার দ্বার বিভীষণ রহে ॥  
 বিভীষণ বলে বাছা আজি যাবে কোথা ।  
 এখনি লক্ষ্মণ তোব কাটিবেন মাথা ॥  
 শীঘ্র এস লক্ষ্মণ ডাকেন বিভীষণ ।  
 ছবা কবি এ দুষ্টির বধহ জীবন ॥  
 বিভীষণ-বচনে লক্ষ্মণ আগুয়ান ।  
 ইন্দ্রজিত-কাছে গেল পুঁবিয়া সন্ধান ॥  
 দুজনে দেখিয়া বাণ জোড়ে দুইজনে ।  
 দুজনে পড়িল ঢাকা দুজন্যর বাণে ॥  
 ব্রহ্ম-অস্ত্র পুরন্দর দিয়াছেন দান ।  
 লক্ষ্মণ সে ব্রহ্ম-অস্ত্র পুঁবিল সন্ধান ॥  
 লক্ষ্মণ যদি ব্রহ্ম-অস্ত্র পুঁবিল সন্ধান ।  
 অস্ত্র দেখি ইন্দ্রজিতেব উড়িল পরান ॥  
 অব্যর্থ ব্রহ্মার বাণ কেবা ধবে টান ।  
 ইন্দ্রজিতের মাথা কাটি করে দুইখান ॥  
 পড়িল যে ইন্দ্রজিত সংগ্রাম-ভিতরে ।  
 খাইয়া বানরগণ রাক্ষসের মাঝে ॥  
 পলায় রাক্ষসগণ গণিয়া প্রমাদ ।  
 রামজয় বলি কপি ছাড়ে সিংহনাদ ॥  
 কুন্ডিলাস পণ্ডিত কবিষে বিচক্ষণ ।  
 ইন্দ্রজিত-বধ-গীত গান রামায়ণ ॥

॥ ইন্দ্রজিতের মৃত্যু শ্রবণে রাবণ ও  
মন্দোদরীর বিলাপ ॥

মেঘনাদ পড়ে রণে প্রভাত-সময় ।  
ভয়ে রাবণের আগে কেহ নাহি কয় ॥  
স্থানে স্থানে বসি যুক্তি করিছে রাক্ষস ।  
কহিতে রাবণ-আগে না করে সাহস ॥  
পাত্রমিত্র সকলেতে মন্ত্ৰণা করিয়ে ।  
ভগ্নদূত একজন দিল পাঠাইয়ে ॥  
রাবণ-সম্মুখে কহে যোড় করি হাত ।  
রণের সংবাদ শুন রাক্ষসের নাথ ॥  
লঙ্কাপুরী বীরশূন্য হল এতদিনে ।  
মেঘনাদ পড়ে আজি লক্ষ্মণের বাণে ॥  
দূতমুখে শুনি মেঘনাদের মরণ ।  
সিংহাসন হতে পড়ে রাজা দশানন ॥  
পুত্রশোকে কাঁদি রাজা গড়াগড়ি যায় ।  
দশমুণ্ড কলেবর ধূলাতে লোটায় ॥  
ক্ষণে ক্ষণে অচেতন ক্ষণেকে চেতন ।  
কি হল কি হল বলি কান্দিছে রাবণ ॥  
কুড়িচক্ষু বারিধারা লঙ্কা-অধিকারী ।  
ইন্দ্রজিত মৈল বার্তা পায় মন্দোদরী ॥  
স্পন্দহীন মন্দোদরী ধরাতেলে পড়ে ।  
শিরে জল ঢালে কেহ দেখে নেড়ে চেড়ে ॥  
চৈতন্য পাইয়া বলে কোথা ইন্দ্রজিত ।  
দেখা দিয়া প্রাণ রাখো মায়ের হরিত ॥


—

॥ রাবণের যুদ্ধে গমন । লক্ষ্মণের শক্তিশেল ॥

পুত্রশোকে মন্দোদরী করিছে রোদন ।  
মন্দোদরীর ক্রন্দনেতে রুঘিলা রাবণ ॥  
সীতা লাগি মজিল কনক-লঙ্কাপুরী ।  
আজি সীতা কাটিয়া ঘূচাব সব বৈরী ॥

কার সাধ্য প্রবোধিয়া ফিরায় রাবণে ।  
 প্রবেশ করিল গিয়া অশোকের বনে ॥  
 উচ্চৈঃস্বরে সীতাদেবী করেন ক্রন্দন ।  
 সীতারে কাটিতে খড়্গ তুলিল রাবণ ॥  
 পিছে থাকি সাপটিয়া ধরে মন্দোদরী ।  
 ছি ছি মহারাজ বধ কোরো না হে নারী ॥  
 মন্দোদরী কহিতেছে করি জোড়হাত ।  
 পরম পণ্ডিত তুমি রাক্ষসের নাথ ॥  
 একে দেখো মজেছে কনক-লঙ্কাপুরী ।  
 পাপেতে ম'জ না তাহে বধ করে নারী ॥  
 কবে ধরি মন্দোদরী ফিরায় রাবণে ।  
 ঘবে ফিরি রাবণ বসিল সিংহাসনে ॥  
 শোকের উপরে শোক পাইল রাবণ ।  
 বসিয়া সোয়াস্তি নাই করয়ে শয়ন ॥  
 ইন্দ্রজিত-শোক তবু নহে পাসবন ।  
 আপনি সাজিল রাজা করিবারে রণ ॥  
 ধনুর্বাণ লয়ে রাজা যায় মহাক্রোধে ।  
 রানী মন্দোদরী আসি পশ্চাতে বিরোধে ॥  
 আপনার দোষে রাজা কৈলে বংশনাশ ।  
 রামের সীতা রামে দেহ থাকো গৃহবাস ॥  
 মন্দোদরী-পানে রাজা ফিরিয়ে না চায় ।  
 মৃত্যুকালে রোগী যেন ঔষধ না খায় ॥  
 বিচিত্র-নির্মাণ রথ অষ্ট ঘোড়া বহে ।  
 রথের উপরে উঠে দশানন কহে ॥  
 ধনুক ধরিতে লঙ্কায় যে যে বীর জানে ।  
 ছোট বড় সাজিয়ে আশুক মোর সনে ॥  
 ইন্দ্রজিত পড়ে রণে বীর-চূড়ামণি ।  
 আর কারে পাঠাইব যাইব আপনি ॥  
 পশ্চিম দ্বারে আছে শ্রীরাম-লক্ষ্মণ ।  
 যুদ্ধিবারে সেই দ্বারে গেলেন রাবণ ॥  
 নীল বীরে দশানন দেখিয়া সম্মুখে ।  
 ত্রিশ বাণ বিক্ষিলেক নীলবীর-বুকে ॥





ত্রিশ বাণে পড়িল কুমুদ মহাবীর ।  
 নয় বাণে বিধ্বং জাম্বুবানের শরীর ॥  
 গয় গবাক্ষ বিধ্বং দশ দশ বাণে ।  
 দুই শত বাণে বিধ্বং বীর হনুমান ॥  
 আশী গোটা বাণ খেয়ে অঙ্গদ পড়িল ।  
 পঞ্চদশ বাণে বীর সুষেণে বিধ্বং ॥  
 সারথিরে আজ্ঞা তবে দিল দশানন ।  
 পশুর সঙ্গেতে যুদ্ধ নাহি প্রয়োজন ॥  
 রথ লহ রাম আর লক্ষ্মণের কাছে ।  
 সে উভয়ে মারিয়ে বানর মারি পিছে ॥  
 রাবণের আজ্ঞা পেয়ে সারথি সঙ্কর ।  
 চালাইয়া দিল রথ রামের গোচর ॥  
 দৈবেব লিখন কভু না যায় খণ্ডন ।  
 শ্রীরাম-রাবণে দৌহে বাজে মহারণ ॥  
 বাছিয়া রাবণ বরিষয়ে খরশর ।  
 বিধ্বিয়া কোমল অঙ্গ করিল জর্জর ॥  
 বাণাঘাতে রঘুনাথ হল অচেতন ।  
 রামে পাছু করি আগে রহিল লক্ষ্মণ ॥  
 রাবণ-উপরে বীর শীঘ্র এড়ে বাণ ।  
 দিব্য বাণ মারিলেন পুরিয়া সন্ধান ॥  
 লক্ষ্মণ যে বাণ মারে বলে মহাবল ।  
 সারথির মুণ্ড কাটি পাড়ে ভূমিতল ॥  
 কোপেতে রাবণ চাহে লক্ষ্মণের পানে ।  
 ময়দানবের শেল পড়ে গেল মনে ॥

শমনের ভগ্নী শেল শক্তি নাম ধরে ।  
 যারে মারে শক্তিশেল সেই জন মরে ॥  
 একজনে মারিলে না মরে অণু জন ।  
 যারে শেল মারে তার অবশ্য মরণ ॥  
 পড়িল লক্ষ্মণ বীর রঘুবংশচূড়া ।  
 প্রবেশে সকল শেল বাহিরেতে গোড়া ॥  
 ভূমেতে পতিত বীর না নাড়েন পাশ ।  
 শেল বিদ্ধি লক্ষ্মণের ঘন বহে শ্বাস ॥  
 লক্ষ্মণে এড়িয়া সব পলায় বানর ।  
 দেখিয়া তা রঘুনাথ হইল ফাঁপর ॥  
 ভঙ্গ দিয়া পলায় বানর যত বীর ।  
 প্রবোধ-বচনে রাম করিলেন স্থির ॥  
 লক্ষ্মণে জিনিল বলে না ভাবিয়ো মনে ।  
 মারিয়া পাড়িব বেটা আজিকার রণে ॥  
 রঘুনাথ-বাক্যে করে সাহসেতে ভর ।  
 লক্ষ্মণেরে রক্ষা করে যতেক বানর ॥  
 বাছিয়া বাছিয়া রাম প্রহারেন বাণ ।  
 রাক্ষস-কটক কেটে কৈল খান খান ॥  
 শ্রীরামের বাণে রাজা করে ধড়্‌ফড়্‌ ।  
 সহিতে না পারে রাজা উঠে দিল রড়্‌ ॥  
 লঙ্কাতে পলায়ে গেল রাজা লঙ্কেশ্বর ।  
 পশ্চাতে বানর ধায় বলে ধর্‌ ধর্‌ ॥  
 রণ জিনি রঘুনাথ পেয়ে অবসর ।  
 লক্ষ্মণেরে কোলে করি কান্দেন বিস্তর ॥  
 সুবেণ বলেন শুন পবননন্দন ।  
 ঔষধ আনিতে যাও সে গন্ধমাদন ॥  
 গিরি গন্ধমাদন সে সর্বলোকে জানি ।  
 তাহাতে ঔষধ আছে বিশল্যকরণী ॥  
 আনহ ঔষধ সেই বিশল্যকরণী ।  
 রাত্রিমধ্যে আনহ যাবৎ আছে প্রাণী ॥  
 বিলম্ব না করো বীর যাও এইক্ষণ ।  
 তোমার প্রসাদে জীবে ঠাকুর লক্ষ্মণ ॥

হাসিয়া বলেন তবে পবননন্দন ।  
 এ রাত্রে ঔষধ আনি জীয়াব লক্ষ্মণ ॥  
 শ্রীরাম-সুগ্রীবের করি বিদায়ভাষণ ।  
 ঔষধ আনিতে বীর করিল গমন ॥  
 মহাশব্দ করে যায় শুনিতে গভীর ।  
 দেখিয়া মনেতে প্রীতি পায় রঘুবীর ॥  
 উপনীত হনুমান সে গন্ধমাদন ।  
 ঔষধ খুঁজিয়া ফিরে পবননন্দন ॥  
 ঔষধ না পায় হনু ভাবে মনে মন ।  
 শিখরে শিখরে ভ্রমে পবননন্দন ॥  
 ভাবিয়া চিন্তিয়া কবে সাহসেতে ভর ।  
 ডালে মূলে লয়ে যায় পর্বত-শিখর ॥  
 হইতে সাগর পার চলে বায়ুবেগে ।  
 রাখিল পর্বত লয়ে সবাচার আগে ॥  
 পর্বত দেখিয়া সবে হইল বিস্ময় ।  
 প্রণাম করিয়া বীর রঘুনাথে কয় ॥  
 ঔষধ চিনিতে নাহি পারি কোনোমতে ।  
 একারণে আনিলাম পর্বত-সমেতে ॥  
 শ্রীরাম বলেন বাপু পবনকুমার ।  
 ত্রিভুবনে কোন্ কার্য অসাধ্য তোমার ॥  
 রাম বলে হনু দিল পর্বত আনিয়া ।  
 আপনি সুষেণ লও ঔষধ চিনিয়া ॥  
 আনন্দে সুষেণ হনুমানেরে বাখানি ।  
 চিনিয়া ঔষধ আনে বিশল্যকরণী ॥  
 ঔষধ আনিয়া দিল লক্ষ্মণের নাকে ।  
 আনন্দে বানরগণ রামজয় ডাকে ॥  
 অন্তরে অন্তরে বিধে ঔষধের প্রাণ ।  
 সজ্ঞান হইল বীর সঞ্চারিল প্রাণ ॥  
 চক্ষু মেলি লক্ষ্মণ শ্রীরাম-পানে চান ।  
 লক্ষ্মণে দেখিয়া রামের স্থির হল প্রাণ ॥  
 ভাই ভাই বলি রাম হন উতরোল ।  
 পুলকেতে শ্রীরাম লক্ষ্মণে দেন কোল ॥

অন্তরীক্ষ-পথে পুনঃ চলে হনুমান ।  
যথাস্থানে রাখিলেন সে গন্ধমাদন ॥

॥ মহীরাবণের পালা ॥

কোলাহল শুনে ভাবে রাজা দশানন ।  
মরিয়ে মানুষ বেটা পাইল জীবন ॥  
মরিয়ে না মরে এ কি বিপরীত হেরি ।  
জানিলাম মজিল কনক-লঙ্কাপুরী ॥  
পাতালে আছেয়ে পুত্র সে মহীরাবণ ।  
মহাতেজ ধরে পুত্র জিনে ত্রিভুবন ॥  
হেন পুত্র থাকিতে মজিল লঙ্কাপুরী ।  
তাহার সম্মুখে যুঝিবেক কোন্ বৈরী ॥  
একমনে চিন্তে তারে রাজা লঙ্কেশ্বর ।  
টনক নড়িল তার কপাল-উপর ॥  
অবিলম্বে উপনীত লঙ্কার ভিতর ।  
সিংহাসনে বসি কাঁদে রাজা লঙ্কেশ্বর ॥  
মহী দেখি মহারাজ তাজে সিংহাসন ।  
আলিঙ্গন দিয়া কোলে লইল নন্দন ॥  
সিংহাসনে ছুজনে বসিল একাসনে ।  
করজোড় করি মহী বলে পিতৃস্থানে ॥  
কোন্ কার্যে পিতা মোরে করিলে স্মরণ ।  
আজ্ঞা কবো উদ্ধারিব কোন্ প্রয়োজন ॥  
কান্দিয়া রাবণ বলে চক্ষে পড়ে জল ।  
লঙ্কার দুর্গতি যত কহিল সকল ॥  
দুর্জয় লঙ্ঘন-রামে জিনিতে না পারি ।  
সংকটে পড়িয়া বাপু তোমায়ে যে স্মরি ॥  
রাবণ কহিল যদি এতেক কাহিনী ।  
সে মহীরাবণ কহে জোড় করি পাণি ॥  
কটাক্ষে মারিব যারে তার সঙ্গে রণ ।  
হেন মায়া করিব না জানে কোনো জন ॥

নর-বানর ভুলাইব কত বড় কাজ ।  
 আর দুঃখ না ভাবিয়ো শুন মহারাজ ॥  
 শ্রীরাম-লক্ষ্মণ তব বৈরী দুইজনে ।  
 নরবলি দিব লয়ে পাতালভুবনে ॥  
 দুইজনে কহে কথা বসি সিংহাসনে ।  
 মায়াবলে সব তত্ত্ব জানে বিভীষণে ॥  
 বিভীষণ কহে আসি করি জোড়হাত ।  
 আজি বড় সংকট যে দেখি রঘুনাথ ॥  
 রাবণের পুত্র এক সে মহীরাবণ ।  
 মায়ার সাগর বেটা বুদ্ধে বিচক্ষণ ॥  
 হেন দুষ্ট আসিয়াছে লঙ্কার ভিতরে ।  
 আজি নিশি জাগো সবে হইয়া সত্বরে ॥  
 এত শুনি রামে কহে পবননন্দন ।  
 বিষ্ণুচক্র আকাশে করহ আচ্ছাদন ॥  
 চক্র-আচ্ছাদন যদি রহিল গগনে ।  
 শূন্যেতে আসিতে পাবে কাহার পরানে ॥  
 বিশ্বকর্মা-পুত্র নল মায়ার নিদান ।  
 পাতালে রহুক গিয়া হয়ে সাবধান ॥  
 সাবধান হয়ে সবে রহ সারি সারি ।  
 লেজে গড় বান্ধি আমি তাহে থাকি দ্বারী ॥  
 লেজ হয় দীর্ঘাকার শতেক যোজন ।  
 গড়িল বিচিত্র গড় পবননন্দন ॥  
 গড়ের দ্বারেতে দ্বারী আপনি সে রহে ।  
 কার সাধ্য প্রবেশ করিতে পারে তাহে ॥  
 দ্বিতীয় প্রহর নিশি ঘোর অন্ধকার ।  
 বিভীষণ বলে শুন পবনকুমার ॥  
 আপনি পবন যদি আসে তব পিতা ।  
 প্রবেশ করিতে তারে নাহি দিবে হেথা ॥  
 এত বলি বাহির হইল বিভীষণ ।  
 গড়ের চৌদিকে দেখে করিয়া ভ্রমণ ॥  
 রাবণে প্রণাম করে সে মহীরাবণ ।  
 শ্রীরামের নিকটেতে করিল গমন ॥

মনে মনে ভাবে মহী রাবণনন্দন ।  
 মায়াতে হরিব আজি শ্রীরাম-লক্ষ্মণ ॥  
 দশরথ হয়ে আসি দিল দরশন ।  
 দশরথ বলে শুন পবননন্দন ॥  
 আমার সম্মুখ ছুটি শ্রীরাম-লক্ষ্মণ ।  
 শ্রীরাম-লক্ষ্মণ সনে করি দরশন ॥  
 হনুমান বলে গোসাঞি করি নিবেদন ।  
 ক্ষণেক বিলম্ব করো আশুক বিভীষণ ॥  
 হেনকালে বিভীষণ দিলা দরশন ।  
 তরাসে পলায়ে গেল সে মহীরাবণ ॥  
 ভরত হইয়া পুনঃ এল হনু-কাছে ।  
 শ্রীরাম-লক্ষ্মণ দুই ভাই কোথা আছে ॥  
 শ্রীরাম-লক্ষ্মণ কোথা করি দরশন ।  
 এত শুনি কহিলেন পবননন্দন ॥  
 ক্ষণেক বিলম্ব করো আশুক বিভীষণ ।  
 এত শুনি পাছু হাঁটে সে মহীরাবণ ॥  
 উপনীত হইল রাক্ষস বিভীষণ ।  
 কহিল সকল কথা পবননন্দন ॥  
 বিভীষণ বলে শুন আমার বচন ।  
 দ্বার না ছাড়িবে যদি আইসে পবন ॥  
 এতেক বলিয়া তিনি করেন গমন ।  
 বিভীষণ হয়ে মহী দিল দরশন ॥  
 হনুমান বলে তুমি গেলে এইক্ষণে ।  
 এত শীঘ্র ফিরে এলে কিসের কারণে ॥  
 মহীরাবণ বলে শুন পবননন্দন ।  
 চোর মায়া কত জানে সে মহীরাবণ ॥  
 সাবধানে থাকো হনু আজিকার নিশি ।  
 রাম-লক্ষ্মণের হাতে রক্ষা বেঁধে আসি ॥  
 এতেক বলিয়া মহী গড়েতে প্রবেশে ।  
 অলক্ষিতে গেল রাম-লক্ষ্মণের পাশে ॥  
 মহামায়া স্মরি ধূলা দিল উড়াইয়ে ।  
 রাম-লক্ষ্মণ নিজা যায় অচেতন হয়ে ॥

অচেতন্য হয়ে পড়ে যতেক বানর ।  
 হাত হতে খসে পড়ে গাছ ও পাথর ॥  
 শ্রীরাম-লক্ষ্মণ দৌহে নিদ্রা-অচেতন ।  
 স্রুড়ঙ্গে লইয়া গেল আপন ভবন ॥  
 হেথায় গড়ের দ্বারে এল বিভীষণ ।  
 হনুমান-স্থানে বার্তা পুছে ঘনে ঘন ॥  
 হনু জানে বিভীষণ গড়ের ভিতরে ।  
 হনুমান দেখে তাকে গড়ের বাহিরে ॥  
 হনুমান বলে সে রাক্ষস বিভীষণে ।  
 ঔষধ বান্ধিতে তুমি গেলে যে এক্ষণে ॥  
 বাহির হইয়া এলে কোন্ পথ দিয়া ।  
 তোমারে দেখিয়া মোর স্থির নহে হিয়া ॥  
 বিভীষণ বলে মহীরাবণ কপটে ।  
 এসেছিল হনুমান তোমার নিকটে ॥  
 কত রূপ হয়ে এল সে মহীরাবণ ।  
 ভুলাতে না পেরে শেষে হল বিভীষণ ॥  
 হনুমান বলে কথা শুনে লাগে ডর ।  
 মায়াতে কি মহী গেল গড়ের ভিতর ॥  
 বিভীষণ বলে শুন পবনন্দন ।  
 চলো তবে দেখি গিয়া শ্রীরাম-লক্ষ্মণ ॥  
 দ্রুতগতি যায় দৌহে ধৈয়ে উৰ্ব্বমুখে ।  
 শ্রীরাম-লক্ষ্মণ নাই শূন্যময় দেখে ॥  
 আশ্চর্য দেখিল তাহে স্রুড়ঙ্গ নির্মাণ ।  
 রাম-লক্ষ্মণে না দেখে আকুল পরান ॥  
 স্রুগ্রীব অঙ্গদ আদি ঘুমে অচেতন ।  
 প্রমাদ পড়িল উঠ বলে বিভীষণ ॥  
 কটক-ভিতরে শুনে হল মহারোলা  
 বানরমণ্ডলে উঠে ক্রন্দনের রোল ॥

॥ শ্রীরাম-লক্ষ্মণের অশ্বেষণে হনুমানের  
 পাতালপুরে গমন । মহীরাবণ বধ ॥  
 মারুতি বলেন আমি যাব অশ্বেষণে ।  
 স্বর্গ মর্ত পাতাল খুঁজিব ত্রিভুবনে ॥  
 স্নুগ্রীব রাজার কাছে হইয়া বিদায় ।  
 স্নুড়ঙ্গে প্রবেশ করি হনুমান যায় ॥  
 যে পথে লক্ষ্মণ রামে হরেছে রাক্ষসে ।  
 সেই পথে গেল বীর চক্ষুর নিমিষে ॥  
 সকল পাতালপুরী ভ্রমে একে একে ।  
 মহীরাবণের পুরী দেখিল সম্মুখে ॥  
 ছদ্মবেশ ধরিয়া খুঁজিল সব পুরী ।  
 রাক্ষসের পুরী যেন অমর-নগরী ॥  
 চক্ষুর নিমিষে গেল রাজ-অন্তঃপুরে ।  
 শ্রীরাম-লক্ষ্মণ যথা বন্দী আছে ঘরে ॥  
 চারি দিকে নিশাচর আছে অগণন ।  
 ঘরের ভিতরে আছে শ্রীরাম-লক্ষ্মণ ॥  
 মক্ষিকরূপে প্রবেশিল ঘরের ভিতরে ।  
 শরীর ধারণ করি দৌহে নমস্কারে ॥  
 শ্রীরাম বলেন শুন পবননন্দন ।  
 বিপাকে পড়েছি হেথা হইবে কেমন ॥  
 জোড়হস্তে কহে হনু শ্রীরামের আগে ।  
 রাক্ষস মারিতে প্রভু কোন্ ভার লাগে ॥  
 মহীর গৃহেতে আছে জগত-জননী ।  
 তাঁহারে প্রত্যহ মহী পূজয়ে আপনি ॥  
 পূজাস্তে কহিবে করো দেবীরে প্রণাম ।  
 প্রণাম না জানি হেন কহিবে শ্রীরাম ॥  
 প্রণাম করিতে মহী দেখাবে তোমারে ।  
 অষ্টাঙ্গ লোটায়ে রবে ভূমির উপরে ॥  
 আমি তবে খড়্গা লয়ে মহীরে কাটিব ।  
 তাহারে বধিয়া আমি তোমা উদ্ধারিব ॥  
 মারুতির বচনে হরিষ হুই ভাই ।  
 তোমা হতে সংকটেতে পরিত্রাণ পাই ॥



এই যুক্তি করিয়া রহিল তিনজন ।  
 দেবীরে পূজিতে রাজা করিল গমন ॥  
 আদেশিয়া আনাইল শ্রীরাম-লক্ষ্মণে ।  
 দুজনারে রাখে এনে দেবীর দক্ষিণে ॥  
 হেনকালে হনুমান প্রবেশিল ঘরে ।  
 অলক্ষিতে রহিলেন দেবীর প্রান্তরে ॥  
 পূজা করিবারে রাজা বসিল আসনে ।  
 প্রতিমার আড়ে থাকি হনু দেখে শুনে ॥  
 রাশি রাশি ফল ফুল দিয়ে রাজা পূজে ।  
 শত্ৰু ঘণ্টা ঢাক ঢোল নানা বাজ বাজে ॥  
 অর্চনা করিল রাজা খাণ্ডা খরশান ।  
 প্রণাম করিতে মহী কৈল সম্বিধান ॥  
 শ্রীরাম-লক্ষ্মণ বলে প্রণাম না জানি ।  
 কেমনে প্রণাম করে দেখাও আপনি ॥  
 বিধির নির্বন্ধ কভু খণ্ডাইতে নারে ।  
 রামেরে দেখায় রাজা দণ্ডবৎ ক'রে ॥  
 দেবীর হাতের খড়া লয়ে হনুমান ।  
 লাফ দিয়ে মহীরে করিল ছুইখান ॥  
 প্রতিমা-রূপিণী দেবী মহামায়া হাসে ।  
 অনুচরগণ দেখে পলায় তরাসে ॥  
 মুক্ত করিলেন হনু শ্রীরাম-লক্ষ্মণে ।  
 হনুর প্রতাপেতে হাসেন দুইজনে ॥  
 হইয়ে হরিষযুক্ত চলে তিনজন ।  
 আগে রাম পাছে হনু মধ্যেতে লক্ষ্মণ ॥  
 সুড়ঙ্গের পথেতে উঠিল তিনজন ।  
 কৃষ্ণিবাস বিরচিত গীত রামায়ণ ॥  
 চারি দ্বার চাপিয়া বানরের সিংহনাদ ।  
 শুনিয়া রাবণরাজা গণিল প্রমাদ ॥  
 মহীরাবণ পড়িল শুনিল দশানন ।  
 জীবনের আশা ছাড়ি করিছে ক্রন্দন ॥

॥ রাবণের তৃতীয় দিবস যুদ্ধে গমন ও পতন ॥

জ্বীলোকের ক্রন্দন উঠিল ঘরে ঘরে ।  
 অভিমানে শোকে মত্ত রাজা লঙ্কেশ্বরে ॥  
 যুঝিবার তরে সাজে রাজা দশানন ।  
 সর্বাঙ্গে ভূষিত কৈল রাজ-আভরণ ॥  
 ভয়ে অভিমানে রাজা অঁখি ছলছল ।  
 কোপমনে যুঝিতে চলিল রণস্থল ॥  
 যতেক আছিল সৈন্য লঙ্কার ভিতর ।  
 সাজিয়া রাবণ-সঙ্গে চলিল সত্বর ॥  
 রথোপরে যুঝে রাজা রাম ভূমিতলে ।  
 দেবগণ কম্পমান গগনমণ্ডলে ॥  
 বাছিয়া বাছিয়া বাণ এড়ে লঙ্কেশ্বর ।  
 বাণ ফুটে রঘুনাথ হইল কাতর ॥  
 কাতর হইয়া রাম ধনু দিল টান ।  
 বিষ্ণি রাবণের অঙ্গ কৈল খান্ধান ॥  
 বানরেতে গাছ পাথর ফেলে চারি ভিতে ।  
 চারি দিকে মারে রাবণ না পারে সহিতে ॥  
 বজ্র অস্ত্র মারে রাম রাবণ-উপর ।  
 মূর্ছিত হইয়া পড়ে রথের উপর ॥  
 হাত-পা আছাড়ি রাজা করে ধড়্‌ফড়্‌ ।  
 রাবণ লয়ে সারথি উঠিয়া দিল রড়্‌ ॥  
 কত দূরে গিয়া রাজা পাইল চেতন ।  
 সারথিরে গালি পাড়ে ঘণিতলোচন ॥  
 কোপমনে অশ্বপৃষ্ঠ মারিল চাবুক ।  
 বেগে উত্তরিল রথ রামের সম্মুখ ॥  
 শক্তিমত ধনুক টানয়ে ছুইজনে ।  
 অগ্নিসম দেখে কম্প লাগে ত্রিভুবনে ॥  
 রোধ হল চন্দ্রসূর্য-গমনাগমন ।  
 দিবা রাত্রি সপ্তাহ বিচ্ছেদ নাহি রণ ॥  
 সপ্তদিন নাহি দেখি কে আছে কোথায় ।  
 শূণ্যে অঙ্গদ আদি পলাইয়া যায়-না

নল নীল সুষেণ পলায় হনুমান ।  
 সসৈন্তে পলায় সবে লইয়া পরান ॥  
 শ্রীরাম-লক্ষ্মণ ক্রোধে শমন-সমান ।  
 ঝাঁকে ঝাঁকে ফেলে যেন যমসম বাণ ॥  
 যত নিশাচর পলায় ফেলে ধনুর্বাণ ।  
 দলবল সহিত পলায় জাম্বুবান ॥  
 ব্রহ্মকবচ কাটি রাম তীক্ষ্ণ অস্ত্র হানে ।  
 তবু যুঝে দশানন শ্রীরামের সনে ॥  
 যত বাণ মারে রাম না মরে রাবণ ।  
 রাবণ মরিবে কিসে ভাবে নারায়ণ ॥  
 বিভীষণ কহিলেন রামের গোচরে ।  
 রাবণের মৃত্যু-বাণ রাবণের ঘরে ॥  
 মন্দোদরী নিকটেতে আছে যে নির্ধাস ।  
 সে বাণ আনিলে হয় রাবণ-বিনাশ ॥  
 মন্দোদরী-অন্তঃপুর ভয়ংকর স্থান ।  
 ব্রহ্মা আদি দেবগণ নিকটে না যান ॥  
 এত যদি কহিল রাক্ষস বিভীষণ ।  
 হেনকালে উপনীত পবননন্দন ॥  
 হনুমান বলে কেন ভাব রঘুমণি ।  
 আমি গিয়া মৃত্যুবাণ আনিব এখনি ॥  
 এত বলি রঘুনাথে প্রণাম করিয়ে ।  
 জাম্বুবান-সুগ্রীবের পদধূলি লয়ে ॥  
 ধীরে ধীরে অন্তঃপুরে করিল প্রবেশ ।  
 মায়া করি নিল বৃদ্ধ ব্রাহ্মণের বেশ ॥  
 ব্রাহ্মণ দেখিয়া রানী পুলকিতমন ।  
 বৈস বৈস বলি দিল রত্ন-সিংহাসন ॥  
 রানী দিল সিংহাসন তাহে না বসিয়ে ।  
 কক্ষে ছিল কুশাসন বসিল বিছায়ে ॥  
 দ্বিজ বলে আমি বড় জ্যোতিষে পণ্ডিত ।  
 চিরকাল চিন্তা করি রাবণের হিত ॥  
 নর-বানরেতে আসি পাড়িল প্রমাদ ।  
 রাজার হউক জয় করি আশীর্বাদ ॥

প্রত্যহ জ্যোতিষ গণি দেখি পূর্বাপর ।  
 কি করিতে পারিবেক নর ও বানর ॥  
 যে ধন মন্দোদরী আছে তোমার ঘরে ।  
 শত রামে রাবণের কি করিতে পারে ॥  
 মন্দোদরী বলে এমন আছয়ে কি ধন ।  
 দ্বিজ বলে দেখিলাম করিয়া গণন ॥  
 জ্যোতিষ-গণনে জানি যত সমাচার ।  
 রাজার জীবন-মৃত্যু গৃহেতে তোমার ॥  
 প্রবন্ধে রাবণ রাজ্য হয়েছে অমর ।  
 প্রকাশিয়ে না কহিবে কাহার গোচর ॥  
 বিপ্লবের বচনে রানীর হল বিস্ময় ।  
 সামান্য গণক এই দ্বিজবর নয় ॥  
 এত ভাবি মন্দোদরী কহে দ্বিজবরে ।  
 লুকায়ে বেখেছি তাহা পরম আদরে ॥  
 দ্বিজ বলে তুষ্ট হলেম তোমার বচনে ।  
 সাবধানে রেখো যেন কেহ নাহি শুনে ॥  
 এত বলি দ্বিজবর চলিল সত্বরে ।  
 পদ দুই গিয়া পুনঃ দাণ্ডাইল ফিরে ॥  
 দ্বিজবর কহে শুন রানী মন্দোদরী ।  
 যত কহ তবু তুমি হীনবুদ্ধি নারী ॥  
 রেখেছ গোপনে সত্য মিথ্যা কভু নয় ।  
 তথাপি তোমার বাক্যে না হয় প্রত্যয় ॥  
 ঘবভেদী বিভীষণ যে দারুণ বৈরী ।  
 প্রমাদ ঘটতে পারে কুমন্ত্রণা করি ॥  
 মন্দোদরী বলে দ্বিজ না ভাব অন্তরে ।  
 বিভীষণের সাধ্য হতে থাকিল বাহিরে ॥  
 পরম সাপক্ষ তুমি রাজার পক্ষেতে ।  
 বিশেষ না কব কেন তোমার সাক্ষাতে ॥  
 তব আশীর্বাদে তাহা কে লইতে পারে ।  
 রেখেছি জড়িত এই স্তম্ভের ভিতরে ॥  
 বিশেষ নারীর মুখে শুনিয়া মারুতি ।  
 ভাঙিল স্ফটিকস্তম্ভ মারি এক লাথি ॥

ভাঙিতে স্ফটিকস্তম্ভ দৃষ্ট হল বাণ ।  
 বাণ লয়ে লাফ দিল বীর হনুমান ॥  
 নিজ মূর্তি ধরি গিয়া বসিল প্রাচীরে ।  
 আর এক লাফে গেল রামের গোচরে ॥  
 বাণ দিয়ে রঘুনাথে করিল প্রণাম ।  
 মহানন্দে হনুমানে কোল দেন বাম ॥  
 শ্রীরাম বলেন রাজা কি ভাবিছ বসে ।  
 মরণ নিকট তব যুদ্ধ দেহ এসে ॥  
 এত বলি দিলা বাম ধনুকে টংকার ।  
 শ্রীরাম-রাবণে যুদ্ধ বাজে আর বার ॥  
 হইল বিষম যুদ্ধ না যায় গণন ।  
 মহাকোপে বাণবৃষ্টি করিছে রাবণ ॥  
 মৃত্যু-অস্ত্র রঘুনাথ জুড়ে মন্তবলে ।  
 ধূম উঠে বাণমুখে ব্রহ্ম-অগ্নি জ্বলে ॥  
 মহাশব্দ করিয়া সঘনে গর্জে বাণ ।  
 দেখিয়া যে রাবণের উড়িল পরান ॥  
 চিনিল রাবণ রাজা দেখি মৃত্যুবাণ ।  
 জানিল যে এই বাণে বাহিরাবে প্রাণ ॥  
 বিশ্বামিত্র স্মরি বাণ ছাড়ে রঘুবীর ।  
 রাবণের বুকে বিক্সি কৈল দুই চির ॥  
 ছটফট করে রাজা পড়ি ভূমিতলে ।  
 ব্রহ্মাদি দেবতা দেখে গগনমণ্ডলে ॥  
 পর্বত জিনিয়া অঙ্গ ধরণী লোটায় ।  
 দেখিয়া দয়াল রাম করে হায় হায় ॥  
 বিভীষণ রাবণেরে তুলি নিল কোলে ।  
 কান্দিতে লাগিল তবে ভাই ভাই বলে ॥  
 অন্তঃপুরে শুনে সবে পড়িল রাবণ ।  
 দেখিবারে ধাইল যতেক নারীগণ ॥  
 মন্দোদরী কান্দে ধরি স্বামীর চরণে ।  
 কেমনে ধরিব প্রাণ তোমার মরণে ॥  
 কেন বা আনিলে সীতা এ কালসাপিনী ।  
 স্বর্ণলঙ্কাপুরে না রহিল এক প্রাণী ॥

পতিপুত্র মরিল কেমনে প্রাণ ধরি ।  
 ধরণী লোটায়ে কাঁদে রানী মন্দোদরী ॥  
 বিভীষণ বলে শুন রানী মন্দোদরী ।  
 আর না বিলাপ কর চলো অন্তঃপুরী ॥  
 রাবণের চিতাধূম উঠে ততক্ষণ ।  
 মুক্ত হয়ে গেল রাবণ বৈকুণ্ঠভুবন ॥

—  
 ॥ বিভীষণের অভিষেক ॥

রণে অবসর পেয়ে কমললোচন ।  
 লক্ষ্মণ-সহিত গিয়া বসিল তখন ॥  
 রামজয় শব্দ করে যত কপিগণ ।  
 বিভীষণে অভিষেক কৈল নারায়ণ ॥  
 ছত্রদণ্ড দিল আর স্বর্ণলঙ্কাপুরী ।  
 অভিষেক করি দিল রানী মন্দোদরী ॥  
 লঙ্কাপুরে ভূপতি হইল বিভীষণ ।  
 কুন্তিবাস বিরচিত গীত রামায়ণ ॥

—  
 ॥ সীতার অগ্নি-পরীক্ষা ॥

পাত্রমিত্র লয়ে রাম বসিল দেওয়ানে ।  
 সীতারে আনিতে পাঠাইল হনুমান ॥  
 সীতারে আনিতে ধায় পবননন্দন ।  
 প্রবেশিল হনুমান অশোকের বন ॥  
 সীতারে দেখিয়া হনু নোঙাইল মাথা ।  
 জোড়হাতে কহে বীর শ্রীরামের কথা ॥  
 হনুর নিকটে শুনি এতেক কাহিনী ।  
 আনন্দ-সাগরে ভাসে সীতা-ঠাকুরানী ॥  
 বিভীষণ আনে দোলা রতনে মণ্ডিত ।  
 সীতার সম্মুখে আনি কৈল উপস্থিত ॥

মন্দোদরী প্রণাম করিল হেনকালে ।  
 ধুলায় ধূসর অঙ্গ আলুয়িত চলে ॥  
 মন্দোদরী বলে শুন জনকনন্দিনী ।  
 তোমা লাগি হইলাম আমি অনাথিনী ॥  
 পুরী-সহ বিনাশ করিয়া কোপাশ্রমে ।  
 আনন্দে চলেছ তুমি রাম-সম্ভাষণে ॥  
 এ আনন্দে নিরানন্দ হবে অকস্মাৎ ।  
 বিষদৃষ্টে তোমাতে দেখিব রঘুনাথ ॥  
 যদি সতী হই থাকে পতিপ্রতি মন ।  
 কখনও আমার শাপ না হবে খণ্ডন ॥  
 এত বলি অন্তঃপুরে গেল মন্দোদরী ।  
 সীতা লয়ে বিভীষণ গেল দ্বারা করি ॥  
 রামের চরণে সীতা করে নমস্কার ।  
 করিলেন লক্ষ্মণেরে বাৎসল্য ব্যাভার ॥  
 করপুটে সীতা রহিলেন সভাস্থানে ।  
 লক্ষ্মণ প্রণাম করে তাঁহার চরণে ॥  
 শ্রীরাম ব্যাকুল অতি হরিষ-বিষাদে ।  
 সতী স্ত্রী ছাড়িতে চান লোক-অপবাদে ॥  
 বহিছে চক্ষুর জল শ্রীরাম কাতর ।  
 সীতারে বলেন কিছু নির্ভুর উত্তর ॥  
 আমার না ছিল কেহ সীতা তব পাশ ।  
 ব্যবহার তোমার না জানি দশ মাস ॥  
 কেহ কিছু নাহি বলে স্তব্ধ সর্বজন ।  
 ধীরে ধীরে কন সীতা মুছিয়া নয়ন ॥  
 জনক রাজার বংশে আমার উৎপত্তি ।  
 দশরথ স্বশুর যে তুমি-হেন পতি ॥  
 ভালোমতে জান প্রভু আমার প্রকৃতি ।  
 জানিয়া শুনিয়া কেন করিছ দুর্গতি ॥  
 কৃপা করো লক্ষ্মণ করহ এ প্রসাদ ।  
 অগ্নিকুণ্ড সাজাও ঘুচুক অপবাদ ॥  
 লক্ষ্মণ রামের স্থানে চাহেন সম্মতি ।  
 শ্রীরাম বলেন কুণ্ড সাজাও সম্প্রতি ॥

লক্ষ্মণ রামের বাক্যে সাজাইল কুণ্ড ।  
 বানর কটক বহু আনিল ত্রীখণ্ড ॥  
 কনক-অঞ্জলি দিয়া অগ্নির উপরে ।  
 জোড়হাতে জানকী বলেন ধীরে ধীরে ॥  
 কায়মনোবাক্যে যদি হই আমি সতী ।  
 তবে অগ্নি তব কাছে পাব অব্যাহতি ॥  
 শিরে হাত দিয়া কান্দে সবে সবিশেষ ।  
 সীতা-সতী অগ্নিমধ্যে করেন প্রবেশ ॥



আকাশ পাতাল জুড়ে অগ্নিশিখা জ্বলে ।  
 আপনি উঠিল অগ্নি সীতা লয়ে কোলে ॥  
 অগ্নি হতে উঠিলেন সীতা-ঠাকুরানী ।  
 যেমন তেমনি আছে গাত্রবস্ত্রখানি ॥  
 শ্রীরামের হাতে সীতা করি সমর্পণ ।  
 স্বস্থানে প্রস্থান অগ্নি করেন তখন ॥  
 শ্রীরাম বলেন ওহে রাক্ষসাদিপতি ।  
 আমার বচন তুমি করো অবগতি ॥



চতুর্দশ বর্ষ ভ্রমিলাম বহু ক্লেশে ।  
 হেন যুক্তি করো যেন ঝাঁট যাই দেশে ॥  
 বিভীষণ বলে প্রভু পেলে বড় ক্লেশ ।  
 একদিন মধ্যে তুমি যাবে নিজ দেশ ॥  
 কুবেরের রথ যে পুষ্পক তার নাম ।  
 একদিনে তোমারে লইবে নিজ গ্রাম ॥  
 শ্রীরাম বলেন শ্রীত হইলু তোমারে ।  
 বিলম্ব না কর তুমি আমা রাখিবারে ॥  
 চড়েন পুষ্পকে রাম-সীতা কুতূহলে ।  
 মুখ ঢাকিলেন সীতা নেতের অঞ্চলে ॥  
 স্মিতানন্দন বীর চড়িলেন তাতে ।  
 একপাশে রহিলেন ধনুর্বাণ হাতে ॥  
 সীতা উদ্ধারিয়া রাম যান নিজ দেশে ।  
 লঙ্কাকাণ্ড রচিল পণ্ডিত কৃষ্টিবাসে ॥

—

॥ শ্রীরামচন্দ্রের দেশে আগমন ॥

হনুমানে শ্রীরাম করেন আজ্ঞাদান ।  
 ভরতেরে সমাচার দেহ হনুমান ॥  
 নন্দীগ্রামে যাইবেক ভরত-উদ্দেশে ।  
 কহিবে সকল কথা অশেষ বিশেষে ॥  
 নিজরূপে হনুমান উঠিল গগনে ।  
 ভরতের কাছে যায় দ্বরিতগমনে ॥  
 শত্রুশ্বেরে ভরত করেন সন্ধিধান ।  
 স্তুদিন হইল ভাই দুঃখ-অবসান ॥  
 বশিষ্ঠ নারদ চলে কুলপুরোহিত ।  
 সংসারের লোক চলে হয়ে আনন্দিত ॥  
 আবৃত হইল দোলা নেতের উয়াড়ে ।  
 সাত শত সতীনে কৌশল্যাদেবী নড়ে ॥  
 ভরতে দেখিয়া রাম হলেন কাতর ।  
 অস্থি-চর্ম-সার অতি ক্ষীণ-কলেবর ॥

রথোপরি চারি ভায়ে হল দরশন ।  
 চতুর্দশ বৎসরাস্ত্রে দেন আলিঙ্গন ॥  
 এক ঠাই চারি ভাই হইল মিলন ।  
 আনন্দে অমরে করে গুপ্পবরিষন ॥  
 শ্রীরাম বশিষ্ঠ গুরু করেন বন্দন ।  
 সবারে বন্দেন রাম কুলের ব্রাহ্মণ ॥  
 মাতা ও বিমাতা সবে করেন প্রণাম ।  
 আশীর্বাদ করে চিরজীবী হও রাম ॥  
 পুলকে পূর্ণিত হয়ে কান্দে দুই রানী ।  
 দুইজনে প্রণমিলা সীতা-ঠাকুরানী ॥  
 কান্দেন সুমিত্রা রানী সীতা লয়ে কোলে ।  
 তিনজনে তিতিলেন নয়নের জলে ॥  
 সুমিত্রার আগে রাম জোড়হাতে কন ।  
 এই লহ মাতা তব প্রাণের লক্ষ্মণ ॥  
 বনেতে গমন আমি কৈলু যেইকালে ।  
 হাতে হাতে লক্ষ্মণেরে সঁপে দিয়াছিলে ॥  
 প্রাণের দোসর মম লক্ষ্মণ যে ভাই ।  
 লক্ষ্মণের গুণে বনে হুংথ জানি নাই ॥  
 পিতৃসত্য পালিয়া আইলু দেশে ফিরে ।  
 তোমার লক্ষ্মণে এনে দিলাম তোমারে ॥  
 সুমিত্রা বলেন রাম কত কর আর ।  
 আমার লক্ষ্মণ নহে জানিয়ো তোমার ॥  
 ভরত বলেন প্রভু নিবেদি চরণে ।  
 ব্রত সাঙ্গ হল মম তোমা-আগমনে ॥  
 গচ্ছিত আমার কাছে আছে পিতৃরাজ্য ।  
 তোমার আজ্ঞাতে করিয়াছি রাজকার্য ॥  
 আজ্ঞা করো রাজ্য লও বোসো সিংহাসনে ।  
 সেবা করে থাকি রাম-সীতার চরণে ॥  
 শ্রীরাম ভূপতি হন আসি অযোধ্যায় ।  
 বাসনা করিয়া সবে চলিল তথায় ॥  
 শুভদিনে শ্রীরাম বসেন সিংহাসনে ।  
 চারি ভিতে চামর ঢুলায় রাজগণে ॥

যে ছুঃখ পাইয়াছিল রাম গেলে বনে ।  
 পাসরিলা এবে সবে সদা দরশনে ॥  
 এইরূপে শ্রীরাম হইয়া আনন্দিত ।  
 রাজত্ব করেন তিন ভ্রাতার সহিত ॥  
 কুন্তিবাস কবির কবিত্ব সুধাভাণ্ড ।  
 এত দূরে সমাপ্ত হইল লঙ্কাকাণ্ড ॥

—



## উত্তরাকাণ্ড

॥ শ্রীরামের রাজত্ব ও সীতার বনবাস ॥

শ্রীরাম করেন রাজ্য ধর্মপরায়ণ ।  
রাজ্যে নাহি দুর্ভিক্ষ কি অকালমরণ ॥  
নিবাস করেন রাম সীতাদেবী-সঙ্গে ।  
ষড়্ঋতু বঞ্চন করেন নানা রঙ্গে ॥  
একদিন রঘুনাথ আইলা বাহিরে ।  
পাত্রমিত্র সকলেতে কানাকানি করে ॥  
রারণের ঘরে সীতা ছিল দশ মাস ।  
হেন সীতা লয়ে রাম করেন নিবাস ॥  
পাত্রমিত্র ভয় পেয়ে করে কানাকানি ।  
সীতা-নিন্দা রঘুনাথ শুনিলা আপনি ॥  
উপহাস করে লোকে সহিতে না পারি ।  
ডাক দিয়া রঘুনাথ আনিল ছুয়ারী ॥  
ছুয়ারী ডাকিয়া রাম বলেন বচন ।  
ভরত লক্ষ্মণ শত্রুঘ্নে ডাকিয়া আনো ॥  
পাইয়া রামের আজ্ঞা সে দ্বারী সত্বর ।  
তিনজনে আনি দিল রামের গোচর ॥  
তিন ভাই আসিয়া বন্দিল শ্রীচরণ ।  
তিন ভায়ে লয়ে যুক্তি করেন তখন ॥

শ্রীরাম বলেন শুন ভাই রে লক্ষ্মণ ।  
 সীতা লয়ে রাখো গিয়া মুনি-তপোবন ॥  
 বাল্মীকির তপোবন খ্যাত চরাচরে ।  
 দেশের বাহিরে সীতা রাখো নিয়া দূরে ॥  
 কালি সীতা বলিলেন আমারে আপনি ।  
 নানা রত্নে তুষিব সে মুনির ব্রাহ্মণী ॥  
 এই কথা কহো গিয়া প্রাণের লক্ষ্মণ ।  
 রামের আজ্ঞায় তুমি চলো তপোবন ॥  
 এ কথা কহিলে তাঁর পড়িবেক মনে ।  
 সীতা যাবে আপনি মুনির তপোবনে ॥  
 এত যদি নিষ্ঠুর বলিল রঘুনাথ ।  
 তিন ভায়ের মুণ্ডে যেন পড়ে বজ্রাঘাত ॥  
 হাহাকার করি লক্ষ্মণ ছাড়য়ে নিশ্বাস ।  
 কি দোষেতে সীতারে দিবে হে বনবাস ॥  
 শ্রীরাম বলেন ভাই না কর বিষাদ ।  
 সীতা গৃহে থাকিলে হইবে অপবাদ ॥  
 শ্রীরামের কথাতে লক্ষ্মণ লাগে ভয় ।  
 স্মৃত্তে আনিয়া তবে কথাবার্তা কয় ॥  
 রথ-সহ স্মৃত্তেরে রাখিয়া ছুয়ারে ।  
 প্রবেশ করেন লক্ষ্মণ সীতার আগারে ॥  
 লক্ষ্মণ বলেন মাতা করো অবধান ।  
 শ্রীরামের আজ্ঞাতে আইনু তব স্থান ॥  
 কালি তুমি কহিয়াছ রাম-বিদ্যমানে ।  
 সাক্ষাৎ করিতে যাবে মুনিপত্নী-সনে ॥  
 আইলাম তব স্থানে এই সে কারণ ।  
 মম সঙ্গে চলো বাল্মীকির তপোবন ॥  
 মণি রত্ন ধন লহ যেবা লয় চিতে ।  
 নানা রত্ন লয়ে আসি উঠ দিব্যরথে ॥  
 ইহা শুনি সীতাদেবী গেলেন ভাণ্ডারে ।  
 নানা রত্ন আনিলেন অতি যত্ন ক'রে ॥  
 ভরত শক্রবর্মা আছে রামের নিকট ।  
 সীতা লয়ে যান লক্ষ্মণ করিয়া কপট ॥

সীতা বলে আজি কেন দেখি অমঙ্গল ।  
 নাহি জানি রঘুনাথ চিস্তে অকুশল ॥  
 লক্ষ্মণ বলেন সীতা না হও ব্যাকুল ।  
 হেরো দেখো আইলাম যমুনার কূল ॥  
 বিধির নির্বন্ধ কর্ম খণ্ডন না যায় ।  
 এ কূলে রাখিয়া রথ দৌহে চলি যায় ॥  
 পার হয়ে যান বাল্মীকির তপোবন ।  
 আগে সীতাদেবী যান পশ্চাতে লক্ষ্মণ ॥  
 কাঁদিতেছে লক্ষ্মণ মনেতে পেয়ে ভয় ।  
 লক্ষ্মণের ক্রন্দনেতে সীতা ভীতা হয় ॥  
 সীতাদেবী জিজ্ঞাসেন দেবর লক্ষ্মণ ।  
 কি কারণে উচ্চৈঃস্বরে করিছ ক্রন্দন ॥  
 লক্ষ্মণ কহেন কব কেমন সাহসে ।  
 রামের আজ্ঞায় তোমা আনি বনবাসে ॥  
 মহাত্রাস পায় সীতা শুনিয়া সকল ।  
 শ্রাবণের ধারা-সম চক্ষু পড়ে জল ॥  
 এতদূরে আসি মোরে বলিলে লক্ষ্মণ ।  
 কপটে আনিলে বাল্মীকির তপোবন ॥  
 না দিবেন দেশের মধোতে যদি স্থান ।  
 পরীক্ষা করিয়া কেন কৈলা অপমান ॥  
 যমুনায ত্যজি শ্রাণ তোমার সম্মুখে ।  
 রঘুবংশে কলঙ্ক ঘষুক সর্বলোকে ॥  
 পাঁচ মাস গর্ভ মোর দেখো বিচরমান ।  
 আমি মৈলে মরিবেক রামের সন্তান ॥  
 আমা লাগি প্রভু লজ্জা পাইল সভায় ।  
 বিনা অপরাধে ত্যাগ করিলা আমায় ॥  
 লক্ষ্মণ বিদায় মাগে করি জোড়হাত ।  
 কাঁদিয়া বলেন সীতা কোথা রঘুনাথ ॥  
 সীতাদেবী রাখিয়া লক্ষ্মণ বীর নড়ে ।  
 কান্দিতে কান্দিতে বীর নায়ে গিয়া চড়ে ॥  
 নৌকায় হইয়া পার চড়িলেন রথে ।  
 কোথা রাম বলি সীতা লাগিলা কান্দিতে ॥

উচ্চৈঃস্বরে কান্দে সীতা বনের ভিতর ।  
 শিশু সঙ্গে আইল বান্মুকি মুনিবর ॥  
 পরম আদরে সীতায় লয়ে যান মুনি ।  
 সীতারে রাখিল লয়ে যথায় ব্রাহ্মণী ॥  
 মুনিপত্নী সহিত রহেন তপোবন ।  
 কান্দিয়া অযোধ্যা-পুরে ফিরেন লক্ষ্মণ ॥  
 দশ মাস গর্ভকাল করিয়া যাপন ।  
 প্রসব করিল সীতা যমজ নন্দন ॥  
 লব আর কুশ নাম রাখে মুনিবর ।  
 পুত্রযুথ চাহি সীতা হরিষঅন্তর ॥



দিনে দিনে বাড়ে ছুই জানকী নন্দন ।  
 মুনিবর দেয় শিক্ষা করিয়া যতন ॥  
 রচিল যে সপ্তকাণ্ড গীত রামায়ণ ।  
 শিখাইল লব কুশে হরষিত মন ॥

॥ শ্রীরামের অশ্বমেধ-যজ্ঞ ॥

শ্রীরাম পালেন প্রজা অযোধ্যা-নগরে ।  
 রামরাজ্যে প্রজা সব সুখে বাস করে ॥  
 এইরূপে কাটিল দ্বাদশ বৎসর ।  
 অশ্বমেধ-যজ্ঞকথা চিন্তে রঘুবর ॥  
 রাম বলেন অশ্বমেধ করিলাম সার ।  
 অশ্বমেধ যজ্ঞ সম ক্রিয়া নাহি আর ॥  
 এত যদি कहিলেন কমললোচন ।  
 শুনিয়া হরিষ হইল ভরত-লক্ষ্মণ ॥  
 নানা রত্ন আনি দিল বিশায়ের স্থানে ।  
 যজ্ঞশালা বিশ্বকর্মা করেন গঠনে ॥  
 দিল মণিমাণিক্যাদি প্রবাল বিস্তর ।  
 বিশ্বকর্মা যজ্ঞকুণ্ড নির্মাণ সত্তর ॥  
 যত মুনি আইলেন নাম নাহি জানি ।  
 আইলেন আদি কবি বাল্মীকি আপনি ।  
 মুনিগণ সকলে করিল বেদধ্বনি ।  
 যজ্ঞ করিবারে রাম বসেন আপনি ॥  
 সস্ত্রীক হইয়া ধর্ম করে এই জ্ঞানে ।  
 স্বর্ণসীতা আনিল সে শাস্ত্রের বিধান ॥  
 দেশে দেশে চলিল যজ্ঞের নিমন্ত্ৰণ ।  
 নিমন্ত্ৰণ পাইয়া আসিল রাজগণ ॥  
 সূত্রীব অঙ্গদ আদি শাখামৃগগণ ।  
 জ্ঞাতিগণ-সহ আসে রাজা বিভীষণ ॥  
 বশিষ্ঠ বিশিষ্ট আর সূমন্ত্র সারথি ।  
 যজ্ঞের যতেক দ্রব্য করিল সংগতি ॥  
 যখন ভরত বীর যেই আজ্ঞা করে ।  
 সেই দ্রব্য শত্রুঘ্ন যোগায় অনিবারে ॥  
 জয়পত্র ঘোড়ার কপালেতে লিখন ।  
 দিলেন শত্রুঘ্ন বীরে ঘোড়ার রক্ষণ ॥  
 শ্রীরাম বলেন শুন শত্রুঘ্ন ভাই ।  
 যজ্ঞপূর্ণকালে যেন এই ঘোড়া পাই ॥



দিগ্দিগন্তুরে ঘোড়া যায় দেশে দেশে ।  
ছ মাসের পথ যায় চক্ষুর নিমিষে ॥



জয়পত্র ঘোড়ার কপালেতে লিখন ।  
ঘোড়া দেখি প্রাণ উড়ে যত রাজগণ ॥  
মিলিল সকল রাজা আসিয়া তথাই ।  
পরাজয় মানিলেক শত্রুপ্লের ঠাঁই ॥  
হেনমতে তিন দিক করি আসে জয় ।  
ঘোড়া লয়ে শত্রুপ্ল যজ্ঞ-কাছে রয় ॥  
প্রায় যজ্ঞ সমাপন হয় এইক্ষণে ।  
দৈবের নির্বন্ধ ঘোড়া গেল সে দক্ষিণে ॥  
তুরগ পবনবেগে করিল প্রয়াণ ।  
উপস্থিত হইল বাল্মীকিমুনি-স্থান ॥  
লব-কুশ বৃক্ষতলে নানা খেলা খেলে ।  
হেনকালে অশ্ব এল সে গাছের তলে ॥  
ঘোড়া দেখি হরিষ হইল দুইজন ।  
হেমপত্র তার ভালে দেখিল লিখন ॥  
জয়পত্র দেখি দুই ভাই কোপে জ্বলে ।  
জিজ্ঞাসা করিয়া ঘোড়া বাঁধে বৃক্ষমূলে ॥

॥ লব-কুশের সহিত যুদ্ধে শত্রু, ভরত ও  
লক্ষ্মণের পতন ॥

সৌমিত্রির আগে দূত কহে বারেবার ।  
মহারাজ ঘোড়া বন্দী হইল তোমার ॥  
শুনিয়া সৌমিত্রি বীর করেন বিষাদ ।  
বিধির নির্বন্ধ কিবা পড়িল প্রমাদ ॥  
না জানি কান্দার সনে হইবেক রণ ।  
এতেক চিন্তিয়া বীর করিল গমন ॥  
ঘোড়া লয়ে দুই ভাই খেলে বারে বার ।  
লব-কুশে দেখিয়া তাহার চমৎকার ॥  
লব-কুশ খেলা করে দেখি শত্রুঘন ।  
জিজ্ঞাসা করয়ে ঘোড়া বাঁধে কোন্‌জন ॥  
শত্রুঘ্নের কথা শুনি দুই ভাই হাসে ।  
কি নাম ধরহ তুমি থাক কোন্‌ দেশে ॥  
শত্রুঘ্ন বলেন মম জন্ম সূর্যবংশে ।  
চারি ভাই থাকি মোরা অযোধ্যা-প্রদেশে ॥  
দাশরথি আমরা যে ভাই চারিজন ।  
শ্রীরাম ভরত আর শত্রুঘ্ন লক্ষ্মণ ॥  
এতেক বলিল যদি বীর শত্রুঘ্ন ।  
রুঘিয়া সে লব-কুশ করিছে তর্জন ॥  
চারি ভাই তোমরা আমরা দুই ভাই ।  
আজি ঘোড়া লয়ে যাও মোরা তাই চাই ॥  
নানা অস্ত্র দুই ভাই ফেলে চারি ভিতে ।  
শত্রুঘ্ন কাতর অতি না পারে সহিতে ॥  
লব বলে কুশ শুন আমার বচন ।  
তুমি সৈন্য মারো আমি মারি শত্রুঘন ॥  
কুশ বাণ জুড়িল লবেরে করি পাছে ।  
সন্ধান পুরিয়া গেল সৌমিত্রির কাছে ॥  
উভয়ের বাণ গিয়া গগনেতে উঠে ।  
উভয়ে বরিষে বাণ উভয়েতে কাটে ॥  
নানা অস্ত্র ছুইজন করে অবতার ।  
চারি দিকে পড়ে বাণ অগ্নির সঞ্চার ॥

এড়িল সকল বাণ সৌমিত্রি নিপুণ ।  
 ফুরাইল সব বাণ শূন্য হল তুণ ॥  
 মহাপাশ বাণ কুশ জুড়িল ধনুকে ।  
 সিংহের গর্জনে বাণ উঠে অন্তরীক্ষে ॥  
 গলায় লাগিল পাশ মৃত্যু-দরশন ।  
 মহাপাশ বাণাঘাতে পড়ে শক্রঘন ॥  
 শক্রঘ্ন পড়িয়া রহে রণের ভিতর ।  
 মহানন্দে দুই ভাই চলিলেক ঘর ॥  
 কহিতে লাগিল গিয়া মায়ের গোচর ।  
 দুই ভাই খেলিলাম এ দুই প্রহর ॥  
 দুই শিশু লয়ে সীতা রহিল সন্তোষে  
 শক্রঘ্নের বার্তা লয়ে দূত গেল দেশে ।  
 পাত্রমিত্র সহ রাম আছে যজ্ঞস্থানে ।  
 হেনকালে ভগ্নদূত গেল সেইখানে ॥  
 ভয় লাগি প্রভু বলিবারে বিবরণ ।  
 সৈন্যসহ যুদ্ধেতে পড়িল শক্রঘন ॥  
 দূত কহে মহারাজ দুই মুনিমুত ।  
 যুদ্ধ করে সমরে সাক্ষাৎ যমদূত ॥  
 ঘোড়া বন্দী করিল তাহারা দুইজন ।  
 এতেক প্রমাদ পড়ে ঘোড়ার কারণ ॥  
 সে কথা শুনিয়া রাম করেন চিন্তন ।  
 প্রমাদ পড়িল দৈবে না যায় খণ্ডন ॥  
 ভরত লক্ষ্মণ বলে যদি আজ্ঞা পাই ।  
 শিশু ধরিবারে যাই মোরা দুই ভাই ॥  
 এতেক বলিল যদি ভরত লক্ষ্মণ ।  
 শ্রীরাম দিলেন আজ্ঞা উভয়ে তখন ॥  
 বিদায় হইয়া যান ভরত লক্ষ্মণ ।  
 বাল্মীকির তপোবনে করিল গমন ॥  
 কটক সমেত পড়ি আছে শক্রঘন ।  
 সেইখানে গেলেন শ্রীভরত-লক্ষ্মণ ॥  
 লব কুশ গেল যথা ভরত-লক্ষ্মণ ।  
 তৃণজ্ঞান করে সব দেখি সেনাগণ ॥

মনোহর দুই ভাই দুর্বাদলশ্যাম ।  
 সকল কটক বলে এল দুই রাম ॥  
 সেই তেজ সেই বল সেই ধনুর্বাণ ।  
 আকৃতি প্রকৃতি দেখি রামের সমান ॥  
 কুশে আর ভারতে বাজিল মহারণ ।  
 মহাযুদ্ধ করে লব সহিত লক্ষ্মণ ॥  
 পলাইল সব ঠাট নাহিক দোসর ।  
 সবেমাত্র লক্ষ্মণ রহেন একেশ্বর ॥  
 ডাকিয়া বলেন লব শুন হে লক্ষ্মণ ।  
 কোথা গেল সৈন্য তব নাহি একজন ॥  
 মারিলে যে ইন্দ্রজিত রাবণকুমারে ।  
 তোমারে মারিয়া যশ রাখিব সংসারে ॥  
 দেখিয়া তো লক্ষ্মণের লাগে চমৎকার ।  
 ফুরাইল সব বাণ তুণে নাহি আর ॥  
 পাশুপত বাণ সে লবের মনে পড়ে ।  
 তুণ হতে বাণ নিয়া ধনুকেতে জোড়ে ॥  
 বাসুকী তক্ষক যেন বাণের গর্জন ।  
 পাশুপত বাণে বিস্ফে পড়িল লক্ষ্মণ ॥  
 লক্ষ্মণে জিনিয়া যায় ভায়ের উদ্দেশে ।  
 হেথা যুদ্ধ বাজিল ভারত আর কুশে ॥  
 কুশের সহিত লব নাহি করে দেখা ।  
 লুকায়ে দেখে যে কুশের অস্ত্রশিক্ষা ॥  
 শত্রুঘ্নে মারিয়া তার বাড়িয়াছে আশ ।  
 ভারতের সনে যুঝে নাহি করে ত্রাস ॥  
 কুশ বীর বাণ এড়ে ভারত-সন্মুখে ।  
 ভারতের যত বাণ কাটে একে একে ॥  
 কুশ বলে ভারত আর কত বাণ এড় ।  
 এই আমি বাণ এড়ি যমঘরে নড়ে ॥  
 জুড়িল ঐষিক বাণ কুশ যে ধনুকে ।  
 সিংহের গর্জনে সে উঠিল অন্তরীক্ষে ॥  
 ভারত কটক সহ পড়িলেন রণে ।  
 ধেয়ে গেল লব সে কুশের বিছামানে ॥

রক্তে রাঙা দুই ভাই করে কোলাকুলি ।  
 জলে গিয়া যুদ্ধক্ষত ফেলিল পাখালি ॥  
 সংগ্রামের বেশ থুয়ে বৃক্ষের কোটরে ।  
 শূন্যহস্তে গেল দৌহে মায়ের গোচরে ॥  
 জানকী বলেন রে বিলম্ব কি কারণ ।  
 কোন্ কার্যে লব-কুশ ব্যাজ এতক্ষণ ॥  
 এতেক প্রমাদ সীতা কিছু নাহি জানে ।  
 মিথ্যা কহি মায়েরে প্রতারে দুইজনে ॥  
 কোনো চিন্তা নাহি মাগো তোমার প্রসাদে ।  
 তপোবন রাখি মোরা মুনি-আশীর্বাদে ॥  
 রাম মুনিবেষ্টিত আছেন যজ্ঞস্থানে ।  
 হেনকালে ভগ্নদূত গেল সেইখানে ॥  
 কৃতাজলি হয়ে দূত করে নিবেদন ।  
 কি কহিব রঘুনাথ দৈবের ঘটন ॥  
 দুই শিশু নর নহে বিষ্ণু-অবতার ।  
 তোমার যতেক সেনা করিল সংহার ॥  
 শুনিয়া মূর্ছিত রাম কমললোচন ।  
 চৈতন্য পাইয়া রাম করেন ক্রন্দন ॥  
 নেত্রনীরে শ্রীরামের তিতিল বসন ।  
 স্নুগ্রীব প্রভৃতি দেন প্রবোধ-বচন ॥  
 ক্রন্দন সম্বর রাম স্থির করো মতি ।  
 দুই শিশু ধরি গিয়া চলো শীঘ্রগতি ॥  
 রথের উপর রাম চড়েন সম্বর ।  
 মহাশব্দ করি যায় রাক্ষস বানর ॥

॥ লব-কুশের সহিত যুদ্ধে শ্রীরামের পরাজয় ॥

সমরে গেলেন রাম কমললোচন ।  
 ভরত লক্ষ্মণ পড়িয়াছে শত্রুঘন ॥  
 আর পড়িয়াছে ঠাট ছয় অক্ষৌহিনী ।  
 দেখিয়া উদ্ভিগ্ন হন রাম রঘুমণি ॥

লব কুশ ছুই ভাই করে অমুমান ।  
 এই বুঝি সৈন্য লয়ে আইলেন রাম ॥  
 তুণপূর্ণ বাণ নিল ধনু নিল হাতে ।  
 যুঝিবারে ছুই ভাই চলে আনন্দেতে ॥  
 যেখানে শ্রীরাম তথা গেল ছুইজন ।  
 তিন রাম এক ঠাই দেখে সর্বজন ॥  
 পঞ্চমাস গর্ভবতী জানকী যখন ।  
 সেকালে তাঁহারে রাম করেন বর্জন ॥  
 লক্ষ্মণ আনিয়া তাঁরে রাখে এই বনে ।  
 সীতার যমজ পুত্র হেন লয় মনে ॥  
 এত ভাবি রঘুনাথ চান পরিচয় ।  
 বলো দেখি তোমরা কি আমার তনয় ॥  
 পরিচয় দেহ কিবা আমার নন্দন ।  
 এমন হইলে আমি না করিব রণ ॥  
 শুনিয়া সে কথা দৌহে করে কানাকানি ।  
 কেমনে বলিব নাম বাপ নাহি চিনি ॥  
 ছুই ভাই যুক্তি করে কেহ নাহি জানে ।  
 তবে রামে ডাকি বলে তর্জন-গর্জনে ॥  
 আমা দৌহে দেখিয়া সে কাঁপিলে অন্তরে ।  
 পরিচয় সে কারণে চাহ বারে বারে ॥  
 ছুই ভাই চতুর না জানে পিতৃনাম ।  
 ভাঁড়াইল কপটে বুঝিলেন শ্রীরাম ॥  
 ছুই ভাই কুপিয়া ধনুকে বাণ জোড়ে ।  
 হস্তী ঘোড়া কাটিয়া গগনে বান উড়ে ॥  
 চারি ভিতে সৈন্য যুঝে লব-কুশ মাঝে ।  
 নানা অস্ত্র লইয়া সে ছুই ভাই যুঝে ॥  
 বাণে বিদ্ধ রাক্ষস বানর যত পড়ে ।  
 যেমন কদলী বৃক্ষ পড়ে মহাঝড়ে ॥  
 সেনাপতি ভঙ্গ দিল লব-কুশ হাঙ্গে ।  
 ডাক দিয়া শ্রীরামেরে বলে লব-কুশে ॥  
 যুদ্ধে ভঙ্গ দিলেন তোমার সেনাপতি ।  
 হেন ঠাট কেন রাম আনহ সংহতি ॥

পাইয়া শ্রীরাম লজ্জা করেন উত্তর ।  
 যায় যাক ঠাট আমি আছি একেশ্বর ॥  
 ছই দিকে ছই ভাই রাম একেশ্বর ।  
 বাণে বিদ্ধ রামচন্দ্র হলেন কাতর ॥  
 নানা অস্ত্র ছই ভাই এড়ে ছই ভিত ।  
 কোন দিক রাখিবেন শ্রীরাম চিন্তিত ॥  
 চাহিতে লবের পানে কুশ এড়ে বাণ ।  
 লব বিদ্ধে যতপি কুশের পানে চান ॥  
 একেবারে ছই ভাই পুরিল সন্ধান ।  
 মূর্ছিত হইয়া ভূমে পড়েন শ্রীরাম ॥  
 নড়িতে নারেন রাম বাণে অচেতন ।  
 লব-কুশ কাড়ি লয় গাত্র-আভরণ ॥  
 সংগ্রামের বেশ কাড়ি লয় ছই ভাই ।  
 অস্ত্র-শস্ত্র ধনুর্বাণ কিছু ছাড়ে নাই ॥  
 ছই ভাই আসিল মায়ের বিত্তমান ।  
 যুদ্ধকথা কহিতে লাগিল তাঁর স্থান ॥  
 শ্রীরাম ভরত আর শত্রুঘ্ন লক্ষ্মণ ।  
 এ সবার সঙ্গে করিলাম বহু রণ ॥  
 এসেছিল যত সেনা কেহ তার নাই ।  
 কহি সে অপূর্ব কথা শুন মাতা তাই ॥  
 ধনুর্বাণ আনিয়াছি রথের সাজন ।  
 এই দেখো এনেছি রামের আভরণ ॥  
 দেখিয়া জ্ঞানকী দেবী চিনিয়া তখন ।  
 শিরে করি করাঘাত করয়ে রোদন ॥  
 হায় হায় কি করিলি ওরে লব-কুশ ।  
 পিতৃহত্যা করিয়া কি রাখিলি পৌরুষ ॥  
 ধৈর্যে যায় সীতাদেবী কেশ নাহি বাঁধে ।  
 তাঁর পিছে শিরে হাত ছই ভাই কাম্বে ॥  
 শ্রীরাম-উদ্দেশেতে চলেন তিনজন ।  
 উদ্ধৃষ্ট হইলেন যথা কল রণ ॥  
 কাতর হইয়া সীতা করেন ক্রন্দন ।  
 বিলাপ করেন ধরি রামের চরণ ॥







যেদিন যা হবে তাহা মুনি সব জানে ।  
 উপস্থিত হল মুনি সীতাদেবী-স্থানে ॥  
 মুনি বলে শুন সীতা আমার বচন ।  
 ছুই পুত্র লয়ে ঘরে করহ গমন ॥  
 এক মন্ত্রে জল পড়ি দিল মহামুনি ।  
 তপোবনে ছড়াইয়া দিলেন তখনি ॥  
 কটকের গায়েতে যতেক লাগে ছড়া ।  
 অসংখ্য কটক উঠে দিয়া অঙ্গ ঝাড়া ॥  
 মৃত্যুজীবী জল যদি হল পরশন ।  
 শ্রীরাম লক্ষ্মণ আদি উঠিল তখন ॥  
 শ্রীরাম ভরত আর শত্রুঘ্ন লক্ষ্মণ ।  
 দূর হতে দেখি সীতা পাইল জীবন ॥  
 শ্রীরামের সঙ্গে মুনি করে সম্ভাষণ ।  
 চারি ভাই করিলেন মুনিরে বন্দন ॥  
 শ্রীরাম বলেন মুনি তোমার প্রসাদে ।  
 রক্ষা পাইলাম সবে পড়িয়া প্রমাদে ॥  
 কিন্তু মুনি জানিতে বাসনা মনে হয় ।  
 কাহার তনয় ছুটি দেহ পরিচয় ॥  
 মুনি বলে রাম আমি না ছিলাম দেশে ।  
 কাহার তনয় তাহা না জানি বিশেষে ॥  
 এখন সে বালকের না পাবে দর্শন ।  
 দেশে লয়ে আমি তারে করাব মিলন ॥  
 অশ্ব লয়ে রঘুনাথ যাও নিজ দেশে ।  
 যজ্ঞ পূর্ণ করো গিয়া অশেষ বিশেষে ॥

—

॥ লব-কুশের রামায়ণ-গান । সীতাদেবীর  
 পাতাল-প্রবেশ ॥

মুনির আজ্ঞায় রাম করেন গমন ।  
 ঘোড়া আনি করিলেন যজ্ঞ সমাপন ॥

বড় পরিপাটি যজ্ঞ করেন ছুফর ।  
 শিষ্য-সহ আইল বান্ধীকি মুনিবর ॥  
 মুনিরে দেখিয়া রাম সম্মুখে উঠিয়া ।  
 বসিতে আসন দেন পাণ্ড-অর্থ্য দিয়া ॥  
 বীণা-হাতে ছুই ভাই বসিল সভায় ।  
 বান্ধীকি-রচিত গীত রামায়ণ গায় ॥  
 ছুই ভাই গীত গায় বাজাইয়া বীণা ।  
 সর্বলোক শুনে গীত অমৃতের কণা ॥  
 সভায় সকল লোক করে কানাকানি ।  
 রামের আকৃতি ছুই শিশু কে না জানি ॥  
 এই ছুই শিশু সহ করিলেন রণ ।  
 শ্রীরাম ভরত আর শত্রুঘ্ন লক্ষ্মণ ॥  
 শ্রীরাম হইতে ছুই বালক দুর্জয় ।  
 শ্রীরামেরে ইহারা করিল পরাজয় ॥  
 যতেক সভার লোক করে অনুমান ।  
 রামের এ ছুই পুত্র কভু নহে আন ॥  
 শ্রীরাম শুনিয়া সেই রামায়ণ-গান ।  
 নিজ পুত্র বলিয়া করেন অনুমান ॥  
 লব-কুশ সংগীত গাইল এক মাস ।  
 রচিল উত্তরাকাণ্ড কবি কৃতিবাস ॥  
 এক মাসে গীত যদি হইল বিরাম ।  
 জিজ্ঞাসা করেন তবে দৌহারে শ্রীরাম ॥  
 আমি তোমা সবাকে জিজ্ঞাসি বিবরণ ।  
 কোন্ বংশে জন্মিলা বা কাহার নন্দন ॥  
 লব-কুশ তখন শ্রীরামের সাক্ষাতে ।  
 ছলে পরিচয় দেন দৌহে হেঁটমাথে ॥  
 না জানি পিতার নাম মাতৃনাম সীতা ।  
 বান্ধীকির শিষ্য মোরা নাহি চিনি পিতা ॥  
 এই পরিচয় পেয়ে শ্রীরঘুনন্দন ।  
 ছুই পুত্র কোলে করি করেন ক্রন্দন ॥  
 শ্রীরাম বলেন হে বান্ধীকি জ্ঞানবান্ ।  
 জ্ঞান ভূত ভবিষ্যৎ আর বর্তমান ॥

এতেক জানিয়া তুমি না কহ আমারে ।  
 পরীক্ষা লইয়া সীতা আনো মম ঘরে ॥  
 সঙ্গে রথ লয়ে যাক সুমন্ত্র সারথি ।  
 বথে করি আনহ সীতারে শীঘ্রগতি ॥  
 মহামুনি শ্রীরামের অনুজ্ঞা পাইয়া ।  
 স্বদেশে গেলেন তবে সুমন্ত্রে লইয়া ॥  
 রথেতে চড়িয়া সীতা করিল গমন ।  
 বান্দীকির তপোবনে উঠিল ক্রন্দন ॥  
 জগতের যত লোক অযোধ্যা-নগরে ।  
 হেনকালে সীতা গেল সভার ভিতরে ॥  
 শ্রীরাম-চরণ সীতা করিল বন্দন ।  
 বান্দীকি রামের প্রতি কহেন তখন ॥  
 আমি জানি পাপ নাই সীতার শরীরে ।  
 মহাসতী সীতা আমি জানিছু অন্তরে ॥  
 ঘরে লহ সীতায় কি করহ বিচার ।  
 লব-কুশ দুই পুত্র সীতার কুমার ॥  
 মুনি-প্রতি শ্রীরাম কহেন জোড়হাতে ।  
 সীতার চরিত্র আমি জানি ভালোমতে ॥  
 আমি জানি সীতার শরীরে নাহি পাপ ।  
 বিধির নির্বন্ধ এই ঘটিল সন্তাপ ॥  
 আর কিছু মহামুনি না বলিয়া মোরে ।  
 সীতার পরীক্ষা লব সভার ভিতরে ॥  
 রামের বচন যে শুনিল সর্বলোকে ।  
 লজ্জায় কাতর সীতা পৃথিবীকে ডাকে ॥  
 সীতা নিতে পৃথিবী হইল আশুসার ।  
 সপ্ত পাতাল হইতে হল এক দ্বার ॥  
 অকস্মাৎ উঠিল সুবর্ণ-সিংহাসন ।  
 দশ দিক আলো ক'রে এ মর্ত্তভুবন ॥  
 আপন সন্তানে সীতা ফিরে নাহি চান ।  
 শ্রীরামেরে নিরখিয়া পাতালেতে যান ॥  
 পাতালে প্রবেশিয়া তিলেক নাহি থাকি ।  
 স্বমূর্তি ধরিয়া স্বর্গে গেলেন জানকী ॥

লক্ষ্মী স্বর্গে গেলেন হরিষ দেবগণ ।  
 অযোধ্যা-নগরে হেথা উঠিল ক্রন্দন ॥  
 জগতের নাথ রাম হইলেন বিকল ।  
 তাঁহার ক্রন্দনে লোক কান্দিল সকল ॥

—

। শ্রীরামাদির অষ্ট পুত্রকে রাজ্য প্রদান  
 ও স্বর্গারোহণ ॥

বহু বর্ষ করিলেন সাম্রাজ্য শাসন ।  
 পাত্রমিত্র সুখে আছে আর প্রজাগণ ॥  
 চারি ভায়ের মা মরে কাল-অবসান ।  
 ভাণ্ডার বিলায় রাম করে নানা দান ॥  
 চারি ভায়ের অষ্ট পুত্র হল মতিমান্ ।  
 অষ্টজনে অষ্টরাজ্য করেন প্রদান ॥  
 নরদেহ ছাড়িয়া গেলেন চারিজন ।  
 বৈকুণ্ঠে শ্রীবিষ্ণুরূপে দেন দরশন ॥  
 শ্রীরাম ভরত আর লক্ষ্মণ শত্রুঘন ।  
 মিলি হইলেন একদেহ নারায়ণ ॥  
 সীতাদেবী আইলেন শ্রীরামের পাশে ।  
 লক্ষ্মীরূপা হইলেন সীতা অবশেষে ॥  
 অল্পপম রামকথা কে পাইবে সীমা ।  
 অসীম অনন্ত রাম অনন্ত মহিমা ॥  
 পুণ্যবৃদ্ধি হয় ষাঁর করিলে স্মরণ ।  
 পাপী মুক্ত হয় যে শুনিলে রামায়ণ ॥  
 চারি বেদ পাঠ কৈলে যত ফল হয় ।  
 রামনামে তার কোটিগুণ ফলোদয় ॥  
 রামনাম লইতে যে করে অভিলাষ ।  
 সর্বপাপে মুক্ত সে বৈকুণ্ঠে করে বাস ॥  
 সপ্তকাণ্ড রামায়ণ অমৃতের খণ্ড ।  
 এতদূরে সমাপ্ত হইল সপ্তকাণ্ড ॥

